

**NATIONAL ASSEMBLY OF
SEYCHELLES**

Thursday 29th October, 2020

The Assembly met at 9.12am

National Anthem

Moment of Reflection

Mr Speaker is the Chair

MR SPEAKER

En pti refleksyon. *Thank you.* Bonzour tou bann Manm Onorab. Bonzour telespektater dan Sesel e deor. Eskiz nou pou sa pti *delay* mon konpran i ti aköz en pti problemm teknik avek lekiman son e *recording*. Nou ava al direk lo *Order Paper*. E nou ava al avek kontinyasyon Mosyon ki ti lo la. E mon pas laparol Onorab Georges.

HON BERNARD GEORGES

Mersi Mr Speaker. Bonzour Mr Speaker. Bonzour tou bann Manm Onorab, tou bann koleg. E bonzour tou bann dimoun ki pe swiv nou an deor Lasanble.

Mr Speaker nou premye Mosyon bomaten i lir *comme swivan*;

In accordance with Articles 63(1) and 69(2) of the Constitution, this Assembly approves the proposed appointment by the President

of the Republic of Mr Charles Errol Fonseka to the office of Minister. Mersi.

MR SPEAKER

Mersi Mosyon i ava ganny segonde. Note, Onorab Arissol.

HON PHILLIP ARISSOL

Mosyon i ganny segonde, Mr Speaker.

MR SPEAKER

Mersi. Nou ava apel Mr Charles Fonseka pou *join* nou silvouple. Nou ava *move to Committee Stage* pou nou komans avek nou prosedir.

Mersi bokou. *Bonjour* Mr Fonseka e byenveni dan Lasanble. Nou pou komans avek demann ou pou fer en pti prezantasyon pa plis ki 2 minit, 3 minit pou bann Manm konn en pti pe ou *background* e kalifikasyon. Mr Fonseka.

MR CHARLES FONSEKA

Mr Speaker, tou Manm Onorab, e tou dimoun ki a lekout *bonjour*. Mr Speaker avan mon komanse mon ti ava kontan pran sa lokazyon pou felisit ou, dan ou pozisyon koman nouvo Speaker sa 7enm Lasanble.

E mon war i fer mon gran plezir pou war ou ankadre sa Sez tre byen. E mon krwar dan sa lespri ou pou ganny en kantite sipor lo tou lede kote latab.

Mr Speaker mon le felisit osi akote ou annan ou *Vice-Speaker* or Deputy Speaker en veteran dan Lasanble. E Onorab Gervais Henrie mon osi felisit ou dan sa pozisyon.

Mr Speaker natirelman en lot veteran i Onorab Bernard Georges koman *Leader of Government Business*, e ankor enn fwa, felisitasyon. E lo lot kote mon ti ava kontan osi felisit Onorab Sebastien Pillay koman *Leader of the Opposition*. E mon krwar ou pou *enjoy* sa pozisyon dan Lopozisyon, aköz mon konn ou enn ou karakter. *Enjoy* sa moman.

Mr Speaker, *ok* mon'n anvoy en *very brief résumé* lo mwan. E i annan en pti rezon pou sa. E bann moman ki petet pou enteres zot dan mon karyer, espesyalman avan mon letan Sesel isi, dan louvraz ki mon'n fer pou 27 an, mon karyer avan mon ti fer isi ti dan en group spesyalis dan larme Britanik. E nou rol dan sa *unit* ti tre sansib. E natirelman menm ozordi i annan serten keksoz mon pa pou kapab al dan detay ladan.

Me i enportan osi ki mon donn zot en pe keksoz, aköz zot la pou sey konpran mon *background*. So mon ava sey fer sa *as much as possible*.

Zis pou donn zot en pti pe *background* lo sa, sa *unit* ti annan diferan rol, me enn

bann rol ki petet i ava tonm en pti pe anliny ek en keksoz ki mon kapab kontribye dan nou pei Sesel, se en rol stratezik ki Gouvernman Angle ti fer pou ed plizyer *foreign* pei, dan zot *risk assessment*, dan zot *national security environment*.

E nou ti vwar nou dan diferan pei, ki mon pa kapab mansyonn sa bann pei, selman mon kabab dir zot dan kontinan Lafrik, dan kontinan *Middle East*, dan Lerop dan kontinan *Far East* e osi dan Lanmerik.

So, sa i en baz ki ti annan de kote ti annan bann *skills* ki vremen ou ti ed sa bann pei. Me osi ti form par *geopolitical agenda* pou *obviously* pour pei pou *La Britannique*. Pou *extend* zot *reach* dan diferan pei tou.

Sa en keksoz enteresan ki mon'n fer kantite bann louvraz pou lezot pei. E mon ti a kontan ganny sa loportinite pou fer en kou mon louvraz pou mwan pei. Non? Mon krwar i ti ava bon.

Alor si mon ganny rekomande par zot, sa en keksoz ki mon santi mwan alez avek. E mon santi mwan osi pou en loner pou mwan kapab fer keksoz pou Sesel.

Mr Speaker mon pou aret la en pti kou zis pou donn zot en pti pe sans. Apre mon kapab *reinforce* enn de bann lezot kestyon, lezot pwen

answer lezot pwen ki zot kapab vin avek. Mersi Mr Speaker pou lenstan.

MR SPEAKER

Mersi Mr Fonseka pou sa lentrodiksyon byen bref. Nou komans avek sesyon kestasyon e mon pas laparol Onorab Sandy Arissol.

HON SANDY ARISSOL

Mersi Mr Speaker, bonzour tou Manm. Bonzour Mr Fonseka *welcome* dan Lasanble Nasyonal. Mr Speaker mon ti ava kontan dir en bonzour spesyal bann dimoun Bel Ombre ki a lekout, avek Lepep Seselwa.

Mon ti ava kontan demann Mr Fonseka, letan mon pe get ou CV ki ou'n anvoy nou parey ou'n dir enn en pe bref. Mon vwar poudir ou'n servi pou 22an koman en solda parey nou dir pou larme Angle.

Mon ti ava kontan zisteman demann ou en pe lo ou karakter. Mon'n tann ou koz en pe lo karakter bann nou dan Lasanble Nasyonal. Kekfwa donn nou en pe, koz en pe lo ou karakter ou menm ou koman en dimoun ki'n servi 22an dan militer. Kwa ki nou ekspekte ek ou, ou karakter si ou pe vin dan Gouvernman?

Dezyenmman, mon ti ava kontan demann ou, kwa ki

nou pe espekte avek ou koman Mr Roy Fonseka, si zanmen ou ganny elekte pou vin en Minis dan Gouvernman? Kwa ki Lepep Seselwa pe ekspekte avek ou, oubyen kwa ki ou, ou pou fer, ki pou diferaman avek bann ki ti la, si zanmen ou ganny en plas dan Gouvernman? Mersi bokou Mr Speaker.

MR SPEAKER

Mersi Onorab. Mr Fonseka.

MR CHARLES FONSEKA

Mersi Onorab Arissol. Premyerman mon karakter. Mon karakter espesyalman parey zot konn mwan depi ler mon'n retournen, Mon pa tro kontan koz lo mwan. Si dimoun i koz lo mwan i *ok*.

Me i pa mon rol pou *inflate* mon lekor dan okenn fason. So, mon karakter petet zot in war, i en pti pe trankil. E byen rar mon krwar pa si okenn mon bann zanmi ki menm la dan Lasanble, in tann mwan koz lo mon bann parkour avan.

Me selman ansanm ek ki ou pe ekspekte ek mon karakter. Mon'n abitye pran si oule bann keksoz enposib pou *achieve*. I mon natir pou rod keksoz ki difisil, pou rod keksoz ki paret si oule en pti pe enposib ek en ponnyen *challenge*. Si mon pa ganny sa mon pa pou pran en louvraz.

So sa i en keksoz ki mon ti ava kontan dir ou, ki ou kapab ekspekte ki sa ki vin lo mon latab mon pou *achieve* li, byen klerman. E i annan en kantite defi ki pe pase dan pei ki nou bezwen vreman met en stop avek. So sa ki mon kapab dir ou pou ekspekte ek mwan. Mersi Mr Arissol.

MR SPEAKER

Mersi Mr Fonseka. Kestyon Onorab Aglae.

HON EGBERT AGLAE

Mersi Mr Speaker. Bonzour Mr Fonseka. Mr Fonseka ler mon pe get ou *résumé* ki ou'n soumet devan Lasanble, san dout mon vwar ki ou kalifikasyon e ou bann leksperyans in touzour vize ver sa ki nou kapab apel militer, sekirite.

E ler mon pe gete osi ou'n osi en dimoun, ki deza dan en biznes sekirite Sesel ki tre renonmen, e premye kestryon mon ti ava kontan petet demann ou dan sa laliny, si ou ganny apwente koman Minis e ler mon pe gete portfolyo petet *Internal Affairs*, i al dan sa direksyon, ouswa Ladefans li menm. E mon ti ava kontan demann ou, petet eski ou pou ankor angaz ou avek ou lakonpanyen, sa lakonpanyen, pou fer ki nou tou nou koz la anndan parey konfli lentere. Si ou pou

annan en distans ki ou pou distans ou?

Dezyenmman sekirite pei i en konsern ki mon krwar pep Seselwa i atas en gran valer avek, akoz nou bezwen viv byen dan lape, dan linite.

Ki ou petet ou pe mazin fer, ouswa pou *advice* Gouvernman pou fer ki Seselwa i reetabli li dan en fason konsyaman, ki i sen e sof dan son pei?

E dezyenmman, kot i konsern si an ka ou ganny sa portfolyo parey *Internal Affairs* kot i konsern prizon ki tanzantan ki leve, bann lensidan.

Petet ki fason ou krwar, ou kapab relev nivo travayer ki pe travay laba li menm, pou fer sir ki zot an sekirite? E osi fer ki bann *inmates* ki laba, bann kondannen, zot osi zot lavi malgre zot in kondannen i sen e sof. Mersi.

MR SPEAKER

Mersi Onorab. Mr Fonseka.

MR CHARLES FONSEKA

Mersi Onorab Aglae mon ava sey al dan sa *list* la. Premye kestryon mon krwar ou ti dir ou demann mwan lo kestryon *basically conflict of interest*. *Yeah?*

Zis pou eksplik ou en pti gin, depi en bon 5an mon *already* mon'n *planned*. Mon ti pa pe plan pou mwan vin isi

mwan. Solman mon ti a pe *plan* en *succession plan*, ki vremen tou mon bann travayer pe *run Pilgrims* pou annan en *GM* ki *run Pilgrims*. Ki mon lentere ladan i zis *basically oversight* pour lenstan.

Zis pou eksplik ou lefe ki ou'n demann mwan lakonpanyen enteresan la. Mwan annan apepre 93 *employees* pou lenstan, *out of which* 33 i etranze, me tou mon bann *hierarchy* dan *Pilgrims Security* i Seselwa. E laplipar zot in dan lakonpanyen pou plis ki 12an, ou 15an, 20an en bann 27an menm.

E tou sa bann dimoun Seselwa ki ladan mon'n *groom* zot. Mon *groom* zot pou *run the company*. Zot ki pe *run sa company* ozordi, pa mwan.

E in pran letan. Me in pran disiplin, in pran *coaching, mentoring*, tou sa bann *skills* ki ou bezwen dan *management*. E i en laprev osi ki si nou annan en nou get nou bann travayer lokalman, e donn zot sa *training*. Napa nanryen ki zot pa kapab fer. Natirelman *along the way* ou annan serten *issues* ki ou gannyen, me sa nou kapab fer.

E menm zafer lo keस्थ्यon, ou'n demann lo keस्थ्यon prizon, lo keस्थ्यon ki mannyer nou kapab *improve* tousala. Apard *from* lankadreman

dimoun, donn zot *proper training, preparedness* tousala. I bezwen annan *political will* osi. Ou bezwen sa sipor politik ki ou Gouvernman, i vremen siport sa bann nide. E i enportan pou desid lo sa bann nide; *clarify* ou rezistans ki ou pou fer. E la ou annan tou *political will* deryer e ou met an plas, e definitivman ou pou ganny bon rezilta.

Lo keस्थ्यon sekirite nou pei. Sa en size tre enportan. E mon ti tann Prezidan Faure ti ape. I ti fer referans ek afilyasyon bann pei aletranze parey *Iraq*, bann pei Mwayen Oriyan ki ti petet *involve* dan serten trafik ki pe pas dan nou losean.

E sa i vremen en keksoz byen serye, akoz mannyer nou ete ek nou lanmer, i pa *distance* nou ek nou bann problemn drog osi pou annan *narco-terrorism*. *Narco-terrorism* i vremen bann group teroris ki petet servi *financing through narcotics*.

E tousala i vin en sel melimelo, e i en keksoz tre serye, pou enn pti pei parey nou pti pei, ek sa gran lespas ki nou annan ek sa gran *area*. So nou *ability* pou nou kapab ganny lentelizans *pinpoint* keksoz avan keksoz i arive.

E apre nou *ability* pou *respond* ek sa lentelizans ki ou'n gannyen, pou fer li dan en

fason vitman, efektivman i bezwen en kantite *training*, i bezwen en kantite *preparedness*.

E ler mon dir *training* ek *preparedness*, zis mon ti anvi eksplik en pti pe diferans la. En kantite dimoun i fer *training*, apre ler in fini son *training* i dir ou in fini *trained*.

Me sa i *lack preparedness*. *Preparedness* i *continuous management of* ou *training skills*. Ek ou group e sa ou pa kapab annan sityasyon kot ou bann dimoun ki ou anploye ou bann *security individuals* i fer bann louvraz ki pa anliny ek sa ki zot in ganny *trained for*.

Zot pa kapab fer bann lezot, ou konpran ki mon pe dir ou, en? Bann lezot keksoz ki pe al an deor sa. So sa *preparedness* i enportan. Ou bezwen donn sa letan *to preparedness*. *E preparedness* i en keksoz, i parey en *grade* ou monte. Si ou aret li ou komans desann.

E nou bezwen annan *system in place*, *key performance indicators* ki nou *include* dan nou bann *schedule*. Ki tou bann *commanders*, tou bann ansarz bann group travay, zot travay dapre *key performance indicators* e si zot pa *meet* sa zot bezwen *meet* li.

E sa bann keksoz disiplin koumsa i enportan, pou bon

rezilta parey ou pe demann mwan. So i en kestyon *really good management*, *good leadership*, ki enportan pou *achieve* pou bann bon rezilta. Mon *hope* mon'n eksplik mon'n reponn ou kestyon ase byen.

MR SPEAKER

En siplemanter oule so? Wi ale *carry on*.

HON EGBERT AGLAE

Mersi Mr Speaker. Mr Fonseka mersi pou bann larepons ki ou'n donner. La mon anvi konnen, an vi ki dan ou larepons ou'n fer sorti poudir ou annan ou 33 etranze ki pe travay avek sa lakonpanyen ki ou ti pe zere.

Mon ti ava kontan konnen, ki ou pozisyon si ou pou vin *Internal Affairs*, eski sirtou dan servis lapolis, eski nou pou kontinyen vwar etranze pe rann servis dan nou lapolis, etandonnen ki sityasyon ki nou ladan Seselwa i bezwen priyorite pou ganny travay? Ki i pou ou pozisyon? Mersi.

MR CHARLES FONSEKA

Pozisyon i vreman senp. Ou bezwen gete ki ou anvi *achieve*. Ler ou bezwen ou *deside* sa ki ou anvi *achieve* ou bezwen *deside* ki mannyer ou pou fer li.

Si ou bezwen en moman kot ou bezwen serten etranze pou *fill in and all that*, sa en lot zafer. Me selman mon krwar pa, si *at* serten nivo kot ou pe get *recruiting* Seselwa ki ou bezwen al *recruit*. Lotrozour pandan eleksyon, mon ti *Independent School* mon pe pase. E vreman en lapolis sekirite i pe koz ek mwan, solman i pe koz en Kreol Morisyen.

Me sa nivo i regretab ki nou pa'n *train* nou prop dimoun. So mon pou, mon krwar ki i annan serten pozisyon ki *management organization skills* ki petet nou bezwen etranze.

Me selman mon pa kontan osi etranze ki lo *long term contract*. Mon krwar etranze i devret vin isi pou en serten bi, en kontra ki ler zot fini zot ale.

E si ou fer sa dan ou kontra, ki de ki i konmans anzandre isi, *then* ou pe bous en trou pou Seselwa. So i pa en keksoz ki. *It's not a yes or no answer*. I en kestyon ou bezwen vreman konnen, kote ou anv i arive, ki manner ou pou fer li. E nou bezwen en pti pe nou, bezwen en pti pe mersener, ler nou servi etranze. Nou bezwen pran zot pou fer sa louvraz ziske ler nou pa bezwen zot pou fer sa louvraz. E zot ganny peye dapre koumsa. Sa i mon nide

deryer sa. Mon *hope* mon'n reponn ou kestyon.

MR SPEAKER

Mersi Mr Fonseka. Onorab Lemiel.

HON SYLVANNE LEMIEL

Mersi Mr Speaker. Bonzour tou mon bann Manm koleg Manm Onorab, e bonzour tou dimoun ki a lekout. Bonzour Mr Fonseka.

Mon kestyon pou ou Mr Fonseka, i se ki ozordi bokou dimoun Sesel e menm petet aletranz e osi, zot kritik sistenm. E zot dir ki Sesel e menm serten zofisye lapolis pou ou lenformasyon Mr Fonseka zot pe dir ki nou pe viv dan en *lawless country*. Ok?

Mon ti ava kontan petet konnen ki ou lopinyon lo la? E si i arive demen ou vin Minis pou portfolyo ki pou annan responsabilite sekirite pei, kwa nouvo ki ou pe mazin vin avek, pou amelyor sa sityasyon kot dimoun i ava aret kritike, pou dir ki nou pe viv dan en *lawless country*? Mersi.

MR CHARLES FONSEKA

Mersi Onorab Lemiel pou sa kestyon. Mon pou reponn sa senpleman. Mwan mon krwar ler nou ti ekout Prezidan Ramkalawan, fer son *speech State House*, i ti dir en mo ki'n

reste mon krwar ek nou tou. *The rule of law must stand* pou tou dimoun.

E i annan okenn pei ki napa *crime*? *Of course* pa egziste, me selman *manner* nou reazir *according to the rule of law*, i sa en keksoz ki mon krwar pou rezourd en kantite problem.

E natirelman lo sa *issue*, mon pa konnen lekel ki pe koz lo *lawlessness*. Natirelman *crime is one thing*, me selman *this is really* en keksoz ki mon krwar pou gid nou, pou asiste nou, pou anvoy mesaz ver bann dimoun ki petet pe kalkil kas Lalwa, ki *the rule of law irrespective of* kot ou ete *whatever must stand*. Mon *hope* mon kapab mon'n reponn ou sa kestyon, madanm. Mersi.

MR SPEAKER

Mersi Mr Fonseka. Wi, Onorab Lemiel. Siplemanter.

HON SYLVANNE LEMIEL

Mersi Mr Speaker. Mon santi petet Mr Fonseka, petet mon ti kontan ganny en pti pe, konmsi ki kwa egzakteman la ki pa pe ganny fer, konmsi ki nou pa pe kapab aplik sa Lalwa, ki ou pe mazin vin avek pou fer sir ki sa Lalwa i ganny aplike. Mwan mon konmsi mon pa santi petet sa in ganny adrese.

MR SPEAKER

Mersi Onorab. Wi Mr Fonseka.

MR CHARLES FONSEKA

Mon pe sey kalkile ki *manner* mon pou satisfè ou, ek mon *larepons*. I annan *diferan sistenm ok*? Nou annan bout ki al ek lapolis nou bezwen fer.

E parey mon'n dir mon'n dir pli boner nou bezwen annan. I annan de keksoz nou bezwen annan bann *key performance indicators* pou bann dimoun ansarz serten departman. *Ok*?

Zot bezwen *achieve*. Zot bezwen *achieve* zot bout. Zot bezwen *achieve* zot bout byen avan i ariv Ankour. So ki *manner* ou pou fer sa? Ou pou fer sir ki sa bann *indicators*, pou ed ou.

Me pa zis sa, mon osi krwar ki dan Sesel ek bann *diferan distrik* ki nou annan, bann *diferan pozisyon koumsa*, Nou bezwen enkli en keksoz ki nou apel en *cycle posting*.

Kot en serten *commander, superintendent, whatever* i war li ansarz en bout en landrwa pou dizon 9mwan, 1an. Lot lannen i war li en lot landrwa i fer *proper handover*.

E ler ou pe fer sa, ou pe fer tou ou bann *commanders* ou kapab mezir zot *performance* dan sa *pozisyon*, e dan sa menm *pozisyon* en lot

fwa i vin en lot dimoun, e ou pou *compare* sa de *output* sa de dimoun ansanm.

E i pou vin en trwazyenm. E sa sistenm *cycle* dan en pti pei, kot nou ptipti, nou napa gran bokou *outlet*. Nou pa parey Langleter kou travay diferan landrwa.

Mon krwar bann keksoz koumsa, i pou ed konpetisyon. Nou bezwen enkli konpetisyon dan nou bann diferan *leaders group*, dan nou sa ki ansarz. Nou bezwen *build* konpetisyon ladan.

E at *the same time* ler ou annan diferan brans, diferan departman ki ou'n *build* ou konpetisyon ladan, i donn en san pou *succession planning of promotion*, bann *area* koumsa.

Savedir dimoun en dimoun ki'n fer byen dan 2,3,4 rezyon par egzanp, sak fwa in ganny met dan sa rezyon, i konnen ler *promotion* in arive *he is in line for promotion*.

Akoz in ganny en bon rezilta. In *move* diferan *area*, in ganny diferan rezilta. En lot pa'n ganny tro bon, in fer bon dan 2 landrwa, me in *fail* dan enn de landrwa i pa pou *oversee* pou segon.

So ou *build* bann *system in*, kot ou kapab vreman konnen, donn sans dimoun *perform*. *Empower* zot dan zot bout les zot *get on with it*. Les zot *feel good*.

E ou bezwen annan sa *feeling* ki ler ou pou annan ou louvraz, ou santi ou pe *look forward to it*. Mon pe *look forward* pou en louvraz la. Mon pa pou get ler, akoz pou mwan i zis sa louvraz ki enportan.

E toultan mon'n *achieve*. Mon'n *achieve* keksoz ek mon lantouzyazm. Pa akoz mon ti konn tou keksoz. I zis sa *optimism* ki ou annan sa laganm pou fer keksoz, e ou konnen bann *recruit* pa konnen dimoun pou ed ou.

E tou keksoz i vin ansanm. *Jigsaw* i arive e nou bezwen kree sa bann ... Parfwa pa zis lekipman, i pa zis isi, laba, i zis vreman *human optimism* e respekte *human*. E donn zot sa sans pou *prove* zot lekor. *Good political will*, tousala bann bout ki nou bezwen met sa *jigsaw* ansanm.

In napa zis en sel larepons sa. E toultan ou bezwen pe *monitor your outputs*, e re-aranz en pti gin *monitor* re-aranze, *build up on that*.

E finalman ou bezwen kree sa latmosfer, pou dimoun mon krwar pa si ozordi mon annan en *employee* ki pa *happy* kot i pe travay. I zis en keksoz ki bezwen fer sir, ki tou dimoun i *happy*. Pa vedir ou les zot fer sa ki zot oule? Non.

Ou donn zot responsabilite. Ou respe zot responsabilite, ou respe ou *chain of command*, ou pa *undermine chain of command*, bann keksoz koumsa i enportan pou fer dimoun *enjoy* zot louvraz.

E mwan mon krwar, sa en keksoz ki tou dimoun pou *enjoy*. Me selman osi les zot *shine* zot menm e rekonnèt sa. Mwan mon krwar en gran loportinite ki pou bouz Sesel devan. Mersi Onorab Lemiel. Mon *hope* mon'n, ou pli satisfè sa voyaz.

MR SPEAKER

Si i pa satisfè, i ava zis bezwen dir Mr Fonseka pa'n reponn mwan kestyon. Mersi Mr Fonseka. Onorab Monthy.

HON PHILIP MONTHY

Mersi Mr Speaker. Bonzour Mr Speaker. Bonzour tou Manm Onorab. Bonzour Mr Fonseka e bonzour tou zabitan Cascade.

Mr Fonseka mon kestyon i koumsa. Ou en dimoun militer *ok* e ou'n ansarz en lakonpanyen sekirite. Donk ou *leadership style* pou sa i diferan avek ler ou pou al ansarz en Minister. *Ok*, kot ou pou pe *deal* la avek sivilyen. Ki mannyer ou vwar ou pe fer sa tranzisyon, kot ou bezwen annan en *leadership style* ki rizid, tre disiplinè dan

militer, pou ou adopte enn kot ou pou bezwen ennler parfwa annan fleksibilite.

Ok, donk mon ti ava kontan konnen ki mannyer ou pou fer sa tranzisyon? Mersi bokou.

MR SPEAKER

Mersi Onorab.

MR CHARLES FONSEKA

Mersi Onorab pou kestyon. Ozordi si ou al okenn *leadership courses*, ou fer ou *MBA* tousala zot montre ou.

Zot vol tou *leadership skills from the military* ki zot donn sa bann *CEO*. So, i pa le kontrè. Zot vin ek en ponnyen bann *term*, '*walk the walk*.' '*Talk the talk*.' Keksoz ki'n nou'n servi dan militer sepa en '*six*', '*the six*.' So, *leadership is leadership*. Si ou pe koz *empathy* ek dimoun tousala, tou sa bann *skill* i ou kapab pe *deal*, e mon leksperyans mon'n travay en kantite fwa ek bann dimoun ki pa neserman annan sa menm *custom*, ki Eropeen i annan. E ou bezwen *still achieve* ek sa bann dimoun.

Mon'n travay ek diferan Nasyon si oule. E ler ou pe travay ek diferan Nasyon, zot tou zot annan zot diferan *idiosyncrasy* e ou bezwen konpran tousala. E napa en keksoz ki ou fer parey pou tou,

me en kantite keksoz i depan lo ou *personality*.

Pou ou kapab idantifye sa bann rod sa bann *areas*, ki ou bezwen *build* lo la. Rod sa bann ki travay bon zot, e ekout zot. E laplipar fwa sa larepons i sorti kot zot menm.

So, mon pa war *leadership* dan okenn problemm. *Leadership applies to nenport* group dimoun. E ou bezwen annan sa *skill* pou ou *adjust*, si ou pa kapab *adjust*, ou napa *leadership*. E ou pa kapab dir ki mannyer mon pou al *adjust* si ou pa kapab *adjust*. So, sa i *part of leadership*, si ou annan *leadership* ou kapab fer.

Lo mon *résumé* par egzantp, mon'n met enn de pti bann keksoz lavantir, ki mon'n fer. Rezon mon'n met sa i akoz sa bann lekspedisyon par egzantp, i neserer ki ou planifikasyon i al an detay. Letan mon pe dir detay i bezwen detay *to the pin*.

Akoz si ou pe fer serten lekspedisyon dan en landrwa kot napa *resupply*, napa dimoun ou pa kapab ou pa pou *survive*.

So i en keksoz ki mon ti a mon toultan mon *advise* bann CEO, pou sey al fer bann lekspedisyon. Ale met ou lekor dan sa bann sityasyon difisil, e get ou planifikasyon, get ou prop *preparation*. Tou ou bann keksoz mannyer ou *manage*

ou bann keksoz, gete ki mannyer ou fer lo akoz sa i pou ed ou ler ou retourn dan ou biznes.

So sa *multitude of skills, leadership skills, i applicable everywhere*, selman ou bezwen aziste li. Mon *hope* mon'n reponn ou kestyon Onorab.

MR SPEAKER

Mersi Mr Fonseka.

HON PHILIP MONTHY

Ou'n reponn Mr Fonseka. Mersi.

MR SPEAKER

Onorab Roucou.

HON MICHEL ROUCOU

Mersi Mr Speaker. Bonzour tou bann Manm Onorab. Bonzour zabitan Mont Fleuri. Bonzour Mr Fonseka.

Mon kestyon i koumsa, Mr Fonseka si demen ou ganny ou sa portfolyo *Internal Affairs* pou Lapolis, ki ou plan pou moderniz servis lapolis an term resours? E pou zot zwenn lekspedisyon an term devlopman parey bann pei zanmi? Parey *Maurice* or parey Sengapour?

E osi parey ou war poudir bokou nou bann Kordgard parey Mont Fleuri zot vye. Ki zot pou fer pou kapab donn nou en nouvo Kordgard?

E mon lot kestyon ankore i an term lo kote, ki ou pou fer pou bann zofisye lapolis kapab re-ganny sa respe dan bann kominote? Mersi Mr Speaker.

MR SPEAKER

Mersi Onorab. Mr Fonseka.

MR CHARLES FONSEKA

Mersi pou ou kestyon Onorab Roucou. Mon ava reponn ou dernyen kestyon, apre mon ava al lo lot. Ki mannyer ou fer lapolis ganny respe? Premye keksoz i bezwen respe son lekor. Li menm i bezwen respe son lekor. I bezwen respe son lekipman. I bezwen respe son siperyer. Avan i komans rod respe, i bezwen respe son lekor. E sa i labaz e tou keksoz. I la baz de viv, i labaz de tou keksoz dan lavi.

Lo ou kestyon Kordgard. Nou bezwen *decentralized* nou bann *services*. Ozordi nou war trafik mannyer i ete? Les pou pran en legzanp get *Fire Brigade*.

En *fire brigade* pou pas dan 3er apre midi dan sa ponnyen trafik, pou tenny dife Les Canelles ouswa Beau Vallon? Be dife in fini brile.

Nou bezwen annan bann par egzanp bann *decentralized*. I annan *fire services* ki kapab fer tousala e menm zafer ek lapolis.

Me ki enportan ler nou get nou bann roulman sekirite bann *services*. Nou bezwen komans servi bann *synergies* ki keksoz i ... Dernyen fwa mon pe get sa dife ki ti pran lo *landfill* e zot ti a pe demann larme pou ede, isi laba.

Si i annan en sityasyon ki toultan en *unit* i bezwen rod lasistans ek en lot, savedir napa ase dimoun dan sa *unit*.

Ou bezwen fer sir ki ou *preparedness* i kapab kouver tou bann sityasyon, ki merite ki bezwen fer li menm. Si i pou depan lo en lot *unit*, petet en ti lasistans transpor isi laba.

Me selman nou bezwen fer sir ki tou nou bann *services* i kapab *standalone*. Ki sak fwa i ganny en pti presyon lo li i pa bezwen tay isi laba, pou rod en led isi laba. So, selman *decentralization* i enportan pou nou kapab - parey mon dir fer fas ek sa *response* trafik. Ki bann *response* i ariv en pti pe pli vit.

Ti annan en lot keksoz ou ti demann mwan mon pa tro mon krwar, mon pa konnen si mon reponn tou Onorab.

HON MICHEL ROUCOU

An term resours.

MR CHARLES FONSEKA

Resours i pa zis lapolis, i tou. Ou konnen ou resours en keksoz ki nou bezwen fer *good audit* lo nou bann resours, me

selman mon pa pe al ladan la. Ou pa kapab ganny resours met lo ou lasyet ki, ou pa kapab manze.

Tro souvan nou ganny resours menm dan *Coast Guard* dan partou. Ou ganny resours ek bann pei, zis aköz en keksoz in vye ek li i dir i ava fer ou kado.

Me ler ou pran sa i kout ou lo *maintenance*. I kout ou lo ou pe *waste training* lo en keksoz ki pa pou ou, ou pa bezwen. So nou bezwen *identify* nou bann *resources* ki okouran ek sa moman ki nou ete.

E nou ki deside ki resours nou bezwen dapre nou louvraz mannyer nou bezwen *apply* li. Nou pa kapab zis pran resours aköz resours i ganny donner ek nou. Sa in arive e ler i ariv sa. Sa *knock-on effect of waste of time, waste of training, waste of money, waste of everything*, i zis aköz ou'n pran en keksoz ki ou pa ti merite.

So resours mannyer ou *manage* ou resours, mannyer ou *apply* li i bezwen form *part of* ou *planning* ki ou deside ou menm. E mon krwar bann *commanders* ki egziste ozordi, mon krwar zot konnen tousala. Mon krwar zot konn egzaktaman larepons ki zot bezwen. Zis la nou bezwen asiste zot, donn zot *good*

political will pou zot fer zot louvraz.

Mon krwar pa sa bann dimoun ki pe fer sa bann louvraz la, mon konnen ki zot konnen ki zot bezwen. Me selman natirelman i annan serten gidans ki nou bezwen donn zot. Me vreman keksoz pou mars pli byen si nou fer keksoz kler e nou konnen ki nou pe fer.

Mon *hope* mon'n reponn ou kestyon Onorab.

MR SPEAKER

Mersi Mr Fonseka. Onorab Sathya Naidu.

HON SATHYA NAIDU

Bonzour Mr Chair. Bonzour tou bann koleg Onorab e en bonzour spesyal pou zabitan St Louis ki a lekout e pe swiv sa sesyon de pre.

Mr Fonseka set avek en gran lafyerte ki mon pe regard ou isi *in the House*, premyerman senpleman aköz ou en zanfan St Louis ki pe al ganny dirize par nou Prezidan ki osi en zanfan St Louis.

Mon konsyan ki nou *Question Time*, me selman fodre ki mon felisit ou pou sa rol kle ki ou'n zwe pou anmenn en sanzman. Ozordi zour ki annan 25 nou e ou ou'n zwe en rol lot kote i annan 10, sepa si ankor dan 5an i pou annan 5.

(Interruption)

MR SPEAKER

Proceed. Prosede avek ou kestyon Onorab.

HON SATHYA NAIDU

Mr Chair mon regard CV Mr Fonseka, *it's not the typical CV.*

(Interruption)

HON SATHYA NAIDU

Eskize les mwan koze silvouple. Zot pou ganny zot letan apre. *Ok?*

(Interruption)

MR SPEAKER

Kestyon Onorab Naidu, *go to your question please. Thank you.*

HON SATHYA NAIDU

I'm going to my question Mr Chair. Ler mon pe regard CV Mr Roy it's not the typical CV you will come across. Me selman I had fun reading it.

I kler ki sa Mr i konpetan, i annan sa lekspertiz dan defans ek sekirite, e dan lepase zanmen nou'n annan bann dimoun ki'n annan tel lekspertiz. Se pourtan pou sa rezon ki nou'n viv dan en pei *where lawlessness reigned!*

Me selman avek Mr Fonseka mon konnen ki pou

fer en bon travay i pou fer pep Seselwa fyer.

(Interruption)

MR SPEAKER

Onorab ou pa ankor ariv lo ou kestyon.

HON SATHYA NAIDU

Mon kestyon ki mon pe demann li, se vi ki i annan sa lekspertiz, mon annan sa garanti ki i anvizaz-e fer bann premye, pa an avan dan premye trwa mwan son manda koman en Minis. Alors kwa ki bann pa ki ou pou pran an avan, pou re-anforsi bann lenstitisyon tel ki lapolis?

Ozordi zour nou remarke ki bokou nou bann zofisyè lapolis, zot pa konnen manner, pou met Lalwa ki deza an plas an aplikasyon. Ouswa zot pa konnen manner pou ekri en *fine* zot dir *seating belt*. So, eski ...

(Interruption)

MR SPEAKER

Silvouple, silvouple. Onorab Naidu arete en pti kou silvouple.

HON SATHYA NAIDU

Yes, Mr Speaker.

MR SPEAKER

Les mon ava adres Lasanble lo en size. Wi ou bezwen *phrase* ou kestyon, avek en serten

konteks. Montre akoz ou pe demann sa kestyon e ki relevans ou le fer. Be selman en Manm pa devret fer *speech* avan i ariv lo son kestyon. Pa bliye i annan 35 zot dan sa Lasanble.

Si tou le 35 i prefes son kestyon avek en *speech*, nou problemm letan i vin pli grav. Alor Onorab Naidu *state* ou kestyon la silvouple e nou ava prosede.

HON SATHYA NAIDU

Ok, Mr Speaker mon demann leskiz. Mon kestyon se vi ki Mr Fonseka i annan sa lekspertiz dan defans ek sekirite, kwa ki pou bann premye pa an avan ki i pou pran dan son manda koman en Minis, ler i pou'n ganny apwente?

MR SPEAKER

Mersi Onorab. Mr Fonseka.

MR CHARLES FONSEKA

Mersi Onorab Sathya. Mon pou dezapwent ou en pti gin, akoz mon larepons i vremen senp. E mon larepons senp i akoz koumsa i ete. Mon pou ekout zot, se tou. Mersi.

MR SPEAKER

Mersi Mr Fonseka. Onorab Loze.

(Off-Mic)

MR SPEAKER

Onorab Pillay silvouple.

HON JOHAN LOZE

Mersi Mr Speaker. Bonzour Mr Speaker. Bonzour Mr Fonseka *welcome* parmi nou dan Lasanble Nasyonal, Sesel. Mr Fonseka mon annan trwa kestyon ase bref pou ou.

E *rest assured* nou swet ou bonn sans dan ou parkour kot ou pe ale. Mr Fonseka mon premye kestyon i enn tre senp. Eski ou'n zanmen deza ganny atrape an posesyon en zarm ilegal lo later Sesel par okenn Zofisye Lord ek Lape La Repiblik Sesel?

Mon dezyenm kestyon Mr Fonseka, ou'n dekrir ou karyer anba lanpir Angle, koman ou'n travay dan en *unit* militer ki ti en pyon kle dan bann lavantir *expansionist* lanpir Angle, partou atraver lemonn.

Be ou koman en zanfan Sesel an se moman, eski ou pe vin donn ou servis a 100 pousan pour Lanasyon Seselwa e sa pei Sesel? Ouswa ou ankor annan serten lwayote anver lanpir Britanik?

Mon trwazyenm e dernyen kestyon, Mr Fonseka *La Colombie*. I le sel Nasyon modern *on record* dan sa monn ki'n negosye avek *drug dealers*.

Zot pe fer sa depi milye 1984 *on and off* zot in fer li. E an 1990 *La Colombie* ti met

an plas *legal framework*, pou zot negosye avek *drug dealers*. I enteresan ki ou menm ou ou'n mansyonn *narcoterrorism*, parske *La Colombie*. i rife avek *narcoterrorism*.

Mr Fonseka mon kestyon ki ou, ou pou fer dan sa zistwar negosyasyon avek *drug dealers*, ki pou *apport* Lanasyon Seselwa en *better outcome* ki *La Colombie*. in trouve, akoz klerman sa lavantir an *La Colombie* in *fail* konpletman, totalman? Mersi Mr Speaker.

MR SPEAKER

Mersi Onorab. Mr Fonseka.

MR CHARLES FONSEKA

Mersi Onorab Loze. Trwa kestyon tre enteresan. Ou premye kestyon, wi, i ler mon ti vin isi, mon ti vin ed pou fer proteksyon pou Mr Mancham.

E definitivman klima dan sa lepok ti ovif parey zot konnen, mon pa konnen ki laz zot ti annan dan sa lepok. Be 1992 ti en moman enterese. E dan sa lepok ti annan larme partou, lo semen partou, e mwan mon ti dan en nik moustik. E mon ti fer sir, ki mon si mon ganny pike mon pa ti pou ganny pike ankor.

Mon dezyenm kestyon, ou dezyenm kestyon lo ou kestyon *loyalty*, non? *Yeah loyalty*. Mon krwar napa

okenn dimoun dan Lasanble la, ki kapab ki nou kapab kestyonn son *loyalty*, koman en Nasyon Seselwa. Me sa i en kestyon ki ou'n demande, me selman larepons mon krwar ou konn byen ou menm. Ki *loyalty* nou tou Seselwa non? Mon krwar ou dakor ek sa.

Ou trwazyenm kestyon, ki mon pou fer, or ki nou, nou pou fer? Mwan mon krwar i annan en *need* pou vremen a se moman la, espesyalman dan letan *COVID* kot bann trafik *incoming*, i en pti pe pli ba ki avan. Nou bezwen *dry* sa *existing supply of drugs*, ki dan pei. Nou bezwen *dry* li *out*.

E *the way* nou bezwen *dry* li *out*, i pou anpes okenn antre. Mon pa dan en pozisyon la pou koz lo negosyasyon ek personn. Akoz i enportan ki sa, e sa nou pou *achieve* sa. Nou pou fer sir. E mon krwar Prezidan Ramkalawan in donn tou son komitman ki drog pou fini dan pei e i pou donn tou son sipor lo la. E nou bezwen *achieve* sa. Sa i pa en lobzektif ki pa kler. I kler nou bezwen fer sa e sanz sa sityasyon dan pei.

Lo sa bout *narcoterrorism*, sa i en keksoz ki nou bezwen osi pran ka ek sa. Akoz sa parfwa i pa ou problem, i problem en lot pei ki vin asiz lo ou zepol. E sa i baze ki mannyer nou *handle* sa vremen lo *corporation*, lo en

lentalizans ek bann zanmi. E sa ki mon kapab asir ou personnelman mon annan en kantite kontak ek dimoun ki travay dan sa *area*.

So sa i en keksoz ki nou bezwen kit nou lizye lo la vreman, pou fer sir ki sa i arive. Mon *hope* mon'n reponn ou kestyon Onorab? Konmsi mon war ou'n lev ou lanmen ou annan en *follow-up*?

MR SPEAKER

In lev lanmen mon ava permet en siplemanter bref, silvouple.

HON JOHAN LOZE

Mon annan zis en siplemanter. Mon'n *note* ou *break of Policy* avek ou Dirizan, selman mon pa pou al laba. Mon pou plito retourn lo sa kestyon lwayote. I ti en kestyon plito pou benefis Lepep Seselwa *at large*. I pa ti en *attempt* pou kestyonn ou lwayote personnelman, *from mwan as a person*. Mon ti zis anvi *reassure* ou lo sa pwen.

MR CHARLES FONSEKA

Ok mersi pou sa Onorab Loze. Mersi bokou.

MR SPEAKER

Mersi Mr Fonseka. Onorab Audrey Vidot.

HON AUDREY VIDOT

Mersi Mr Chair. Bonzour Mr Chair tou Manm Onorab, tou

manm piblik a lekout, zabitan Roche Caiman e Mr Fonseka.

Mr Fonseka mon le demann ou, eski ou personnelman ou satisfè avek santans ki pe ganny pase konsernan bann *drug related cases*?

E si ou ganny apwente koman Minis, ki ou bann priyorite pou partaz avek *Cabinet of Ministers*, pou *élève* nou nivo lafors pou fer li vin enn ki en pti pe pli respektab?

Petet pou anpes li ganny sa kantite kritik? E ki mannyer ou pou kapab ede pou siport bann distrik, ki pou delivre a lekspektasyon nou bann kominote? Mersi.

MR CHARLES FONSEKA

Mersi Onorab. Ou premye kestyon lo santans, mon pa ti pou kontan pronons en pozisyon lo la an se moman. Akoz i en keksoz, ki mon bezwen en pti pe letan pou mwan reponn lo la.

Ou konnen lo kestyon ou demann mwan en kestyon ki bann nide lo kestyon sekirite an zeneral. E sa i en topik ki'n arive, e i annan divers lopinyon ki nou'n gannyen lo ki mannyer keksoz i ganny fer isi.

E en kantite sa bann lopinyon i *ok*, me selman ou pa kapab ler ou pe fer en planifikasyon lo la, ou pa

kapab pran sa bann bon nide an *isolation*.

Si ou pran bann bon lide an *isolation*, i pa *tro*, *tro* en *framework*, vreman keksoz pa pou marse. E mon krwar oparavan - les mwan donn ou en legzanp. Tanzantan sak fwa nou'n ganny en problem dan pei enn pti kou nou form a *taskforce*.

Be, en *taskforce* i zis en non. En group dimoun. Si ou pa donn li *the right training*, *the right preparedness*, *the right* ankadreman, ou pa pou *achieve* ou *objective*. Ou pa *achieve* en keksoz zis par sanz en non, ouswa met en non lo en group dimoun. I bezwen ganny baze ek en planifikasyon ki oule li *achieve*.

E an menm tan si ou war ou bezwen annan ou *taskforce*, savedir bann dimoun ki responsab pou fer sa bout, i pa'n ase okipe.

So, oubyen fer *taskforce go back to* si lapolis, si *Coast Guard* si *whatever*, ou dir *ok* ki mannyer ou bezwen *integrate* sa *preparedness* dan ou louvraz.

Be si zis tanzantan ou fer *taskforce*, ou pe oubliye aranz ou sistenm ki ou annan an plas. So en kantite nide i vin an izolasyon e *good ideas in isolation* i pa en *module* pou fer keksoz arive. E ou bezwen annan ou *framework*.

Ou bezwen *build* ou keksoz lo en *framework*. E sa i *encompass* tou ou bann, ou bann *tactics*, ou bann *resources*, ou bann *training*, tou ou bann keksoz ansanm.

So, mon larepons i sa. I annan en kantite keksoz pou fer. Me larepons parey mon'n dir Onorab Sathya *over there*, i pou sorti kot sa bann dimoun ki travay akoz mwan mon krwar zot konn larepons.

E nou bezwen ankouraz zot, anmenn zot ansanm e vreman *clarify* nou *pathway forward*. Nou bezwen *clarify* nou *pathway*. Al fer bout isi, bout laba i zisteman. Apre ki arive si *the leadership*, i al met bout isi bout laba, sa boug anba ki pa paret i pe efikas.

Akoz *leadership* bezwen aksepte bann bout. So fodre nou vreman, ler nou fer nou *framework* nou gete, nou *encompass everything* ki en dimoun ler ou'n *clear* son *pathway*, i kapab annan son larout pou li *move forward*.

E pa zis sa, san menm sa ki nou ti a pe koze boner i *create* en nespes *optimism* dan ou *force*. E dimoun i anvi vin travay. Dimoun i anvi *achieve*. Dimoun i santi 'Hey, sa i gou!' E si ou pa'n annan bon direksyon, annan *clarity* dan ou bann planifikasyon, ou kapab ganny pli bon resours. Mon'n ganny demande kestyon ki resours ki isi. Ou

kapab ganny tou bann keksoz nouvo si oule, i pa pe marse li, i pou rouye. Mon *hope* mon'n reponn ou kestyon.

MR SPEAKER

Mersi Mr Fonseka. Siplemanter? Silvouple bref, wi.

HON AUDREY VIDOT

Mersi Mr Chair. Zis en pti leklersisman. Savedir Mr Fonseka ou pe dir mwan poudir, ozordi si zofisye lapolis pa pe adres bann dimoun par egzantp, mank respe pour Moniman Nasyonan, mars avek zouti. I vedir zot napa en striktir an plas, *keep* en bon striktir an plas, ki petet kapab diriz zot pou zot kapab fer sa?

(Off-Mic)

HON AUDREY VIDOT

Non, pe zis rod en pti leklersisman baze lo ki ou pe dir mwan.

MR SPEAKER

Mersi Mr Fonseka.

MR CHARLES FONSEKA

Mon pa pe al lo politik, mon pe reponn ou kestyon. Wi si i ariv sa bann zafer ki ou pe dir, pou mwan i kler. Sa boug pa respe son louvraz. I pa respe son lekor. So ou konnen ou kapab ganny *training* dan tou keksoz, si ou napa *grounding*. Si ou

napa *character building*, ou donn tou bon keksoz, i pa pe marse li.

So, the training goes back to human. Goes back to human, goes back to sa dimoun. E ou bezwen osi annan training levels. I annan dimoun ki pa appropriate pou en louvraz, sa kalite louvraz. Li son keksoz i en lot zafer. So ou bezwen really shift, ou bezwen en dimoun ki trainable.

Ou pa kapab annan dimoun zis aköz en dimoun. I bezwen *trainable* pou *specific* pou sa louvraz. *And* i pa en keksoz difisil. Zis nou bezwen travay ek tou dimoun. Me sa bann direksyon ki nou bezwen diskite, met ansanm e *get everyone aligned, apre by strategy* e keksoz i mars byen. Mersi.

MR SPEAKER

Mersi. Wi nou ti pe pas lo lot Onorab Churchill Gill.

HON CHURCHILL GILL

Mersi Mr Chair. Bonzour Mr Fonseka. Mon premye kestyon lannen ou leksperyans dan militer eski ou krwar Sesel i devret annan sa grander militer dan nou pei? Sa i mon premye kestyon.

Mon dezyenm kestyon, donnen sa resours limite ki pe antre dan kof Leta dan sa letan *COVID* e sa difikilte ki

kapab koz militer pou kapab *maintained* son *day-to-day running*.

Aprè *replacement* bann *machinery and equipment*, eski ou krwar petet i devret, i annan en *call* ki i devret annan en reform *at this point*, donnen sa konbinezon sityasyon mannyer i ete? Mersi.

MR SPEAKER

Mersi Onorab.

MR CHARLES FONSEKA

Mersi pou ou kestyon Onorab Gill. Ou totalman korek la, ou, *size* ek *effectiveness* i de keksoz. Ou konnen pa neserman ou gro pou be *effective*.

So how you align sa de ansanm, i enportan. E mon krwar sa i en keksoz nou bezwen regard ladan. *Size to effectiveness*. E lo ou kestyon *maintains of equipment cost and all that*, tousala i vin ansanm, vreman.

E parey mon ti mansyonnen boner, inital ou pran kado bann lekipman, ki zis pe kout ou pou *maintain* e selman i pa pe servi ou byen.

Definitivman lekipman i zwe en gran rol, me i pa zis sa rol. I pa zis sa rol. Mon pe get ozordi zour, i annan en kantite nouvo lekipman *available*, be mon rapel dan mon letan osi, nou ti fer ponnyen keksoz ek lezot kalite lekipman. So,

yeah. So tousala i enportan i parey ou'n dir i annan kantite bann bout ladan, ou *resources* definitivman en kestyon enportan.

Me lo ou dernyen kestyon ki ou'n demande, en *reform* i neser. En *reform* i vreman neser. E zis pou sekwe nou, pou *identify* nou *pathway* parey nou dir. Sekwe nou, e konnen ki nou kapab fer. Ou konnen nou teritwar i gran. Nou bezwen *determine* nou *reach*. *And the reach is dependent on the cost to it, as well*.

Ou konnen *this is a political decision*. Ou kapab *you can't be all things to everyone*. *So the political decision* bezwen deside *what sort of reach, what sort of limitations*.

E napa problemm annan *limitations as long as* tou dimoun. Pei i konnen ki ou'n met limitasyon lo serten keksoz ki ou pa kapab. Ou'n met ou limit lo la ou. Ou'n deside ou'n fer en *strategic* desizyon pou ou met ou *limitations*. I *alright*, tou dimoun i konnen ki nou pa kapab fer sa bout, akoz nou annan serten *constraint*. Me sa ki ou pa kapab fer ou donn lenpresyon ou kapab fer tou keksoz, enkli ou *limitation*. La ou pou bite.

Ou konnen so tou sa bann zafer, *it's going to be*

spread out klerman. Me *you're totally right, reform and size is not effectiveness. Thank you.* Mersi.

MR SPEAKER

Mersi Mr Fonseka. Onorab Adelaide.

HON FRANÇOIS ADELAIDE

Mersi Mr Chair. Bonzour tou dimoun. En bonzour spesyal pou bann zabitan Baie Lazare e pou ou menm Mr Fonseka. Mr Fonseka sa pozisyon ki ou pe al pran la en pozisyon ministeryel, kot ou pou bezwen pran desizyon. Eski ou kapab asir mwan ki ou en dimoun ki pran desizyon e ou *accountable* pou ou desizyon?

Mon dezyenm kestyon se, eski koman sa Minis sa Minister ki ou pe al pran, si i lapolis, eski ou kapab redonn lapolis son stati ek son dinyite?

Mon trwazyenm pti kestyon, i annan en *uproar* dan lapolis si ou al laba ki bann zenes pe ganny met anba e bann *retired policeman* zot pe retournen, zot pe pran bann plas *senior*. Eski ou pou kapab adres sa?

E mon dernyen pti kestyon, i annan bann krim *fake profile*, parey Onorab Loze i kontan la. Eski sa osi ou pou *deal* avek, pou ki ler nou koze, ler nou eksprim nou, nou eksprim nou dan en

fason ki byen, ki zis, e ki nou pa war ki annan bann friksyon ek Seselwa? Mersi.

MR SPEAKER

Mersi Onorab. Mr Fonseka.

MR CHARLES FONSEKA

Mersi Onorab.

(Interruption)

MR SPEAKER

Silvouple nou ava kontinyen. Mon pa war poudir sa ki in dir i merit en repons. Mersi. Mr Fonseka kontinyen silvouple.

MR CHARLES FONSEKA

Mersi Onorab pou kestyon. Ou premye kestyon lo kestyon desizyon. *Ok*, zot in fini lager?

Ok lo kestyon desizyon la, mon lavi i koumsa, mon lavi i toultour pa zis desizyon. Desizyon serye. *So* napa problem lo la. *Dignity* dan nou *force*. Ou bezwen sa. I pa en keksoz ki petet nou annan, petet nou napa. *Dignity* i pa zis dan lapolis, dan soz, i dan pei antye nou bezwen. Dan tou keksoz ki nou fer. *So* i bezwen en *national aim*, si oule ki nou annan dinyite dan pei.

E *personally* nou bezwen fer sa. I pa en keksoz ki dimoun i bezwen fors ou sa. Sa nou tou nou bezwen pran sa direksyon. I normal. E mon krwar nou bezwen pres sa dan

mon pa oule dir sa nouvo Sesel. Dan sa nouvo moman kot nou pe ale.

Lo kestyon *fake profile*, mon napa en larepons lo *fake profile*, e i pa tro en keksoz enportan ki mon pe kalkil lo la. Mon a kit sa pou en lot departman *deal* ek *fake profile*, mon krwar.

MR SPEAKER

Ou'n terminen. Mersi. Onorab Cosgrow.

HON WALLACE COSGROW

Mersi Mr Chairman. Bonzour tou Manm Lasanble bonzour tou manm piblik ki pe ekoute. E bonzour Fonseka.

Mr Speaker bon pe diskisyon in ganny santre atraver sa size narkotik, drog e an getan ou *résumé*, nou war poudir ou en zonm militer, en zonm sekirite. Mwan mon anviz mon de kestyon, mon ti annan trwa kestyon me enn in ganny kouver par Onorab Cascade.

Mon anviz mon de kestyon ki mon annan, anver en pti pe narkotik. Relasyon ki annan avek nou lespas maritim, nou sekirite maritim. E mon anviz konn enn pti pe ou pwennvi lo, petet kolaborasyon ki Sesel i devret annan avek bann pei *neighbour*, me osi bann pei zanmi.

E eski ou krwar poudir Sesel i devret annan bann *asset* stasyonnen lo bann diferan pwen nou teritwar? E la mon pe mazin spesifikman *Assumption*, ki ou panse lo la?

E petet lezot landrwa osi ankor petet ki nou pa'n mazin lo la. E osi an relasyon ek sa dezyenm, ki ou panse *or* ki ou pwennvi, lo ki mannyer ou'n koz en pti pe lo sa zafer *supply*. *Supply of illegal substances*, nou pe koz drog.

Ki ou panse nou devret, ki ou Polisi *or* ki ou panse nou devret adopte, lo sa zafer *supply of drugs*? Mersi Mr Speaker.

MR CHARLES FONSEKA

Mersi Onorab Cosgrow pou ou kestyon. Lo kestyon kolaborasyon, i endispansab ki pou nou annan bon kolaborasyon. Be lemonn i tro pti pou pa annan kolaborasyon.

E kolaborasyon i pa kout nanryen, kontrer i donn ou en kantite sans pou prevwar keksoz, pou vremen prevwar sityasyon. E i en keksoz ki san sa ou pa pou kapab travay an izolasyon, espesyalman parey ou'n dir, ler ou pe koz lo *narcotics* sa laliny, sa *chain* i parey sa *the old silk road*.

I annan son *own silk*, en lot kalite *silk* sa enn. *Ok* selman i mars parey. E parey *the Silk Road* ou bezwen konn

tou sa bann *staging post*, manner i marse. E ki manner Sesel i ganny anpaye dan tou sa bann zafer.

E la i ava vin sa dezyenm kestyon lo kestyon sirveyans. Ki manner ou pou kapab servi ou bann lenformasyon. Nou bezwen kapab annan en sistenm sirveyans, ki e i pa zis en keksoz. Sirveyans i en *basket of things*, en *basket of things*, ki i annan *différente concentric rings* ki kapab donn ou *différente warning* ki ou kapab.

Ou bezwen kapab *read the game*. E i pa zis en keksoz, i en *multiple of keksoz* ki pou asiste ou, pou ou kapab konnen ki *pattern* ki zot pe fer. E *from that*, ou ava planifye ki manner ou pou *respond*.

E *response* i enportan, akoz pa neserman ki tou keksoz ou *response to*. I annan o moman ki ou bezwen les keksoz ale, e *response* dan en lot moman. Depan lo ki manner *game* i ete.

Lo kestyon *assets*, lo ou'n demann mwan *assets* lo *Assumption*, an zeneral. *Yeah* ou bezwen *eyes as much as possible on the ground*. Ou bezwen annan lizye.

Pa neserman ou annan kantite *assets*, me selman ou bezwen si ou napa sa ou bezwen annan *good response*. Si ou napa *good response then* ou bezwen i kapab kout plizyer

osi pou annan *stationed assets*, ki ou pa pe tro servi toultan.

So, this sort of balance kot ou pou met *assets*, kote ou pou *respond*, *will be* en planifikasyon ki bezwen ganny fer. Be *it's* toultan keksoz. *It's question of combination*, en kombinasyon bann diferan keksoz pou met ansanm.

E apre *reviewing* sityasyon. Ou konnen dan louveraz sekirite *everything is fluid*. Sa ki ou fer ozordi *it's changes overnight*. *So* ou bezwen annan sa bann lespri. Ou bann *commanders*, ou bann dimoun ki travay pou ou, i bezwen *ingrained* dan zot latet ki keksoz i *fluid*.

E ler i *fluid*, savedir zot bezwen *keep* zot *antenna* pou *monitor situation*. E lanmenm ler ou louveraz i vin petet pli enteresan. Ler ou kapab *read the game*. Si zis ou pe fer louveraz, san konpran manner i ganny defile.

Manner i kapab ganny bouz en kote, bouz isi, bouz laba, i fer ou louveraz en pti pe *boring*. Me si kapab *read the game* i fer ou louveraz pli enteresan. Ler ou pe travay lo bann *areas of intelligence* ki enportan osi, ki nou annan *good intelligence*, pou ou kapab fer ou bann *respond*.

So, tou sa bann kontrol lo *supplies is based on all this* ki ou'n mansyonnen. Mon

hope mon'n reponn ou kestyon ase kler.

Zis parkont Manm Onorab, Onorab Wallace mon ti *find out* pa tro lontan ki enn mon pti kouzen. Mersi pou ou kestyon.

MR SPEAKER

Mersi Mr Fonseka. Onorab Gabriel.

HON CONRAD GABRIEL

Mersi Mr Speaker. Bonzour tou Manm Onorab. Bonzour tou dimoun a lekout. Mr Fonseka mon ti ava oule zis petet ranforsi zis en pti bout pwen ki Onorab Vidot in mete. Si ou ganny apwente pou mentenir lord ek lape, ki garanti pep Seselwa i annan ki lord ek lape pou rennyen dan nou pei?

Bon pe Seselwa i annan serten konsern depi zour ki *LDS* in vin o pouvwar, divan sanzman in soufle, zot *Leader* e menm lapolis pa'n kondann serten *act* ki'n arive. Batiman piblik, landrwa piblik. Legzanp i bokou. Ti a bon si ou asir pep Seselwa, ki pou annan latransparans e bann ka vandaliz pou ganny *deal* avek dan tou *fairness* posib. E *the rule of law* i *really maintained* dan nou pei. Mersi.

MR SPEAKER

Mersi Onorab. Mr Fonseka.

MR CHARLES FONSEKA

Ou kestyon i si nou pou respe lord ek lape? *Yeah?* Wi, nou pou respe lord ek lape. Mersi.

MR SPEAKER

Mersi Onorab. Onorab Sebastien Pillay.

HON SEBASTIEN PILLAY

Mersi Mr Speaker. Bonzour tou koleg Onorab. Bonzour tou dimoun ki a lekout. Byen bonzour Mr Fonseka byenveni dan Lasanble Nasyonal. Mon ganny sans ozordi pou remerisi ou pou ou bann pou ou felisitasyon.

Mon war dan ou CV ki ou'n fer long parkour dan lafors Britanik. Mon krwar dan *Special Air Service*, non? Ekivalan *special forces* dan bann lezot pei.

E sa i donn ou en *outlook* serye lo disiplin. So, mon premye kestyon lafason ki ou reponn kestyon ki Onorab Gabriel in demann ou, nou ti vwar serten siporter *LDS* par egzanp mont lo Lorloz met en paviyon.

Nou ti osi vwar serten etranze desann anvil avek en serkey, avek portre Prezidan Faure lo la e Prezidan Michel.

E sa bann etranze ti pe menm fer bann zes avek sa bann serkey, ki'n poste partou lo *Facebook*. So, ou koman en *Leader* dan *LDS*, aköz ou

trezorye dan *LDS* ou, ou en politisyen ou.

So ou koman en *Leader* dan *LDS*, eski ou kondann bann tel aksyon premyerman, par en Seselwa, ki mont lo Lorloz pou al met en paviyon?

E dezyenmman, eski koman en Seselwa, en patriyot parey mwan menm, ou kondann en aksyon kot en group etranze, i vini i pran en serkey, i met devan en batiman piblik? Akoz mon pe demann ou koman en dimoun ki pou al asir lafors.

Ki pou al asir *law and order*, ou deza en Manm en parti politik, eski ou pou kondann aksyon ou bann prop siporter e zot bann travayer etranze, dan sa ki zot in fer tou dernyerman ki nou'n war? Sa i mon premye kestyon.

Mon dezyenm kestyon Mr Speaker i al dan lespri, ki e mon krwar fodre Onorab Naidu sorti St Louis atraver ou, Mr Speaker i ekout tre byen sa enn, bann *Leader LDS* in dir koumsa poudir 70pousan lapolis i *LDS*. Savedir *by* mon konklizyon, 7 pousan lapolis i siport *LDS*, so si nou annan en *lawless country*, i 70pousan *LDS* ki dan lapolis, ki'n fer nou pei vin *lawless*!

Eski dapre ou Mr Fonseka Sesel *is a lawless country* wi oubyen non? Eski dapre ou 70pousan zofisye

lapolis i *LDS* wi oubyen non? Akoz pou annan zofisye lapolis ki pa pou *LDS* e lefe ki ou ...

MR SPEAKER

Kestyon silvouple Onorab Pillay, mete.

HON SEBASTIEN PILLAY

Mon pe vin lo la Mr Speaker.

MR SPEAKER

Silvouple ou'n pas ase letan pou ariv lo la. Mersi.

HON SEBASTIEN PILLAY

Mon bezwen ariv lo la Mr Speaker, i enportan.

MR SPEAKER

Mersi.

HON SEBASTIEN PILLAY

Mr Speaker i annan en eleman enportan la, Mr Fonseka i en trezorye e i en Manm Egzekitiv.

MR SPEAKER

Pa eksplik mwan, poz kestyon. Mersi.

HON SEBASTIEN PILLAY

Ok, mon kestyon Mr Fonseka se eski, ou pou travay dan tout enparsyalite, ki sa lofis ki ou pou al travay ladan, si ou al dan Departman Entern i demande?

E mon dernyen pwen lo sa kestyon Mr Speaker, Koman en dimoun ki krwar

poudir nou bezwen fer tou pou kapab protez nou pei. Ki ou lopinyon personnel lo annan en fasilite militer lo *Assomption*? Eski i nesese? E ki mannyer ou krwar nou devret fer fason pou nou kapab fer li? Mersi Mr Speaker.

MR SPEAKER

Mersi Onorab. Mr Fonseka.

MR CHARLES FONSEKA

Ok, en bon pti pe bout pou reponn la. Annou fer sa bann en pti pe pli direk. *Impartiality* napa problem lo la. E anfe mon'n koumsa toultan mwan. Konmsi pa ozordi mon bezwen *impartial*. Wi mon trezorye dan *LDS* me selman *impartiality* i dan tou bann mon bann karyer prive *as well*. So napa problem lo la.

Military lo *Assomption*. Definitivman ou bezwen annan en abilite pou *respond* dan sa *area*, ki vremen dan zete. E ki zistans i permet en sityasyon ki ou bezwen en *outpost* dan sa *area*.

So, mon krwar ki wi ou bezwen en lafors Seselwa, ki pe ki pou *respond*, ki pe *observe*, ki pe osi *gather intelligence* dan sa *area*, ki sa ki pe pase dan nou teritwar laba.

Lo kestyon kondann isi, kondann laba. Kondannen en parol i pli bon si lapolis en

senp gard, en senp konstab i war en keksoz mal, e ou fer sir ki ler en keksoz mal en boug; pe mont lo Lorloz, en boug pe fer isi laba, sa gard i *address* sa sityasyon.

Annou pran nou letan pou *get more effectivity* ek *response* lapolis. E pa met tro bokou lenportans lo zis kondannasyon, annou prevwar bann sityasyon, e fer sir ki nou lapolis i *deal* avek toudswit e pran aksyon nesese. Ti annan en lot, en lot 70poursan repons?

MR SPEAKER

Wi.

MR CHARLES FONSEKA

Si mon krwar i annan 70poursan? Mon pa'n mezire. Me petet i kapab annan plis osi mon pa tro asire. Me sa i pa en keksoz ki i enportan. I kapab pli pti git osi. I pa en keksoz enportan, akoz nou bezwen *deal* ek bann *issues* ki enportan pou zot vin efektiv. Sa i nou priyorite vremen. I *hope* mon'n reponn ou kestyon Onorab. Mersi.

MR SPEAKER

Mersi. Wi Onorab Pillay.

HON SEBASTIEN PILLAY

Mr Speaker mon bezwen demann ou gidans la. Ou lofis i osi enn bann pli o dan pei. E ou lofis i bezwen ganny servi

dan enparsyalite. E nenport ki konk, ki fer en aksyon ki pa sipoze ganny fer, ou lofis i devret kapab osi kondann sa aksyon. Tel parey Lofis Prezidan i devret kapab fer li. E en dimoun ki pe aspire pou li vin Minis Departman Zafer Entern baze lo son kalifikasyon.

So sa kestyon senp ki mon'n demann Mr Fonseka, se eski i ti byen pou nou annan en dimoun ki mont lo Lorloz e met en paviyon? Akoz Prezidan li menm, i bezwen fer sa dimoun tire! Savedir sa aksyon ti mal.

Sa ki mon pe demann ou si ozordi a sa moman ki la, ou pe al pran sa pozisyon ou pa pare pou kondann en aksyon koumsa, eksplik mwan ki garanti ki mon annan dan lefitir, ki ou pou kondann bann lezot aksyon ki ganny fer?

Akoz lo lot kote latab fodre zot mazine, nou osi nou ti gognard zot 25 lo 10, be ti 25 lo10 ti vire. Pa krwar zot ver in tro plen, ki i pe deborde! I enportan sa.

MR SPEAKER

Mr Pillay ou'n demande ou kestyon?

HON SEBASTIEN PILLAY

Mersi Mr Speaker. Verifye sa *please*.

MR SPEAKER

Wi, annefe Onorab Pillay. Annefe mon krwar Mr Fonseka in donn ou en repons, selman mon permet li re-klarifye en pti git lo sa ki in dir. Mersi. Mon ava les li laparol. Apre nou ava arete ek sa kestyon. Yes, Onorab Pillay.

HON SEBASTIEN PILLAY

Mr Speaker mon *point of order* i senp. Sa prosedir ki nou pe fer la, i en prosedir kot sa aplikan i bezwen montre nou parey *LDS*, ti kestyonn bann aplikan ki ti vin dan sa Lasanble avan, si zot pou pare pou travay dan enparsyalite?

Si i annan bann *act* ki'n ganny komet e nou konnen sa bann *act* i mal, akoz la mazorite Seselwa menm zot siporter lo *Facebook* in kondann sa bann aksyon.

So si nou annan aspiran Minis, ki pa kapab dir mwan dan sa Lasanble, ki i mal pou mont en Moniman Nasyonal ki i pou mal pou ou pran en serkey;- de, trwa etranze pran en serkey anmenn anvil e fer *lewd actions* kont sa. *Then* i *raise* mon konsern si dan lefitir, en aksyon i repete si nou pou *deal* avek? Mersi Mr Speaker.

(Interruption)

MR SPEAKER

Tre byen, silvouple trankil. Tre byen Mr Pillay, si ou pa satisfè avèk repons ki Mr Fonseka pe demann pou donnen la, ou annan zis pou ou pa vot pou li pou li ganny apwente. Mersi.

(APPLAUSE)

MR SPEAKER

Onorab Georges mon permet ou.

HON BERNARD GEORGES

Mersi Mr Chair. Mon krwar ou ti pe demann Minis pou reponn sa keston, pou donn li en sans. Apre ki Minis in reponn sa keston mon ti ava kontan fer en pwen klarifikasyon, silvouple.

MR SPEAKER

Mersi Mr Fonseka. Ou ava adres keston Mr Pillay.

MR CHARLES FONSEKA

Mersi Onorab Pillay. Mon ti krwar mon'n reponn sa keston, par lefe ki mon'n dir lapolis i devret pran aksyon savedir mon pa dakor ki in fer.

So, wi lapolis i devret pran aksyon. Apre sa. Wi, wi definitivman sanmenm sa ki mon'n dir avan e mon pe repet sa. Mersi.

MR SPEAKER

Mersi. Onorab Georges.

HON BERNARD GEORGES

Mersi Mr Chair. Mr Chair mon ti ava kontan enform Lasanble, akòz se en lenformasyon ki mwan mon konnen. Ki premye aksyon ki Prezidan Ramkalawan ti fer Mardi bomaten, sete pou demann avèk *Fire Brigade* desann e tir sa paviyon *LDS* lo Lorloz. E sa sete son premye aksyon koman Prezidan Sesel.

E mon krwar ki sa aksyon i demontre son enparsyalite, e son lanvi travay pa pou *LDS*, me pou tou Seselwa. Mersi.

(APPLAUSE)

MR SPEAKER

Mersi Onorab Georges. E mersi Mr Fonseka. Mr Pillay ou pe konmsi ou pe *drag* sa *issue* en pe tro lwen.

(Interruption)

MR SPEAKER

Ale, *order* silvouple! Ou'n poz de keston *ok*. Ale koze.

HON SEBASTIEN PILLAY

Non, Mr Speaker mon krwar ou pe *miss* en keksoz enportan ki pe *go on* deor la. *Ok?* E mon krwar i enportan pou mwan fer sa pas avèk ou. I annan ...

(*Interruption*)

MR SPEAKER

Silvouple. Nou ava ganny en pe lord. Aret koz tou ansanm. Nou'n rekonnèt Onorab Pillay. Onorab Pillay.

HON SEBASTIEN PILLAY

Mersi Mr Speaker. Mr Speaker mwan mon pe fer ou konpran ki la deor, i annan en lenkyetid ki nou pei i annan dimoun pou krwar pou servi sa loportinite pou zot fer keksoz kont lezot.

I annan sa lenkyetid la deor e zot pa kapab dir mwan non. Sa ki Onorab Georges in dir i reasir bokou dimoun. Sa ki mon pe al dir se ki sa bann sa aksyon i devret en aksyon ki zeneral, ki tou dimoun ki annan en rol pou *enforce law and order* dan sa pei, i fer li.

Zisteman parey sa aksyon ki nou'n fer tir sa paviyon. E mon kontan Onorab Georges in sorti in dir sa. Akoz Lasanble i annan en rol pou li edike e osi reasir sa pep, ki keksoz pou bouz dan en fason pozitiv, si nou tou nou kapab travay ansanm. Mersi Mr Speaker.

MR SPEAKER

Mersi pou ou pwen. Onorab Uranie.

HON ROCKY URANIE

Bonzour Mr Speaker. Bonzour tou Onorab. Bonzour

bann Digwa a lekout. E bonzour Mr Fonseka. Mr Fonseka lefe ki Bidze pou konstriksyon Kordgard, nouvo Kordgard La Digue ti'n deza ganny bidzete dan Bidze 2020, e in ganny arete pou serten rezon. Eski ou pou fer li ou priyorite la, si ou ganny mete konman Minis pou ou fer sa konstriksyon o pli vit posibil, pou sa nouvo Kordgard La Digue?

MR SPEAKER

Mersi Onorab. Mr Fonseka.

MR CHARLES FONSEKA

Mersi Onorab Uranie. Mon pa tro asire. Dapre mon konpran i annan en, petet ou a eksplik mon plis, mon krwar *National Heritage* i annan en lentere ladan, lo si-? Ou pe koz lo sa vye *building*? Mon krwar i annan en lentere lo sa ki pe ganny diskite, e a se moman mon pa tro asire lo ki pozisyon i ete. Se mon krwar i annan en kestyon *ongoing* lo la. Me mon napa detay, detay fini pou kapab elabore lo la. Mon pa konnen si mon'n reponn ou, mon pa tro kapab reponn ou, akoz mon selman konnen i annan en keksoz *ongoing*. Mersi.

MR SPEAKER

Mersi Mr Fonseka. Onorab Chantal Ghislain.

HON CHANTAL GHISLAIN

Mersi Mr Speaker. Bonzour tou dimoun, bonzour Mr Fonseka. Mr Fonseka ler mon pe ekout ou lentrodiksyon, konmsi ou pe entrodwir ou lekor, ou pe donn nou-. Mon'n vwar sa konklizyon ki ou en dimoun ki pratik, pratikal parey nou dir. Ou sa dimoun konmsi ki met lanmen *à la patte* parey *Français* i dir.

And letan ou pou vin Minis ou pou pran sa pozisyon *leadership*, e mon kestyon i ki mannyer ou pou ou pou kapab partaz sa? Separ ou sa Mr Fonseka ki pratik lo teren, avek sa Mr Fonseka ki pou vin en *leader*, ki pou vin en Minis, ki bezwen *delegate* tou sa bann louvraz ki li i ti abitye fer lo teren, avek son bann dimoun ki vin par anba li, pou fer sir ki keksoz i vreman marse?

And mon dezyenm kestyon Mr Fonseka, dan enn bann kestyon oparavan, ou ti'n nonm serten keksoz ki pe pase dan pei ki bezwen arete, e si pou servi ou prop parol ki ou'n dir *these things has to stop*.

Ou kapab partaz avek bann Manm dan Lasanble Nasyonal, avek piblik a lekout lekel sa bann keksoz ki ou'n vwar ki bezwen arete silvouple? Mersi Mr Speaker.

MR SPEAKER

Mersi Onorab. Mr Fonseka.

MR CHARLES FONSEKA

Mersi Onorab Ghislain pou ou kestyon. Wi lo kestyon *delegation, delegation is part of leadership*. Ou pa kapab annan *leadership* san *delegation*. So i en keksoz ki *any leader in practice along the way*. Me mon krwar mannyer ou pe demann ou kestyon e ki mannyer ou etabli *brief back* ler ou pa la ou menm, sa mon krwar ou ti pe demann mon *or* ou ti a pe *lead* lo la?

HON CHANTAL GHISLAIN

Konmsi lefet ki ou en dimoun ki ou anvi fer ou travay ou menm ou, akoz mannyer ou'n dekrir ou lekor ou en dimoun ki koumsa, ou pratik ou. Me la ou pe al pran en rol *leadership*;- pa ou ki pe al vreman fer sa louvraz ki ou sa zonm ou abitye ete. Ki mannyer ou pou partaz sa, ou pou separe, pou fer sir poudir sa bann dimoun ki ou pe *delegate* sa bann louvraz pou ganny fer. Menm louvraz ki ou, ou kontan fer *as* sa zonm ki prezan ou dan sa letan *leadership*? Mersi.

MR CHARLES FONSEKA

Wi, *well* mon'n fer tou le de. Mon'n fer mwan menm apre mon'n fer dimoun fer. So i pa nouvo pou mon zafer *delegation* apre *achieving*.

Selman responsabilite toultan i reste ek ou. Sa ki nou pa kapab oubliye sa. Sa pti bout *ownership, responsibility*, ou pa kapab *delegate* sa zanmen! So sa i enportan ki tou *leaders* i pa bon oubliy sa pti bout enportan.

Lo kestyon keksoz ti pou bezwen ganny arete vreman, i annan en *quite a few things*. Me selman *drugs is the principal one. Entry of drugs* dan pei, nou bezwen vreman *put a stop to that*. Me selman natirelman i annan en kantite lezot *areas, on social behaviours and all* sa bann pti bout, me selman sa *drug* i limero 1 dan pei, ki mon krwar i lakseptans tou dimoun ki nou'n ganny ase ek sa la. E si nou *stop* sa, met nou zefor lo la, nou pou vreman les sa pei bouz devan. Wi.

MR SPEAKER

Wi, siplemanter.

HON CHANTAL GHISLAIN

Siplemanter se konsern ou'n dir enn bann priyorite se manner, mon pe konpran bann ki bezwen arete se drog. Eski ou pe dir nou poudir dan *Internal Affairs* si ou vin Minis, ou pou annan en seksyon dizon, ki pou annan bann dimoun ki pou zis a latet pou negosye avek bann *dealers* pou fer sir ki drog i arete?

E eski ou dan ou lopinyon personnel, depi le 24 ziska la ozordi, ou krwar i annan dimoun bann *dealers* ki'n arete trafike? Mersi Mr Speaker.

MR CHARLES FONSEKA

Mon pa'n koz nanryen lo negosyasyon ek *dealers*. Mwan mon krwar ki enportan avan okenn keksoz nou *deprive* sa *entry of drugs* dan sa pei. Nou *focus* lo sa.

Lo kestyon parey mon'n dir i annan *less traffic* ki pe arive menm dan pei la. me i pa sipoze difisil, pou fer sir ki sa i ganny kontrole. E apre ki stratezi ki ganny servi, i pa en keksoz ki ou kapab diskite ouvertman a se moman. Akoz sanmenm mon pa le koz lo okenn kestyon negosyasyon. Akoz i en keksoz ki sansitiv e i annan lezot fason pou fer keksoz arete. Negosyasyon i kapab enn, me selman i annan en, en kantite plizyer lezot fason ki ou kapab servi ou lafors pou *deal* avek sa.

MR SPEAKER

Mersi Mr Fonseka. Nou'n ariv a lafen lalis kestyon. Mon en pe konsernen par ler, e nou'n depas ler ki nou ti'n devret pran en *break*, alor mon sizere ki la nou pou Mr Fonseka premyerman, e nou a demann li pou kit lasal. Nou'n ariv a

lafen sa sesyon avek li. Mersi bokou Mr Fonseka.

MR CHARLES FONSEKA

Mersi tou Onorab, pou zot bann kestyon e mersi bokou.

(MR CHARLES FONSEKA WAS EXCUSED FROM THE HOUSE)

MR SPEAKER

Alor sa ki mon pe sizere se ki nou fer parey nou ti fer yer. Nou a pran en *break* la apre ler nou retournen nou a retourn konman Lasanble e nou a kontinyen avek sesyon deba. Eski sa i annord?

Wi nou, Madanm Clerk i *advise* mwan ki prosedir korek se ki nou retourn dan Lasanble, avan ki nou pran *break*. Alor nou a retourn dan Lasanble la. Mersi pou zot pasyans dan letan ki mon pe aprann *the bundle*.

Zis mon a fer en pti lanons. Yer avan nou terminen ti annan en demann ki nou re aranz provizyon delo, pou met delo lo latib. Mon'n diskite avek Madanm Clerk e pou diferan rezon i tou le de metod ki ti a posib, i pa pratik. Met brok lo latib i dir mwan i ariv serten problem, savire, bann keksoz koumsa, i pa anvi antre ladan. Met boutey endividyel osi i pa konseye, akoz nou pe siport, bann

plastik dan lanvironnman. E sa i en bi admirab.

So tou le de nou pa pe soz. Parkont sa ki'n propoze ki i kapab fer, ki i kapab fasilite keksoz se ki olye en *dispenser* lo sak kote, i pou met plis, koumsa i plase pli pre avek zot e i a pli fasil si zot bezwen deplase. So la sa i leka. Mr Pillay.

HON SEBASTIEN PILLAY

Yes Mr Speaker nou pa pou fer en diskisyon lo la. Me selman ou konnen i annan en eleman *disruption* ki vini, si Manm i bezwen leve pou al pran sa. Mon pa konnen *how soon* ki Clerk i kapab fer nou ganny sa bann *extra dispensers*. Akoz parey pou mwan menm la, mon bezwen leve la, al laba pou pran sa.

E mon bezwen leve salye ou retournen. Konmsi pou mwan i pe *disrupt flow* keksoz si nou pe kontinyen fer sa. So petet ti ava - eski la pou lemoman la bann Manm *until* ou kapab fer nou ganny *dispenser*, eski nou kapab anmenn nou delo nou menm anndan? Akoz menm pou bann Manm ki *dispenser* deryer zot ledò, zot bezwen donn zot ledò Speaker. I pa i pa en bon pratik Parlmanter pou dan nou ledò Speaker.

MR SPEAKER

Ok si i annan okenn lezot sizesyon fer li la e nou a les Clerk konsider li, e nou a fer en lanons pli tar. Okenn lot pwen? Ok se tou? Mersi Onorab Pillay pou sa sizesyon, mon a kit sa dan konsiderasyon Clerk e nou a regarde. Mersi bokou nou ava *adjourn*.

(BREAK)

MR SPEAKER

Detrwa pti pwen apre en serten refleksyon lo ki manner nou pe ale. Enn bann keksoz, se mon pe demann kandida Minis ki vin la pou kestyon, ki zot osi zot bezwen *sharp* e bref dan zot repons, direk. Mon krwar bann Manm i ekspekte ki zot kestyon i ganny reponn *to the point* e direk e ki napa en lantouraz ladres otour Minis. So nou a demann sa e mon krwar i dan zot lentera osi.

2enm pwen i konsern zot. Nou travay isi se pou teste kapasite sa kandida pou li vin Minis. Nou pa ki i pou fer lo en tel keksoz oubyen lo en tel; so mon konsidere ki bann kestyon parey, eski ou pou fer Kordgard La Digue, eski ou pou fer lopital Baie Ste Anne? I pa apropiye pou sa sesyon parski sa ou pa konnen si sa dimoun ki Minis i pe vini – ou pe *assume* e i pou annan letan

pou ou demann kestyon Minis lo son program travay dan Gouvernman a en lot moman.

So *focus* kestyon lo son kapasite pou li vin Minis apre mon ti a demann zot pou kestyon siplemanter - mon pe vwar ki kestyon siplemanter pa neserman avans nou konsiderasyon. Si sa dimoun i poz sa kandida en kestyon in reponn, si pou pa satisfè avek son repons ou bezwen pran sa ki i pa'n reponn ou kestyon byen e sa petet i a determinen, si ou aprouve ki i vin Minis oubyen non. Si ou satisfè avek li. Alor la i la pwen ki mon oule fer e ki mon oule met a zot avertisman lo ki manner mon pou sey diriz deba.

Alor nou pou antre prezan dan staz deba lo nou dernyen kandida e sa sete Mr Charles Fonseka, alor nou ouver pou deba. Yes Onorab Loze.

HON JOHAN LOZE

Mersi Mr Speaker. Mr Speaker ancor ozordi mon pou repet en pozisyon ki mon ti pran y er ki mon ti a kontan ed Prezidan Ramkalawan e ed son bann kandida Minis. E personnelman mon pa santi ki mon vremen konfortab avek Mr Fonseka. I annan en pwen Policy tre enportan ki Prezidan Ramkalawan in pran – konmkwa ki li i pou negosye avek *drugs dealers*.

E *Minister Fonseca* klerman i pa'n kapab komet son lekor lo sa pwen. I pa'n kapab dan en fason *inéquivoque* sorti debout akote Prezidan Ramkalawan e siport sa pozisyon sanzman, sa *Policy decision* ki Prezidan Ramkalawan in pran, alors baze lo sa, mon pa santi ki i pe fer lazistis pou Lepep Seselwa ki'n vot pou en sanzman.

Ti napa negosyasyon avek *drug dealers* isi Sesel – klerman Seselwa in vote pou annan negosyasyon avek *drug dealers*. E la nou annan nou en Minis ki li klerman, i pa kapab komet son lekor pou fer en keksoz ki Lepep Seselwa, in aprouve par lavwa demokratik *through the ballot*. E mwan mon ganny difikilte pou rekonsilye mwan avek sa.

En lot pwen ki mon anvi adres li se sa zafer poz kestyon si sa larepons ki ou'n gannyen ou senpleman pa vote. Mon pa ti anba lenpresyon ki mon fonksyon koman en reprezantan Lepep sete senpleman pou kestyonnen pou satisfere mon lekor, si mon pa satisfere pran aksyon 'x' ou 'y'. Mon kestyonnen mon kontinyen kestyonnen ki ler ki lanasyon Seselwa deor, zot konpran, zot in ganny lenformasyon, zot satisfere wi ou non avek deba ki pe ganny fer devan Lasanble Nasyonal Sesel. Sa lenpresyon ki mwan

mon ti annan. Sa i lafason ki mwan mon konpran mon fonksyon e en servant lanasyon Seselwa.

This being said, mon pou kontinyen kestyonn bann kandida ministeryel ki vin la dan sa Lasanble. Mersi Mr Speaker.

MR SPEAKER

Mersi Onorab. Onorab Woodcock.

HON WAVEL WOODCOCK

Mersi Mr Speaker. Mr Speaker ler mon pe get CV Mr Fonseca e osi dyalog ki nou'n annan avek li, mon war ki i en dimoun ki i annan konpetans avek dan son letid ki in fer *Strategic Business Management*, e osi letan mon pe get kantite letan ki in fer dan larme, 22an dan *British Force*; - e osi dan *British Special Services, British Air Service*. E osi son leksperyans atraver son travay koman *Security Advisory* ki ganny deplwaye dan bann diferan pei; - bann *foreign government* bann diferan pei aletranze par son Gouvernman a sa letan, ki i ti pe travay ladan Langleter.

E i annan en kantite keksoz ki ou war ki nou pa neseserman konnen vreman ki portfolyo ki Mr Fonseca pou pran. Me selman letan ou pe get son CV, ou war li i en pti pe

pres avek – i al direksyon *Internal Affairs*.

E ler ou pe gete louvraz ki in fer e osi pou *mitigate (FRCS)* pou *national security*, son pei an menm tan. *In advise* bann lezot pei enternasyonal. In menm ti'n vin *short term* avek *NATO International Military School*;- konmsi tousala i montre ou poudir i en dimoun ki annan bokou konpetans ek leksperyans kot i konsern *safeguard – I mean* sekirite Nasyonal. E osi avek son leksperyans avek bann Gouvernman enternasyonal.

Me Mr Speaker si nou pou tras nou listwar kot i konsern *Internal Affairs*, (annou) fodre nou pa bliye bann Irlande dan *FIU*. Sa ka *FIU* kot swadizan zot ti pe kolekte lentelizans, kan anba Ladministrasyon Mr Michel – *ex-Prezidan Michel* e osi *ex-Prezidan Faure*, kot sa bann dimoun ti sipoze pe *gather* lentelizans se zot menm zot ti pe *blackmail* bann biznes Sesel, ti pe sezi bann kont – e pe demann sa bann biznes pou pey plizyer larzan, zot in kree bann *shell companies Maurice*. Mon rapel *Tech LMT, SOLAS BEO* lezot ankor zot ti pe pey zot lekor angiz ki - zot ti pe fer krwar Gouvernman poudir zot ti pe rod lentelizans, me ki zot ti pe fer? Zot ti pe pey zot prop lekor. Zot ti met otaz

plizyer bann biznes dan nou pei.

Annou pa bliye Mr Speaker nou pei in pas dan bann peryod nwanr dan lepase. Bann peryod fernwanr;- kot larme ek gard ti bat dimoun, bokou dimoun in ganny viktimize. Bokou dimoun in ganny viktimize, bokou dimoun in ganny met dan kaso malapropo. E plizyer lenzistis ti ganny kree dan nou pei. E *Internal Affairs* ti ganny servi pou fer sa bann keksoz ki'n fer Seselwa soufer.

I annan bann entervenans lot kote latib ki'n koz lo zafer serkey, mars avek serkey. Me annou pa bliye an 2016 dan letan *ex-Herminie, ex-MNA Herminie* pou English River kot ti annan en serkey pou *Father Wavel Ramkalawan* ki ti ganny brile. E zot pa'n mansyonn sa Ozordi! La ozordi zot pe ankoler akoz dan sa *euphoria*, sa lazwa ki sa pep in gannyen avek sa eleksyon.

Wi nou dakor poudir *rule of law* i bezwen aplike. I annan serten keksoz ki'n arive ki mal e sa i ganny rektifye e nou - mon mazine avek en Minis parey Roy Fonseka, mon konnen sa ki i pou anmennen i pou benefisye nou pei. E parey nou Prezidan Ramkalawan in dir *rule of law* i bezwen aplike. Pou tou dimoun, sa dimoun ki'n fer son fot, sa dimoun ki'n kas

Lalwa i bezwen pey le konsekans pou Lalwa ki'n kase. Avek sa Mr Speaker, mwan Wavel Woodcock ankor enn fwa Manm Elekte pou Grand Anse, Praslin mon pou donn tou mon sipor sa kandida Fonseka, aköz mon krwar i koste, konpetan e kapab. E i pou kapab fer sa louvraz. Mersi Mr Speaker.

MR SPEAKER

Onorab Aglae.

HON EGBERT AGLAE

Mersi Mr Speaker. Mr Speaker mon krwar i enportan ki mon dir sa – mon war poudir Mr Fonseka i annan son bagaz neseler, e i annan sa bagaz akademik e bagaz pratik. E si demen i pe pran en pozisyon ministeryel kot i konsern *law and order*, sekirite, e mon konnen poudir a en pwen i pou kapab petet desarz son responsabilite.

Me mon konsern an partikilye se ki etandonnen ki in annan bann komanter lepase, sirtou sa – par egzanp sa 70poursan *LDS* ki dan Lapolis, bann serten aksyon ki'n arive, ki'n ganny tolere ki pa neselerman anliny avek Lalwa etandonnen, osi ki li i en trezorye lo sa parti ki o pouwar, mon partaz en konsern ki serten bann dimoun e pep Seselwa i partaze, so son lentegrite, son

enparsyalite, kot serten desizyon ki i pou bezwen pran a kapab ganny *challenge* par son Siperyer. E etandonnen ki i pou bezwen egzers en lwayote li menm li anver son parti eski i pou kapab annan sa balans pou disteng ant sa ki byen ek sa ki mal menm si i pou son prop siporter ki pe fer sa?

E ki fason ki li menm li, si zot pe dir 70poursan ki mannyer ki zot protez sa minorite osi i enportan aköz zot moto se "Sesel pou tou son zanfan?"

E osi pa bliye ki zot osi zot in anmenn en lager asarnen ler zot ti lo sa kote latib isi, pour ki bann kalite pratik, ouswa prensip ouswa bann ideoloji kot tou i sorti dan menm pye, i ganny dekouraze. E ozordi nou pe war poudir serten keksoz pe retournen en keksoz ki zot ti pe lager, ki sa i en pti pe konsernen ki nou bezwen fer sir nou port byen en lizye lo la.

E nou, nou rol *oversight* se nou pou fer sir kot nou war kot i annan serten konsern nou pou met devan. Kot nou war i mal nou pou bezwen dir. Sa i nou rol isi lo sa kote latib koman Lopozisyon. E mwan mon pou kit keksoz parey i ete, e mon pou kontinyen *monitor*. E fors mwan dir ou, mon pou *abstain* lo sa vot ki la, me selman mon ava kontinyen regarde. Mersi.

MR SPEAKER

Mersi. Onorab Pillay.

HON SEBASTIEN PILLAY

Mersi Mr Speaker. Mr Speaker nou'n pas en bomaten dan en lantretyen avek en dimoun ki aspire pou vin en Minis dan Gouvernman Prezidan Ramkalawan e prenan kont son kalifikasyon. Apre tou mon prezimen ki sak dimoun ki 'n ganny *call* pou vin en Minis in bezwen ganny serten lendikasyon aköz mon pe dir ou vin en Minis. Mon pa zis aksepte pou vin en Minis apre mon konnen ki portfolyo mon pou al ladan. Mon krwar lozik la deor se ki ou'n ganny en lide.

E baze lo son lantretyen, son lantretyen in montre nou poudir son forte se ki i annan pou fer avek lord ek lape. I annan pou fer avek sekirite pei. E probableman i pou en portfolyo ki i *relate* avek – Departman Zafer Entern.

Prezan sa ki nou, nou bezwen mazine e mon krwar, mon krwar i annan zot lo lot kote latab, menm in demann sa bann kestyon menm lo sa kote isi, se ki mannyer ou fer sa transformasyon from *being* en dimoun ki *hands-on, run* en konpanyen sekirite. Malgre nou dir poudir tou bann filozofi *leadership* i sorti from ki mannyer militer i *conduct*

son lekor. *Manage* en landrwa kot i annan sivilyen enkli dimoun i 2 diferan keksoz. E sa i enportan pou nou konsidere. I enportan pou nou konsidere aköz ou pe al dan en sphere kot ou bezwen pran konsiderasyon osi laspe imen, ki ler i annan en eleman militer, i annan en *chain of command* tou dimoun i bezwen swiv.

E sa i en keksoz fondamantal ki nou, nou bezwen mazine. En lot keksoz ki mon krwar i enportan se ki sa *euphoria* laviktwar ti pou Seselwa. Sa *euphoria* laviktwar ti pou Seselwa *enjoy*. E mon le ki enterven an ki'n koz lo sa zafer serkey ki zot in mansyonnen i mazin sa byen, aköz mwan dan mon kestyon pou Mr Fonseka, mon pou montre ou Mr Speaker, aköz mon pe konekte sa ki mon pe dir avek sa, ki Mr Fonseka i dir ki dan sa *euphorie* sete etranze dan nou pei, ki pe denigre nou bann *leaders, whether* i en bann *leaders* ki nou siporte oubyen non!

E zanmen fodre etranze dan nou pei, i ganny loportinite pou denigre okenn Seselwa irespektiv ki kote politik i asize! Zanmen!

(APPLAUSE)

HON SEBASTIEN PILLAY

E zanmen nou devret *condone* e nou rod fason pou nou eskiz en keksoz ki'n arive par servi en lekiskiz en keksoz ki'n arive dan lepase. Akoz si nou repet en keksoz ki nou dir ti mal dan lepase, *then* nou pa pe fer nanryen ki byen. Sa *euphorie* ti pou Seselwa. Okenn mon bann frer ki Seselwa – ki'n zour mwan.

Wi nou'n gannyen;- 'Nou'n pil lo ou!' Wi pa bliye mwan ki sirkile. E mon napa problem ek sa mwan, akoz mon bann frer ek ser ki pe rezouir. Mon *ok* ek sa mwan. Me pa en etranze ki pou vin rezouir dan en viktwar i krwar poudir li i en *guest* dan mon pei, e li ki pou vin pil lo mwan! Non! Fodre zanmen. Pa zis mwan ki fodre dir li bann Onorab lo lot kote latab. Zot osi zot bezwen dir li. Akoz sa viktwar i pou nou. Pert i pou nou. Nou pei i pou nou!

E okenn dimoun ki travay dan nou pei, ou pa vin *involve* dan politik. E mon kontan. Mon kontan *at least* Mr Fonseka – e ou'n tann byen Mr Speaker in fini kondann sa kalite aksyon. I enportan sa.

Me i reste en keksoz ki pou mwan – pou mwan i konsern mwan se lefe ki Mr Fonseka, i en manm egzekutif parti *LDS*. E mwan mon ti a kontan ki Mr Fonseka i prouv son lekor, pou montre nou ki i

annan sa enparsyalite. Pou montre nou ki ler i pou al laba, i pa akoz ou *LDS*, ou pou gard ou pozisyon, me akoz ou pa siport *LDS* ou perdi ou pozisyon.

Me parey in dir i a baze lo en meritokrasi. Si sa ki ti la avan pa'n kapab fer li, ou, ou a bezwen fer li. E i pou nou rol – i pou nou rol dan sa Lasanble, pe enport lo ki kote latab nou asize, akoz dan tou sa bann distrik kot zot in ganny elekte, pou annan dimoun ki'n siport zot – ki vot pou zot, e i siport zot parti.

Me i osi annan zabitan ki pa siport zot parti ki *still* zabitan zot distrik, ki zot *still* bezwen fer sir ki drwa sa bann dimoun i bezwen ganny respekte. Pe enport kot sa bann dimoun i ete politikman, akoz Sesel parey zot in dir i pou tou son zanfan. So annou vremen koste pou fer Sesel pou tou son zanfan. Se sa ki nou bezwen fer. Se sa ki enportan. E mon krwar poudir – parey zot pe dir, nou pa devret rat sa sans. Akoz annou koste e fer li vin pou nou tou, akoz dan nou pei ozordi, nou annan en bi devan nou. Nou lentansyon se pa pou retard sa prosedir. Nou lentansyon se pou fer sir, ki tou sa ki nou donnen, sorti dan Lasanble Nasyonal i pou kapab al travay, delivre.

Mon pou donn Mr Fonseka tou de bon dan son travay. I *reste a voir* si i a kapab mentenir son enparsyalite. Si mon pou vote, e la mon pou vin lo sa pwen Mr Speaker, mon pa pou mank respe pou nou sez, me selman mon pou eksplik ou en keksoz;- i bezwen kler sa. Ki mannyer mwan mon vote koman en Manm Lasanble i depandan lo mwan koman sa Manm Lasanble. I mon drwa koman sa Manm Lasanble, *enshrine* anba Konstitisyon nou pei.

Personn pa pou demann mwan kestyon ki mannyer mon pou vote, akoz sa letan dir mwan kot mon pou vote in fini! Si parkont – si parkont zot, zot in antre dan sa letap kot en dimoun pou dir zot kot pou vote, pou dir zot *good luck* ek sa!

MR SPEAKER

Mr Pillay, sa ki ou pe dir napa bokou pou fer avek karakter Mr Fonseka. E silvouple retourn lo la.

HON SEBASTIEN PILLAY

Mon kontan pou war Mr Speaker ki sak fwa mon vin zwe dan zerb kot ou laplenn laba, ou pous mwan. Napa problemm. Napa problemm Mr Speaker. Napa problemm. Napa problemm.

MR SPEAKER

Mr Pillay?

HON SEBASTIEN PILLAY

Mon a round up Mr Speaker?

(Interruption)

MR SPEAKER

Mon pa apresye sa komanter. Mon pare pou ekout okenn kritik kont *LDS*, kont sa ki mwan mon'n fer personnelman, me selman i annan son moman apropiye. E moman apropiye la, se pou adres kapasite Fonseka. Silvouple *carry on* nou a les sa pase.

HON SEBASTIEN PILLAY

Mersi Mr Speaker. In pa'n en kritik ni kont ou, ni kont *LDS*. In zis en *statement* ki mon'n fer. Me sa ki pou *reste à voir* Mr Speaker, se ki sa promes ki nou'n fer pep Seselwa ki nou, nou pou al elev standar lord ek lape de zour o lannmen, i pou en promes ki si nou pa akonpli nou pou dezapwent sa pep. So mon pou demann zot osi pou zwenn avek nou, e pou nou sey travay ansanm pou nou kapab *achieve* sa.

E pa pran lefe ki nou ozordi, nou pe demann sa bann kestyon, konman en fason ki nou, nou pe retard sa prosedir. Mr Fonseka in montre nou poudir i annan sa abilite dan sa domenn, me

mwan mon ankor en pe konsernen. Mon santi mon annan serten konsern, ki *when it comes* pou li *manage* sa sityasyon annantye e petet mon ava les letan prouv mon mal. Mersi Mr Speaker.

MR SPEAKER

Mersi bokou Onorab. Eskiz mwan mon'n mank ou tit. Onorab Labonte.

HON ANDY LABONTE

Bon mon a dir ou mersi Mr Speaker. Bonzour tou mon bann koleg Onorab. E sirtou en pli gro mersi pou tou zabitan La Rivière Anglaise. Annefe mon pou vremen direk, akoz mwan mon en dimoun i pa tro kontan koz bokou, mon plito fer aksyon.

Me selman mon pou vremen siport nominasyon Mr Fonseka, akoz mwan mon en dimoun ki vremen krwar dan bann bon valer. E mwan mon krwar poudir Mr Fonseka in demontre poudir i annan vremen sa bann bon valer. E enn parmi se ki in montre poudir i annan respe. Ki mon pou retourn konsernan serkey ki ler sa zafer serkey ti deroule English River, ti montre en mank respe pou zabitan English River.

Alor mon pa siport sa ki'n arive apre Eleksyon, me solman i ti konmans par zot, alor respe ou bezwen annan

respe pou ou ganny respe. So i enportan pou nou mazin sa.

Bon pou mwan retournen ankor lo konsernan nominasyon Mr Fonseka, mon ti a kontan dir osi ki in deza en Komisyoner lo kote *Scout*. ki montre ou i annan plizyer lezot bon kalite ankor dan li. Menm ki zot in koz lo i en trezorye i montre ou poudir i annan lezot kalite ankor ki, i kapab tenir nenport ki portfolyo akoz *until now* nou tou nou pa konnen ki portfolyo i pe al pran.

Alor nou bezwen siport li, e nenport ki landrwa kot nou poste li, nou konnen poudir pou fer en bon travay. Alor avek sa mon a dir mon pou siport son nominasyon. Mersi bokou.

(APPLAUSE)

MR SPEAKER

Mersi Onorab. Onorab Uranie.

HON ROCKY URANIE

Mersi Mr Speaker. Mr Speaker bomaten mon ti demann Mr Fonseka, konsernan nouvo konstriksyon Kordgard La Digue ti'n deza bidzete, i ti reponn ki i pa tro konnen. I dapre li i krwar Leritaz Nasyonal i annan lentere ladan.

Me Mr Fonseka i deza en manm lo *Board* Leritaz Nasyonal. Si li i pa konnen si *Board* i annan en lentere dan Kordgard La Digue, i pa konnen ki pe pase, so mon pa konnen ki mannyer i pou konnen ki pe pase dan son Minister.

So pou mwan i pa pe *convince* mwan vreman poudir, i sa dimoun ki devret vin en Minis, ler deza ou pa konnen ki pe pase lo en *Board*, ou lo la, ou pa konnen ki pe pase.

So alors mwan dimoun La Digue osi pe dir mwan ki zot, zot pa satisfè avèk Mr Fonseka. So alors mwan personelman mon pa pou vot an faver Mr Fonseka. Mersi.

MR SPEAKER

Mersi Onorab. Mon a pas laparol *Reply* avèk Onorab Bernard Georges.

HON BERNARD GEORGES

Mersi Mr Speaker. Mr Speaker mon annan detrwa keksoz pou mwan dir a sa moman e ki konsèrn mwan. Premyèman se ki si nou kontinyen dan lafason dan sa fason travay ki nou pe ... Lasanble nou pe anmennen, sa deba pa pou fini avan Zedi prosen. E i pa posib pou nou kontinyen fer sa ki nou pe fer la, dan lekspektasyon ki nou

pou'n fini sa travay dan en moman apropiye.

Wi nou, nou bezwen konsider sa bann lapwentman. Konstitisyon i demann nou fer sa. Me nou bezwen osi akseptè ki i annan en Gouvernman ki'n ganny elekte, e ki bezwen son bann Minis. E nou annan en responsabilite en devwar donn sa Gouvernman son bann Minis dan en letan pli kourt posib.

Alor mon pou fer serten propozisyon apre midi. Nou pa'n anvi fer sa, me mon pa'n propozisyon se ki, nou pou bezwen redwir lakantite letan ki nou, ki nou pase pe egzamin sa bann kandida ki pe vin devan nou, pou asire ki o pli tar demen, nou kapab donn sa Gouvernman son bann Minis, ki'n fini ganny aprouve par sa Lasanble. Napa lot fason pou fer sa travay. E lo nou kote nou ava sipliy avèk nou bann koleg an fas, pou zwenn nou dan sa travay.

Rezon mon pe dir sa se Konstitisyon li menm. Konstitisyon i demande ki Lasanble i aprouv sa bann lapwentman ki Prezidan pe propoze fer. Lasanble i aprouv sa bann lapwentman ki Prezidan i propoze fer.

E nou bezwen demann nou lekor, akòz ki sa i dan nou Konstitisyon? E ler nou'n reponn sa kestyon, kisisa

vreman ki nou rol ki nou bezwen antreprann dan sa prosesis? Rezon ki sa i dan nou Konstitisyon, personnelman mwan zanmen mon'n, mon'n arive konpran akoz ki bann *framers* sa bann Konstitisyon in met sa provizyon ladan?

Akoz en Prezidan i ganny elekte pou li gouvènen. Konstitisyon i dir li i bezwen gouvènen avek en *Cabinet*. E donk premye swa i tonm lo li, pou li swazir son *Cabinet*. Si nou anvi en repons e nou bezwen trouv en repons akoz sa bann dimoun ki'n met sa dan Konstitisyon pa ti bet. Nou bezwen aksepte ki sel, sel rezon ki nou bezwen aprouve, se pa akoz nou kontan oubyen nou pa kontan sa dimoun. Me pou nou vwar si i annan okenn defayans dan listwar sa dimoun. En keksoz ki'n fer *somewhere*, ki prouve ki i napa laptitid, oubyen i pa devret ariv a sa fonksyon.

Se sel rezon. Nou pa kapab rod okenn lezot rezon, akoz nou pa kapab mazin pou sa Prezidan ki sa ki, ki sa i pe al fer. E la mon ava, mon ava premye pou aksepte ki kekfw se pa sa laliny ki nou'n swiv dan lepase, a tou moman.

(Interruption)

MR SPEAKER
Silvouple. Wi.

HON BERNARD GEORGES

Kekfw se pa sa laliny ki nou'n swiv dan lepase a tou moman. Mon pa'n dir ki nou pa'n swiv sa laliny. Akoz ti annan rezon akoz keksoz ki ti ganny fer, ti ganny fer. Me mon krwar parey ou ti dir taler Mr Speaker, sa ki nou pe rode isi, se eski i annan en keksoz, eski i annan en defayans dan sa dimoun ki nou, nou devret konnen pou nou anpes li ariv dan *Cabinet*?

Se pa ki i pou fer ler i ariv laba. Akoz nou pa kapab premyerman prezimen ki portfolyo i pou gannyen. E dezyenman nou pa kapab prezimen, ki akoz i annan en serten laptitid dan en serten *area*, ki i pa pou annan okenn laptitid dan lezot *area*. Si par egzanp mwan mon ti'n ganny demande pou vin en Minis, eski zot krwar ki sel landrwa ki mon ti pou kapab deservi se Minis Lazistis? Mon pa ti pou kapab ansarz en portfolyo Lapes? Mon pa ti pou kapab pran *manifesto promises LDS* lo Lapes ek bann desizyon *Cabinet* e fer sa arive atraver mon Minister?

Ou vwar? Fodre, nou fodre nou al an deor sa pti lespri ki nou'n servi depi bomaten, anfen depi yer, *focus* lo en *narrow* lobzektif, e sey demann en dimoun kisisa i ti

pou fer dan en Minister partikilye.

Akoz zot menm zot, zot konnen ki enn fwa ki nou'n aprouv sa Minis, Prezidan pa bezwen retourn devan nou ler i fer en *reshuffle*. Nou kapab krwar ki nou pe aprouv li, pou tel ou tel Minister e semenn prosenn Prezidan i vir li i anvoy li dan en lot Minister. San ki i bezwen retourn kot nou. Alor annou silvouple gard nou bann kestyon ki i annan pou fer avek laptitid sa dimoun, dan en Minister partikilye, pou ler in gannyen sa Minister partikilye.

E la nou ava apel li pou vin isi devan pou vin reponn kestyon atraver *Question Time*. Sa ki nou pe fer la, set egzaktaman sa ki nou Konstitisyon i demann nou pou fer. Se regarde tel parey 2 dimoun in fer bomaten avek Onorab avek Mr Fonseka. (1) Onorab Loze in demann li, eski ou ti annan en zarm dan lepase san permisyon? Sa set en kestyon ki wi, i al direktaman lo son karakter, pou ou deside dapre son repons si ou devret siport li.

En lot, se Onorab Uranie ki ti dir ki mannyer i lo tel ou tel *Board*, me i pa konn tel keksoz? Sa set en kalite en kestyon ki i al direktaman lo son karakter ek son laptitid. Me *forgive me*, lezot kestyon

non, napa nanryen pou fer avek son laptitid.

Alor mwan mon pe, mon pe propoze mon'n dir sa e zot ava pardonn mwan, mon pe dir sa pou ki nou *focus* plis lo sa travay ki Konstitisyon i demann nou pou fer, e non pa fer li vin en *Question Time* lo en Minis lo bann keksoz ki pa ankor ni antreprann. Si nou fer sa Mr Speaker, nou a kapab fini nou travay dan en dele apropiye e donn sa Gouvernman son Konsey Minis.

Kestyon i ganny demande, eski en dimoun ki'n dan biznes ek dan militer, i kapab sorti dan sa lanvironnman? Mon'n sey donn en legzanp, si mwan mon ti mon ti ganny apwente e pou annan en Avoka ki pou vin devan nou, ki pe ganny propoze konman Minis, donk zot al fer sa, zot al fer sa refleksyon.

Me sa ki nou konnen nou, se ki nou Konstitisyon, in baze lo en sistenm Parlmanter *Americain*. E se pou sa rezon ki 6enm Lasanble ti deside *break with the past* e olye pran en desizyon lo en Minis lo en CV selman ki nou annan devan nou, e en deba dan Lasanble san ki nou'n *interview* li swiv sistenm *Americain*. E anmenn li devan Kongre pou ki nou, nou demann li son kestyon e nou

vwar egzakteman ki nou devret pe fer.

Me si nou pe swiv en sistenm *Americain*, kestyon i ganny demande en boug ki sorti dan militer e dan biznes, eski i kapab vin en Minis dan en rol politik? *Well* get *L’Amerique* 3 kar *Cabinet* sak Prezidan *L’Amerique*, se bann dimoun ki sorti dan *Business!* 99poursan sa enn ki la, la Prezidan Trump zot sorti, zot sorti dan biznes, ou vwar? Si i kapab arive laba. *Maurice* zot *Cabinet* kantmenm zot annan en sistenm Parlmanter zot *Cabinet*, i se bann dimoun ki sorti dan biznes oubyen dan profesyon *stand* pou Eleksyon ganny elekte, apre pou vin Minis.

Alor ou war nou pa, nou pa, nou pa devret se re envant larou. Nou pa ti devret reorganiz keksoz ki’n deza ganny etabli. Nou’n adopte en prosedir, ki pou ki bann Minis pou vin devan nou. Alor annou sey *curtail* nou travay, an fonksyon sa ki nou Konstitisyon i demann nou pou fer. E sa se fouy dan son *background* e regard son abilite. Pa bezwen demann li kestyon lo bann keksoz ki nou pa menm, konnen ki i pou al antreprann.

E annou annan en serten nou kapab, nou kapab kekfwa demann li en kestyon ipotetik, pou egzamin son laptitid, sa i,

sa i normal. Be annou pa parey mon’n demande fer li vin en *Question Time*.

Kestyon i ganny demande lo enparsyalite Mr Fonseka, akoz in annan en rol trezorye lo en parti politik. E sa kestyon in sorti lo zot kote. Eskiz mwan, eskiz mwan, dan ki parti politik ki tou Minis, ou preski tou Minis ti en manm en *CC Member*? Kot nou oubyen kot zot?

(laughter)

HON BERNARD GEORGES

Kot nou? La dan sa Lasanble i annan en dimoun la dan sa Lasanble ti annan en i annan en,

(Interruption)

MR SPEAKER

Silvouple!

HON BERNARD GEORGES

La dan sa Lasanble i annan en dimoun ki ti en Minis, e ki ti en *CC Member* an menm tan. Be si, eski nou kestyonn son lenparsyalite?

(laughter)

MR SPEAKER

Ale *order!* Mr Georges silvouple *carry on*.

HON BERNARD GEORGES

Mr Speaker lekel ki pli, lekel ki pli politisyen ki Prezidan Larepiblik? Pa i sorti dan en parti politik? Pa i sorti dan en parti e *yet* ler i ariv o pouvwar, ki i fer? Pa i fer son mye pou li enparsyal e deservi tou dimoun? O kontrer ou tann zot toultan, enn fwa ki mon ganny elekte mon ava vin Prezidan pou tou Seselwa, pa zot tou zot dir sa? E pa zot tou zot sey viv lo sa, lo sa moto?

Alor nou pa sey annou pa sey fer keksoz krwar. Annou pa sey fer krwar keksoz i dan en fason ler i pa. Annou viv dan en larealite. I annan deza en Prezidan *L’Amerique* ki pe viv dan en *monde* pou li tousel. Annou pa swiv son legzanp isi dan sa Lasanble. Annou viv dan larealite Sesel, e fer sa ki nou Konstitisyon i demann nou.

Mr Speaker, mon, *sorry* ki mon’n bezwen al dan sa laliny, me mon krwar ki nou, nou bezwen revwar nou fonksyon, vot pou sa kandida ki nou pe diskrit lo la, la. Sa ki kontan vot pou li i a vot pou li sa ki kontan pa vot pou li pa vot pou li, sa ki kontan *abstain* i ava *abstain*. E apre silvouple ler nou *move on to the next candidate*. Annou fer keksoz dapre sa ki nou Konstitisyon in demann nou.

Napa okenn privelez ki egziste pou nou demann lakantite kestyon ki nou anvi, e fer en deba osi lontan ki nou anvi. Nou sel lobligasyon, se pou aprouv en lalis Minis ki’n ganny anvoye. E lo sa kote latab, mwan mon pe dir sa lalis pou ganny aprouve avan demen. *Ok* alor silvouple annou, annou al dan sa direksyon. Mersi Mr Speaker.

(APPLAUSE)

MR SPEAKER

Ale mersi pou laplodisman le de kote. Mwan depi yer tanzantan mon pe fer remark retourn lo size sa kandida. *Focus* lo kapasite sa kandida. I annan en kantite ladres, kantite entervansyon ozordi ki pa’n al dan sa laliny. E mon ti a met sa devan tou le de kote latab. E mon ti a demann Mr Georges Onorab Georges (*sorry*) pou enpresyonn kote son latab osi, avek sa pou zot montre legzanp, ki mannyer sa bann kestyon i devret ganny demande, e ki mannyer deba i ale.

So Mr Georges silvouple pas mesaz avek ou kote. E lo kote Lopoziyon Onorab Pillay menm parey. Alor a se moman nou’n termin deba e nou pou kontinyen avek vot.

HON SEBASTIEN PILLAY

(Off-Mic)

MR SPEAKER

Point of order? Ale dir nou ki *order?*

HON SEBASTIEN PILLAY

Mersi Mr Speaker. Mon annan en *point of order* anba *order 49* anba nou nouvo *Standing Orders* e mon le demann en klarifikasyon lo sa ki en Manm in dir, pou ki sa Manm kekfwa mon'n *misapprehend* li. Eski Onorab Georges pe dir alor ki ti en vyolasyon konstitisyonnèl, lafason ki nou ti tret (William) Herminie, Marie-Louise Potter, e Dick Esparon ler zot ti prezant zot devan Lasanble Nasyonal?

E si sa i leka (*sorry*) Patrick Herminie (*sorry*), si sa i leka eski sa bann dimoun ozordi - non, non mon pa pe ouver deba Mr Speaker aköz Onorab Georges in koz lo Konstitisyon. Onorab Georges in koz lo Lartik si mon pa tronpe *ok 63* e Lartik *63* i dir ou non, non Lartik *69* en "*the President may with the approval of a majority of the members of the National Assembly, appoint a person who is a citizen of Seychelles.*" *bla, bla, bla,*" *attained the age of eighteen.*" *69 (2).*

So baze lo largiman ki ou'n fer, eski ou pe dir mwan poudir sa ti en vyolasyon

Konstitisyon, premyerman? Dezyenmman *please* Mr Speaker, mon ava demann ou pou eskiz mon bann Manm lo mon kote latab, sa ki zot pe fer i sa ki zot in vwar fer dan 6enm Lasanble, ler *LDS* ti an mazorite e ler zot ti pe demann kestyon.

MR SPEAKER

Onorab Pillay.

HON SEBASTIEN PILLAY

Mon ava *press upon* zot pou fer li en lot fason. Mersi Mr Speaker.

MR SPEAKER

Onorab, sa Lasanble i pa - presedans i konte, wi. Me selman sa Lasanble pa pou mars totalman parey lezot Lasanble. Sansan nou pou retourn 5 Lasanble an aryer e nou pou dir sa ti fer koumsa, e nou ti pou fer koumsa.

(laughter)

MR SPEAKER

Sa Lasanble permet mwan, permet mwan sa Lasanble pou mars dapre mannyer nou devret marse.

E mon pa krwar sa deba lo sa ki ti pe arive avan, i enportan la dan sa latas ki nou pe fer. Alor nou pou *proceed to a vote*. Mon pou

reliir Mosyon pou nou pas li lo vot. E Mosyon i lir koumsa;-

In accordance with articles 63(1) and 69(2) of the Constitution, this Assembly approves the proposed appointment by the President of the Republic of Mr Charles Errol Fonseka to the office of Minister.

Bann ki vot 'pour' lev lanmen silvouple?

(Interruption)

MR SPEAKER

Silans silvouple. Bann ki vot kont lev lanmen silvouple? Mersi. Bann ki *abstain*, Clerk ou'n note? Mersi. Mosyon pou *approved* lapwentman Mr Charles Errol Fonseka konman en Minis in ganny pase avek 24 vot 'pour', en vot kont e 9 abstansyon. Donk mon deklare Mosyon in *pass*. Mersi.

(APPLAUSE)

MR SPEAKER

San tarde, mon a propoze ki nou pas lo - Yes Onorab.

HON CHANTAL GHISLAIN

Mr Speaker mon annan zis en pti pwen klarifikasyon, lo en keksoz ki ou'n dir. Ki sa Lasanble pa pou mars lo parey lezot Lasanble oparavan. Mon

ti zis anvi konnen, si sa 7enm Lasanble pou annan en lot *Standing Orders* apart ki lezot, ouswa i pou is en Lasanble ki pa pou fonksyonn lo okenn *Standing Orders*? Mersi Mr Speaker.

MR SPEAKER

Mersi. I pou napa lot *Standing Orders*. Mersi. *Ok*, avek sa nou ava apel Mr Justin Davis Valentin. *Thank you*, Onorab Georges ou a prezant Mosyon.

HON BERNARD GEORGES

Mersi Mr Speaker. Mr Speaker mon Mosyon i lir *comme swivan*;- *In accordance with articles 63(1) and 69(2) of the Constitution, this Assembly approves the proposed appointment by the President of the Republic of Mr Justin Davis Valentin to the office of Minister*. Mersi Mr Speaker.

MR SPEAKER

Nou a ganny Mosyon segonde silvouple. Onorab Samynadin.

HON KELLY SAMYNADIN

Mr Speaker, Mosyon i ganny segonde.

MR SPEAKER

Mersi Onorab. E prezan nou ava apel Mr Justin Valentin. Mr Valentin byenveni dan lasal Lasanble e nou pou kontinyen avek Mosyon, pou

konsider ou lapwentman konman Minis. Nou pou konmans avek en pti ladres bref par ou pou prezant ou lekor avek Manm. Premyerman avan nou al sa, nou a pas dan Staz Komite.

Mersi nou dan Staz Komite. Parey mon ti pe dir Mr Valentin, nou a konmans avek en ladres bref lo ou lekor pou prezant ou avek nou bann Manm, apre nou pou posed dan seri kestyon pou ou. Mon pou demande, ki ou sey fer ou bann larepons bref e direk. Silvouple adres kestyon spesifik ki bann Manm i poze. E petet nou a kapab fer sa, nou prosedir i mars en pe pli vitman. Avek sa sesyon i ouver, e Mr Valentin pran laparol.

MR JUSTIN VALENTIN

Mersi Mr Speaker. Bonzour Mr Speaker. Bonzour tou bann Manm Onorab. Bonzour tou bann dimoun ki pe ekout mwan lo radyo e televizyon.

Mon apel Justin, Davis Valentin. Annefe mon annan 49an, mon'n marye e mon annan 2 zanfan, 2 garson. Mon en zanfan en zabitan L'Intendance Takamaka. Konmela mon reste Au Cap. Tou mon lekol ki mon'n fer mon'n fer mon lekol primer, e sa lepok segonder dan distrik Takamaka. E apre byensir

mon'n al NYS sa lepok '87 e apre *Polytechnic*.

Mon *background* akademik an term letid mon en dimoun ki fer letid matematik e lasyans. E mon ti konmans en formasyon pou vin en ansenyan an '92, apre pli tar mon'n progresse. Mon'n fer en letid dan *Bachelor* dan Ledikasyon an *Australie* apre pli tar en *Master* an *Malaisie* e tou dernyerman an 2009 ziska 2012, mon ti en Doktora an Langleter.

An tan ke karyer annefe, mon ti zwenn lansennyman, e apre mon'n mon ti al dan Minister Ledikasyon, mon ti travay dan Minister Ledikasyon, apre ki sa letan ki NYS ti'n frenmen. E mon ti travay dan Seksyon Resers konman en zofisye resers. E pli tar mon ti vin osi en Direkter sa seksyon, en Direkter Zeneral dan sa seksyon. E ziska tou dernyerman, anfen ler mon dir tou dernyerman, mon pe koz sa dernyen 7an, mon ti ganny transfer dan Liniversite Sesel, kot mon ti dabor en Dwayen e apre la sa dernyen 3an mon'n Vis-Sanselye Liniversite Sesel.

E sa legzersis ki mon pe fer la, mon'n fek fini fer enn 2 semenn pase, akoz mon kandidatir pou revin Vis-Sanselye ti pe ganny renouvle. Alor mon ti pas dan enn sa menm leksperyans, annefe ki

mon pe pase la ozordi apre midi.

Dan Ledikasyon mon'n pran par dan en bon pe aktivite, me selman en aktivite pli, pli enteres a ben enportan a sa moman ki mon anvi koz lo la, se dan seksyon, kot legzanmen ki mon'n ekrir bokou legzanmen pou bann etidyan pou matematik. Bann legzanmen P6 e osi byen ki legzanmen S3. Me bann moman pli for mon karyer dan Ledikasyon, se letan mon ti pe travay koman en ansenyan sa lepok, byen zenn mon retournen sorti fer en *Degre L'Australie*.

Mon retournen sa lepok nou ti pe koz lo, lo legzanmen lo tes ki bann ansenyan ti pe donn bann etidyan. E mwan mon ti fer en tez a sa lepok, e mon tez ti absoliman gete ki pe pase dan bann legzanmen ki bann ansenyan pe donn etidyan. E sa ti sa tez anfe, mon pou dir ti revolisyonniz en pe sa konversasyon ki ti annan dan Ledikasyon sa lepok, apropo legzanmen.

E parski zis pli tar an 2001 Minister Ledikasyon sa letan, ti deside ki mon al dan bann lekol, mon al koz lo legzanmen. E apre pli tar nou ti vwar ki Minister Ledikasyon ti deside bann ansenyan petet ki pe ekoute la, i rapel sa bann lesan dan Sanmdi ki Minister Ledikasyon ti demann pou fer,

zisteman pou fer ki legzanmen i vin en konversasyon dan sistenm. E ki tou bann ansenyan i konpran, ki mannyer legzanmen i ganny ekrir.

E dezyenmman en lot moman ki enteresan ki mon anvi koz lo la, la bomaten, se ki mon ti osi enn sa dimoun ki ti promouvwar matematik atraver en proze ki nou ti fer. Letan mon ti pe ansarz Seksyon Resers, nou ti promouvwar matematik atraver en proze, promouvwar *action research* atraver en proze, ki sa osi ti donn bann ansenyan en zepol pou apiy lo la, kot i konsern lo *reflective practices* e apre zot performans, par zot performans ki mannyer pou devlop bann lesan matematik.

Vwala an gro, sa i en pe mon *background* e mon met mon a dispozisyon bann Manm Onorab pou plis keston. Mersi Mr Speaker.

MR SPEAKER

Mersi Mr Valentin. Les mon a *remind* tou Manm ki nou pe *focus* lo karakter e abilite Mr Valentin, pou li vin en Minis. In donn bann legzanp dan Ledikasyon konman par son travay, me sa i pa neserman sa ki konsern nou ozordi. I son karakter ek son abilite. Alor nou pou konmans keston. Silvouple tenir zot

lanmen anler en pti moman akoz mon pa ankor note. *Ok mersi zot kapab bes zot lanmen. Mon'n pran bann lanmen ki'n leve e apre mon a fer lord kestyon. Onorab Pillay wi?*

HON SEBASTIEN PILLAY

Mersi Mr Speaker. Mr Speaker mon pe refer lo sa *statement* ki ou'n fer.

MR SPEAKER

Ki order?

HON SEBASTIEN PILLAY

Mr Speaker en *point of order* i ganny *raise* anba *order 49*. Mon bezwen eksplik ou, akoz mon'n *raise* mon *point of order*. Prezan ou a *rule* lo mon *point of order!*

MR SPEAKER

Ale, Onorab Pillay.

HON SEBASTIEN PILLAY

Mersi Mr Speaker. Mr Speaker avek tou respe ki mon annan pou ou Lofis, sa dokiman ki Mr Valentin in prezant devan nou, napa en Manm Lasanble la anndan, ki pa pou demann Mr Valentin en kestyon ki relye avek sa dokiman. Akoz sa dokiman i demontre klerman son konpetans, son abilite. Dayer i en dimoun ki mon'n travay avek dan domenn Ledikasyon.

Mon krwar ou pe fer en *disservice* Lepep Seselwa, si ou pa pe *allow* sa bann Manm ki la anndan, enkli bann Manm ki lo lot kote latap, pou demann kestyon. Akoz Ledikasyon i en size pertinan, i en size enportan, e mwan mon krwar i bezwen Mr Valentin ler in aksepte pou li vin pran en pozisyon Minis dan Gouvernman Prezidan Ramkalawan, in bezwen annan en lantretyen avek Prezidan Ramkalawan lo sa size.

Mon konpran ki Onorab Georges in dir nou. Me lefe i larealite i montre ki nou pe fer en *disservice* Lepep Seselwa e nou pa pou pe ranpli nou rol. Mon ti ava enplor ou Mr Speaker pou pa *curtail*, sa bann Manm ki ava annan kestyon ki *relate* avek Ledikasyon ki Mr Valentin, an tout fransiz mon krwar i annan tou kapasite pou li reponn. Akoz Mr Valentin i en Dokter dan ledikasyon. Me zis ki Mr Valentin li i ava gard son repons parey ou'n dir spesifik lo sa kestyon, ki'n ganny demande.

MR SPEAKER

Wi.

HON SEBASTIEN PILLAY

Mon enplor ou lendilzans dan sa domenn Mr Speaker.

MR SPEAKER

Me mon a reponn ou koumsa Onorab Pillay. Mon pa'n ekskli kestyon ki tous lo size Ledikasyon. Me i pa enkli kestyon ki Mr Valentin pou al fer, letan i ganny apwente Minis Ledikasyon. Met ou kestyon pou demann li en pozisyon lo son kapasite, ek lo son karakter pou li vin en Minis. Mersi. Nou a prosede avek kestyon nou a konmans avek Onorab Doyace Porice.

HON DOYACE PORICE

Mersi Mr Speaker. Bonn apre midi a tous. Bonn apre midi Mr Valentin. En bonn apre midi spesyal i al pou distrik Baie Ste Anne, sirtou mon bann koleg ki'n siport mwan.

Mr Valentin eski ou'n pare pou desarz en responsabilite koman en Minis? E si ou pare enparsyal e si ou pou enparsyal dan bann desizyon ki ou pou pran, menm avek bann ki annan lopinyon diferan, dan sa Minister ki ou pou ganny *allocate*? Mersi.

MR SPEAKER

Mersi Onorab. Mr Valentin.

MR JUSTIN VALENTIN

Wi Onorab, mersi pou ou kestyon. Wi mon'n pare. Mon karyer dan Ledikasyon, tou mon lavi dan Ledikasyon, mon'n egzers enparsyalite.

Mon oblize konman en ansenyan mon oblize enparsyal. Mersi bokou.

MR SPEAKER

Mersi. Onorab Samynadin.

HON KELLY SAMYNADIN

Mersi Mr Speaker. Mersi tou bonzour tou mon bann koleg Onorab e bonzour Mr Valentin. I en plezir pou mon akeyir ou, en zabitan Au Cap dan ou nominasyon konman Minis. E ou CV i klerman montre nou, ki ou lekspertiz dan domenn Ledikasyon. E mon annan 3 kestyon lye ver sa.

Mon premye kestyon i *comme* swivan;- sityasyon disiplin e konportman zanfan dan lekol, i enn ki tre alarman. Ki ou pou kapab fer pou redres sa sityasyon pou redonn konfyans bann ansenyan, e amelyor lansennyman ek laprantisaz dan lekol?

Mon dezyenm kestyon nou'n ganny dir ki nou bann lekol Leta i swadizan *autonomous*, ki ou panse lo la?

E mon trwazyenm eski ou panse ki sa striktir *School Council* ki an plas, i enn ki efektiv, dan lesans ki si ou pou mazin kit li menm, oubyen ou pe ou pou sanz li e akoz? Mersi.

MR SPEAKER

Onorab Samynadin ou premye kestyon ti demann li ki ou pe al fer konman Minister Ledikasyon lo size disiplin? I sa kalite kestyon ki mon mazine i pa devret pe ganny demande la akoz i en soz.

Me selman ou kapab poz sa kestyon, ou kapab demann Mr Valentin par egzanp ki, ki i mazine lo *Policy* pou lotonomi dan Ledikasyon, sa i permet, akoz sa i son ou pe eksplor son filozofi lo en keksoz spesyal. E osi ou trwazyenm kestyon osi i dan menm laliny. Mr Valentin ou ava reponn silvouple.

MR JUSTIN VALENTIN

Mersi Mr Speaker. Vitman lo kote disiplin. Mr Speaker mon le ganny gide la si mon reponn kestyon lo disiplin ouswa non.

MR SPEAKER

Yes, ou reponn wi.

MR JUSTIN VALENTIN

Dakor bon vitman lo disiplin sa i en kestyon enteresan. Me koman en dimoun ki pou si zanmen mon ganny sa portfolyo dan Ledikasyon, byensir mon pou bezwen mon pou bezwen konsilte bann dimoun ki dan ki deza dan Ledikasyon pou etidye nivo, nivo groser sa problemn.

E apre byensir pou kapab met okenn, okenn Lalwa pou fer ki Ledikasyon

disiplin i rezourd, i pou neser ki mon osi vwar Biro *Attorney Zeneral*, pou nou konnen ki mannyer, ki mannyer sa pou kapab ganny, ganny drafte. E anmenn en Lalwa posibleman devan - en *Bill* devan Lasanble, pou nou kapab bouz devan lo sa size.

Lo kote lotonomi lekol. Mon krwar ki lekol i devret ganny serten lotonomi pou li fonksyonnen. I annan serten lotonomi dan serten laspe, me byensir i annan serten lezot laspe, ki i pou napa swa i pou bezwen toultan anba petet en serten en serten sirveyans, sirveyans an Minister Ledikasyon.

E konman *School Council* ki monpanse lo la si i efektiv? Si *School Council* i efektiv? Mon'n deza en *Chairman School Council* kot en lekol e *School Council* li tousel i pa efektiv. I pa efektiv. Byensir dan kominote i annan plizyer, plizyer konteks. Si plizyer konteks, plizyer manm e si tou sa bann manm i zwenn ansanm, mon pa krwar akoz *School Council* pa devret en keksoz ki fonksyonnen byen, e i apiy lekol pou bouz ver son bann *goals* ek lobzektif ki i anvi. Mersi Mr Speaker.

MR SPEAKER

Mersi. Onorab Loze.

HON JOHAN LOZE

Mersi Mr Speaker. Mr Valentin *welcome in the House*. Ou en koleg NYS. Mon konn tre byen ou laptitid ek kapasite ki vreman ekselan. Alors mon pa pou tro gaspiy ou letan dan sa bann direksyon

Mon anvi selman ou reponn mon en kestyon *that speaks to your character*. Mr Valentin kan manner ou, ou pou santi si Lasanble Nasyonal ozordi i aprouv ou nominasyon, *through en rubber stamp process*, kot zis en kote i aprouv ou nominasyon san ki ou vreman ganny *put through proper scrutiny*, senpleman akoz en *leader* in ensiste ki i bezwen termin sa *process by today*. E ki kestyon bezwen ganny limite. E ou Mr Valentin *how will this sit upon your conscience?* Mon anvi konnen akoz *it speaks to your character*. Thank you Sir.

MR SPEAKER

Mersi Onorab. Mr Valentin.

MR JUSTIN VALENTIN

Mersi Onorab pou ou kestyon. Mwan mon kontan koze, mon kapab reponn kestyon. Me selman mon konnen byensir, mon pou ganny sans ankor pou retourn kot sa Lasanble ...

(APPLAUSE)

MR JUSTIN VALENTIN

... mon pou retourn ankor kot sa Lasanble pou zot demann mon kestyon lo sa Minister ki mon pou gannyen. E byensir mon *welcome* kestyon ki teste mon karakter. Mersi byen.

MR SPEAKER

Mersi Valentin. Onorab Vidot.

HON AUDREY VIDOT

Mersi Mr Chair. Mr Valentin ou'n enn bann zanfan Sesel ki'n sezi bokou loportinite ki sistenm governans US in met an plas. E menm si wi SPPF, Parti Lepep, US in met an plas. E menm si ou forte in dan Ledikasyon pe enport ki Minister ki ou pou ganny atase avek, ou konman en profesyonnel, ki kontribisyon ou bann priyorite ou ti ava swete kontribye anver ou *Cabinet*, pou enspir bann lezot profesyonnel parey ou pou kapab pran bann pozisyon kle dan lenstitisyon pei? Mersi.

MR SPEAKER

Mersi Onorab. Mr Valentin.

MR JUSTIN VALENTIN

Mersi Onorab pou ou kestyon. Mersi Onorab pou ou kestyon. Dabor pou nou enspir bann - ou pe demann mwan atraver sa kestyon, - i annan 2 parti ou kestyon, premye parti ou pe demann mon ki manner

mon pou servi mwan pou enspir bann lezot? Mon pou demann bann etidyan ki pe lekol nenport ki bor zot ete la, pou zot premyerman aprann byen lekol, pou zot kapab bouz ver zot rev.

E dezyenmman pou bann travayer ki pe travay ki pe travay a ler aktyel, travay an servan zot konpetans, travay byen e zot pou vwar, zot pou vwar fri zot travay.

Trwazyenm laspe ou kestyon, i poz kontribisyon ki mwan mon kapab fer konman, koman en zofisye konman en Minis, dan sa nouvo Gouvernman. Ou konnen mwan mon'n formil en *template* e vwala mon *template*.

Letan ki mon pou ganny en portfolyo, sa portfolyo byensir mon pou etidye sa portfolyo, e mon pou osi gete par rapor ek sa portfolyo, ki sa manifesto lo ki sa parti ti ganny elekte, ki mannyer i anliny avek. E apartir la, mon pou form mon prop persepsyon. Byensir mon persepsyon pou fors mon retourn ver en tim, aköz *Cabinet* i en tim, kot nou pou diskrit sa persepsyon. I pou annan moman kot mon bezwen osi retourn dan sa dan sa Minister kot mon pou ete, pou mwan al eksplor, eksplor bann posibilite. E apartir la mon pou form en plan travay.

Se la ki mon pou kapab form en plan travay.

Alors sa i pou sa *template* zeneral ki mon pou servi, pou mwan kapab form sa plan travay pou nou bouz devan. Mersi Mr Speaker.

MR SPEAKER

Mersi Mr Valentin. Onorab Mondon.

HON TERENCE MONDON

Mersi Mr Chair. Mr Chair mon zabitan Takamaka i fyer ozordi, vwar enn son zanfan in ganny *nominate* pou sa pozisyon Minis. E pou mwan mon kapab dekrir dapre CV e Mr Valentin ki travay dir e disiplin, ki'n karakteriz son lakonplisman.

Alor mon kestyon mon le demann Mr Valentin kwa, ki nou kapab espekte avek ou, si ou ganny aprouve konman Minis an term lapros lafason fer? E ki bann lezot valer ou krwar ou kapab pe aporte dan ou lanvironnman, dan sa nouvo Minister ki ou pou ganny apwente? Mersi Mr Chair.

MR SPEAKER

Mersi Onorab. Mr Valentin.

MR JUSTIN VALENTIN

Mersi. Mersi Onorab pou ou kestyon. Vitman mwan mon pran, partou kot mon travay mon pran sours mon

lenspirasyon, sorti kot mon *leader, the Boss*.

E Dimans mesaz kler Dimans, sete travay dir, non Lendi (eskiz mwan) dan Inogirasyon sete "travay dir." Travay dir pou rezilta. Vwala ki mwan mon pe promet kot mon pou ete dan sa portfolyo, mon pou travay dir pou anmenn rezilta. E akoz mon krwar Lepep pe espekte rezilta, bon rezilta. E vwala ki mon promet.

(APPLAUSE)

MR SPEAKER

Mersi Mr Valentin. Onorab Lemiel.

HON SYLVANNE LEMIEL

Mersi Mr Speaker. Bonzour Dr Valentin. Ler mon pe regard ou CV, mon pe regard lo ou *personal philosophical statement*. E ou'n fer sorti en misyon. Ou misyon ki ou'n fer sorti se, "*develop expertise and authority in the area of workplace innovation, with a specific focus on change and reform*." Elabor en pe plis lo la Dr Valentin. Mersi.

MR SPEAKER

Mersi Onorab. Yes Mr Valentin.

MR JUSTIN VALENTIN

Mersi Onorab pou ou kestyon. Mon kontan boulders, boulders konteks pou nou vwar rezilta. I neserer parfwa pou tir dimoun dan zot *zone* konfor. E sa i enn mon pwen for. E mon osi kontan fer sa ek mon lekor. Mon kontan sorti dan mon konfor, mon pou sey eksplik sa en pe filozofik, me mon krwar ou pou konpran. Mon kontan sorti dan *zone* konfor al dan en *zone* al rod konfor dan en *zone* enkonfortab. Ki sa i vedir? I vedir ou bezwen bann sanzman. Parfwa keksoz i statik, i vin tro statik i vin rutin, i vin tro repetitif, e napa rezilta. Napa rezilta.

E pou nou kapab ganny rezilta parfwa nou bezwen sakouye, nou bezwen sakouye, sey fer dimoun sorti en pe dan sa *zone* konfor, e vwala fer sa sanzman, sa reform ki nou anvi.

Reform pa neseraman i vedir keksoz pa pe marse. Reform parfwa i vedir, eski i napa en lot fason ki kapab mars pli byen? Vwala lafason ki mon anvi reponn sa kestyon. Mersi.

MR SPEAKER

Mersi Mr Valentin. Onorab Aglae.

HON EGBERT AGLAE

Mersi Mr Speaker. Bonn apre midi Dr Valentin. En dimoun

ki mon annan en gran respe pou ou. Dr Valentin mon premye kestyon, ki si zanmen ou ganny en portfolyo ki pou fer ek Ledikasyon, e i annan bokou kritik deor, ki bezwen annan reform dan nou Sistenm Ledikasyon, reform e modernizasyon, e lo ou CV ou fer resorti sa reform.

Mon ti a kontan petet demann ou si zanmen ou al dan Ledikasyon, ki premye demezir ou ti a kontan vwar kot i konsern nou Sistenm Ledikasyon?

Dezyenmman, eski ou en dimoun ki pou krwar dan konsiltasyon a tou nivo dan ou Minister? Mersi.

MR SPEAKER

Mersi Onorab. Yes Mr Valentin.

MR JUSTIN VALENTIN

Mersi Onorab. Ankor, ankor mon pou retourn lo mon *template*, lo mon *template* ki mon dir portfolyo nou get manifesto ki pe demande, nou konsilte, nou konsilte nou get *field* ki pe dir, e apartir la nou fer, nou fer sa reform ki nou anvi.

Mon pa anvi a sa moman pronons lo bann reform ki nou anvi fer. Akoz i annan plizyer kalite reform ki nou kapab fer. Me lekel ki priyorite pou fer, sa i pou ler ou'n vremen dan sa, dan sa landrwa la ou pou get

son priyorite. Alor la nenport ki de mon pou dir i pou pirman filozofi a sa moman.

E konsiltasyon, eski mwan mon krwar dan konsiltasyon a tou nivo? Mon *endorse* konsiltasyon, mon krwar si mon la ozordi se posibleman akoz konsiltasyon. Dan lesans ki annandler mon tro konsilte, mon tro konsilte ziska parfwa ou vwar i annan ou ankor pe konsilte, ou pa pe tro bouze. Me selman byensir i annan en nivo kot ou dir be *ok* la mon'n ase konsilte, nou bezwen bouz devan. Wi mon krwar dan konsiltasyon.

MR SPEAKER

Mersi Mr Valentin. Onorab Naddy Zialor.

HON NADDY ZIALOR

Mersi Mr Speaker. Bonzour tou dimoun. Bonzour Dr Valentin. Avan ki mon demann mon kestyon mon ti a kontan salye ou, parske i montre nou ki Gouvernman dizour i annan valer pou nou bann profesyonnel. *Having been said that*, petet mon ava demann avek ou, ou konman en endividi ki annan bokou leksperyans, ki sa valer an plis, ouswa ki sa valer azoute ki ou pou anmennen dan nou nouvo Gouvernman? Mersi.

MR SPEAKER

Mersi Onorab. Wi Mr Valentin.

MR JUSTIN VALENTIN

Mersi Onorab pou ou kestyon. Mon krwar sa ki rezonnet dan mon latet, wi i rezonnet dan mon latet, i sa lespri travay dir, travay dir pou Sesel. Mon krwar sa i en keksoz ki nou pou bezwen, nou bezwen travay en pe for pou fer sa mesaz pase;- fer mesaz pase. Travay dir pou Sesel, e travay dir pou sa landrwa kot ou'n ganny demande pou fer.

E si ou pe demann mwan ki valer azoute mon pou anmennen, mon pou servi bann leksperyans byensir ki mon'n akimile, ki mon'n akimile partou kot mon'n pase. Mon pou anmenn dan sa Minister kot mon pe ale. Mon pou *lead* bann dimoun pou konpran akoz travay dir i enportan. Akoz ki nou bezwen a tou nivo, ou pe fer sir ki ou pe rann kont ki pe arive, e ki ou pe demonstre ki ou pe bouz ver *goal* prensipal. Sa mon krwar i sa valer azoute ki mon pou anmennen. Mersi Mr Speaker.

MR SPEAKER

Mersi Mr Valentin. Onorab Gill.

HON CHURCHILL GILL

Mersi Mr Chair. Bonn apre midi *Doctor*. *Doctor* ler mon

get ou CV i aparan poudir ou en dimoun ki ou annan en karakter ki toultan viz ver rezilta. Alors mon kestyon se, dan sa *template* ki ou'n mansyonnen, mon krwar ou'n sizere ki ou osi enkli Polisi ki *result oriented*? E sa i ava dres bokou konsern, konsernan ledikasyon dan lekol Gouvernman. Mersi.

MR SPEAKER

Mersi Onorab. Wi Dr Valentin.

MR JUSTIN VALENTIN

Mersi Mr Speaker. Mersi Onorab pou ou kestyon. Lemonn konmela i koz lo *KPI*, *Key Performance Indicators*. E pou nou kapab byensir vwar byensir azout dan sa *template*, i pou bezwen annan *KPI*. Eski nou pou etabli, target *KPI* eski nou pou fer.

E sa i *lead* i *lead* nou bokou sa. Partou kot ou vwar, ou etabli *KPI*, ou annan en sans direksyon. Ou annan sans direksyon, e ou vwar ki ou pe fer. E byensir ou pou konnen. Ou pou kapab mezir ou sikse, mezir ou sikse, pa neserman mezir ou sikse osi, mezir ou febles.

Alor wi dan sa dan sa *template* byensir i pou annan evalyasyon. E la zisteman mon'n deza travay dan Minister Ledikasyon, dan en Seksyon Resers e Evalyasyon, kot nou bi sete anmas

lenformasyon, pou nou kapab fer desizyon baze lo lenformasyon ki'n anmase, *indicators KPI*. Mersi Onorab.

MR SPEAKER

Mersi Dr Valentin. Onorab Cosgrow.

HON WALLACE COSGROW

Mersi Mr Speaker. Bonzour Dr Valentin. Mon kestyon i senp, vi ki Mr Speaker in restrikte nou lo bann kestyon ki nou kapab demande an term landrwa kot nou panse, ou kapab pe al travay konman en Minis, mon kestyon i senp;- Onorab Georges in dir posibilite *reshuffle*. Eski ou krwar dapre ou kalifikasyon ou kapab vin swa Minis Ladefans, swa Minis Lapes, swa Minis pou Lagrikiltir, ouswa okenn lezot Minis, si i arive ou ganny demande dan en *reshuffle* pou ou bouz dan en lot? Se sa mon kestyon. Mersi.

MR SPEAKER

Mersi Onorab. Dr Valentin *please carry on*.

MR JUSTIN VALENTIN

Mersi Mr Speaker. Mersi Onorab. Mersi Mr Speaker, mersi Onorab pou ou kestyon. Mon menm si menm si byensir nou pa konn sa portfolyo ki nou pe nou pe ganny demande pou fer, me byensir mon an

konfidan avek lasazes nou Dirizan, ki i pou met nou toultan dan sa portfolyo ki i pli ale avek nou karakter, i pli ale avek nou konpetans. Mon annan gran respe pou sa e konfidan. Mersi Mr Speaker.

MR SPEAKER

Mersi Dr Valentin. Onorab Monthy.

HON PHILIP MONTHY

Mersi Mr Speaker. Bonn apre midi Dr Valentin. Permet mwan pou felisit ou pou ou nominasyon konman en ansyen koleg, e en zanmi personnel. Mr Speaker mon kestyon in ganny demande par Onorab Mondon e Onorab Zialor. Donk, mersi.

MR SPEAKER

Mersi bokou. Onorab Pillay.

HON SEBASTIEN PILLAY

Mersi Mr Speaker. Premyerman mon le felisit Justin, Dr Valentin, en ansyen koleg, en zanmi. Nou'n travay ansanm pandan en pe letan. Nou'n zanmi plizyer lannen. Mon konn ou fanmir personnelman.

Dan sa Lasanble Mr Speaker, i annan Dr Valentin, i annan Onorab Samynadin, i annan Onorab Monthy, Onorab John Hoareau, i annan Onorab Uranie, bann dimoun ki'n pas dan en karyer

dan ledikasyon, ki'n pas dan bann lekòl primer, segonder pou *teach*.

E kestyon ki mon ti a kontan demann Dr Valentin, pandan ou karyer ou'n pas atraver diferan keksoz. E ou pe vwar ou pe retourn, si ou mon pe prezimen ou pou pas sa portfolyo, ou pe retourn dan Minister, Minister Ledikasyon. E ou pe rezwenn en kantite sa bann karakter sa bann dimoun ki ti la.

Eski ou santi poudir, ou karakter pou permet ou pou re antre e travay a kote bann dimoun, san ki ou pou annan okenn, okenn santiman pou, si oule en santiman ki move, anver sa bann dimoun?

E dezyenmman ou ti Vis-Sanselye Liniversite Sesel, sa i bezwen en baz ki nou servi pou *gage* ki mannyer nou pou al *head*. Akoz la ou pou al ansar Ledikasyon pei.

Eski ou santi poudir ou parkour dan Liniversite Sesel, in enn ki'n pozitiv, e ki pou permet ou, si oule kapab anmenn sa kalite transformasyon ki nou pe rode, dan domenn, dan domenn Ledikasyon? Mersi Mr Speaker.

MR SPEAKER

Mersi Onorab. Wi Dr Valentin.

MR JUSTIN VALENTIN

Mersi Mr Speaker. Mersi Onorab pou ou kestyon. Ou premye kestyon, mon ti sorti byen dan Ledikasyon, mon pou retourn byen.

Dezyenm pwen, dezyenm laspe sa kestyon, annandler i nesaser, i nesaser ki ou sorti en kou dan en landrwa, ou revwar sa keksoz dan avek en lot lizye, e i permet ou apre pli tar ler ou retournen re anmenn lezot nide. E mon krwar sa ki'n arive. Mon sorti dan Ledikasyon i pa'n en sorti total. Akoz mon'n menm, mon'n partisip dan bann bokou keksoz ki Minister Ledikasyon in fer.

Me selman term dan son ladministrasyon, mon pa'n ladan pou omwen 7an. In permet mon vwar Ledikasyon avek en lot lizye. e mon pare si mon ganny sans dizon konman sa dan en portfolyo pou Ledikasyon. Mon pou pare pou retournen e byensir al ede pou re anmenn sa dinamiz ki nou krwar i devret annan.

E byensir ou dezyenm kestyon, i adres mon leksperyans ki mon'n gannyan dan Liniversite Sesel, eski sa i pou kapab ed mwan si zanmen mon ganny poste dan Ledikasyon? Pou mwan i pou en plasman perfe, akoz ler ou'n dan sa 2 brans, i vremen obor kanmarad. E i pou permet mon byensir, *transfer*

sa *knowledge*, transfer sa konesans ki mon'n akimile konman Sef Liniversite, anmenn li dan Ledikasyon. E mon krwar wi sa sanzman sa leksperyans pozitiv, parske sa 2 landrwa in en relasyon vremen etrwat. Mersi Mr Speaker.

MR SPEAKER

Mersi. Mon krwar nou devret apel ou *Sir Valentin* anliny avek koutim lekol. Onorab Clifford Andre.

HON CLIFFORD ANDRE

Mersi Mr Speaker. Bonn apre midi.

MR SPEAKER

Onorab Andre en pti moman. Yes Mr Pillay *what is it this time?*

(laughter)

HON SEBASTIEN PILLAY

Mr Speaker, mon le *remind* ou ki poudir ler mon lev mon lanmen dan Lasanble, mon pa fer li pou mon annwi ou.

MR SPEAKER

Mersi.

HON SEBASTIEN PILLAY

Si ou santi poudir i annan en Lopoziyon dan Lasanble i annwi ou ozordi, ki ou parti i an mazorite, dir Lepep

Seselwa! Akoz i pa sa ki ou ti dir Lepep Seselwa.

(Interruption)

HON SEBASTIEN PILLAY

Se sa ki ou krwar ou pe sey fer.

(APPLAUSE)

HON SEBASTIEN PILLAY

E mwan Mr Speaker mon pa pou les ou, mon pa pou les ou denigre sa Lofis ki mon reprezante dan Lasanble, akoz Lepep Seselwa in egalman met mwan la pou mwan fer en travay ki mon annan pou fer.

MR SPEAKER

Mersi Onorab...

(APPLAUSE)

HON SEBASTIEN PILLAY

Sa i enportan.

MR SPEAKER

Let's hear it.

HON SEBASTIEN PILLAY

E mon pwen ki mon ti pe *raise* ek ou Mr Speaker, se pwen ki Onorab Samynadin in sey fer taler, e ou'n *cut* li *short*. I annan bokou dimoun, bokou bann dimoun ki pe anvoy bann mesaz, e mon krwar lot kote i mazin byen sa bann mesaz sa bann *text*. Pe anvoy en kantite mesaz ki le ki Dr

Valentin i koz par egzantp sa enn, i demande, fer pase son pwen, si i ganny apwente ki mannyer pou *deal* ek problenm aprantisaz dan primer, espesyalman dan fonksyon lekol lakres, eksetera?

E Dr Valentin Mr Speaker, mon pou dir ou en keksoz ki enportan. Dr Valentin i en kandida ki'n ganny swazir par Prezidan Ramkalawan.

MR SPEAKER

Wi.

HON SEBASTIEN PILLAY

Dr Valentin i kalifye pou li reponn sa bann kestyon li. Nou pa pe ed Dr Valentin ler nou pa les li reponn sa bann kestyon. Akoz Dr Valentin i konn tre byen, i kapab reponn sa bann kestyon. Akoz nou pou ed li, nou pou ed li konvenk Lepep Seselwa akoz i en Minis ideal. E se sa rol Lasanble Nasyonal Mr Speaker. Mersi.

(APPLAUSE)

MR SPEAKER

Mersi. Les mwan silvouple adres nou telespektater deor e bann ki pe kominik avek zot bann Manm. Si Dr Valentin i ganny apwente Minis Ledikasyon, zot pou annan tou posibilite poz li kestyon lo

son programm. E mon demann zot, gard sa bann kestyon. Si Onorab Samynadin in ganny sa bann kestyon, i bann kestyon tre valab. I devret garde, e a lavenir nenport moman apropriye, Dr Valentin i kapab ganny anmennen dan sa Lasanble e ganny demande kestyon lo ki i pou fer pou tel lo tel size. Telespektater deor konpran mwan la i la, ki mannyer nou le i pase. Mersi bokou.

E mon krwar sa i al dan - i ankontre zot dan sa lentere. Mon apresye sa lentere. Mon apresye ki zot anvii konnen, ki pou pase dan Ledikasyon, me i ava annan son moman pou li. Mersi. Mon a rann laparol Onorab Andre.

HON CLIFFORD ANDRE

Mersi Mr Speaker. Mr Speaker zis pou dir ki Mosyon i dir pou bann lapwentman ganny apwente konman Minis, me i pa spesifye ki Minister. So mon krwar nou bezwen al dan sa laliny, e bon gidans ki nou'n gannyen sorti kot ou.

Mon ti a kontan dir Dr Valentin avan mon konmans kestyon, ki i annan en zenn fiy 11an ki in dir mwan pas son felisitasyon a ou, pou ou nominasyon devan nou Lasanble, pou vin Minis.

Mon premye kestyon i ki ou'n vin dan Lasanble a plizyer

repriz Dr Valentin, e ou'n reponn kestyon konsernan Bidze. Eski ou kapab dir nou baze lo ou karakter, eski ou pou lager pou ganny bann Bidze pou amelyor sa Minister kot ou pou ale, kot ou pou ganny donnen, pou ki i ava annan *improvement* kot ti ete 2020 avan eleksyon, e apre ki ou ou'n ganny apwente konman Minis? Sa i mon premye kestyon.

Mon dezyenm kestyon dokter se letan mon pe get piblikasyon ki ou'n fer i nonbre, eski konman en Minis dan nenport ki sekter, mon vwar ou bann piblikasyon i vize ver Ledikasyon, eski dan sa sekter dan sa Minister ki ou a ganny plase, eski ou pou kontinyen fer serten piblikasyon ki *apart* sa *knowledge* ki ou, ou'n gannyen leksperyans avek lezot, pou ki demen si en lot dimoun i pran sa Minister kot ou ete, i a kapab *build* lo la e pou kontinyen fer devlopman dan Sesel? Mersi.

MR SPEAKER

Mersi Onorab. Wi Dr Valentin.

MR JUSTIN VALENTIN

Mersi Mr Speaker. Mersi Onorab pou ou kestyon. E dabor mersi, dir mersi sa pti fiy 11an pou son konpliman.

Zis en pti pwen, petet en pti konfizyon, mon'n deza vin

en fwa Lasanble la pou koz lo Bidze - annefe mon pa ti pe koze mwan, Minis ti Minis Ledikasyon avek delegasyon. Mon ti parmi en delegasyon. Mon ti parmi en delegasyon. Wi mon ti vin la parmi en delegasyon, byensir. E byensir kot i konsern finans, pou kapab sirtou Ledikasyon, pou kapab si ou nou pe la ou pe dir annou spesifik pou Ledikasyon, ou en Minister kot mon pe ale. Proze byensir i depan tou keksoz annefe. I bezwen lo finans.

E mon en matematisyen mon pa pou zanmen pran pli pti git larzan nesaser, ki apre mon pou dan problem. Mon pou fer sir le kont e bon. E nou kapab travay avek dan sa konteks ki nou'n gannyen.

Trwazyenm kestyon i koz lo piblikasyon. Wi mon kontan, mon kontan fer piblikasyon, mon kontan osi ed bann dimoun ki dan mon zalantour, ki pe travay avek mwan, pou nou fer piblikasyon. E la mon reasir sa Lasanble, ki foronm i pou i pou enn, i pou en keksoz ki pou karakteriz sa landrwa kot mon pou ale. Sa Minister kot mon pou ete.

Nou pou toultan pe diskite, pe fer prezantasyon, pe koz lo sa ki pe arive, dan bann dan bann seminar, foronm. Akoz sa i ed i ed sa devlopman entelektyel, non pa

non pa zis bann travayer ki pou la, me osi pou ed devlopman entelektyel piblik an zeneral. Alor, alor reste asire ki piblikasyon, foronm, seminar, i pou en pwen for osi sa Minister kot mon pou ganny poste. Mersi Mr Speaker.

MR SPEAKER

Mersi Dr Valentin. E avek sa nou'n ariv a lafen nou seri kestyon. Mon a remersye Dr Valentin e envit li pou fer son depar. Mersi.

(MR JUSTIN VALENTIN WAS EXCUSED FROM THE HOUSE)

MR SPEAKER

Mersi. E avek depar Dr Valentin nou a repas dan Staz Lasanble. Mon anvi ganny en lopinyon lo nou program apre midi, nou annan en *ABC meeting* ki ti'n prevwar pou 1er en kar, mon pe propoze ki nou fer li 1er edmi. Eski sa i ava-? Non i 1er mon pe al propoze ki nou fer menm prosedir, ki nou'n fer avan ki nou a konmans avek deba lo Dr Valentin apre midi. Wi.

HON SEBASTIEN PILLAY

Mr Speaker nou, nou pa pe annou pa *être* pa rezonnab. Dr Valentin in fini, nou kapab *Leaders, move* fini sa Mosyon. Nou pran en vot nou fini ek en

lapwentman Dr Valentin, *and then* nou ava *break*.

MR SPEAKER

Si zot dakor mon napa lobzeksyon kont sa. Mon krwar dan en sans i akseptab pou mwan. *Ok* tre byen mersi pou ou sizesyon. Onorab Georges ou *ok* avek sa? *Ok* dan sa ka nou al lo deba.

(Off-Mic)

MR SPEAKER

E only the two leaders will speak? Ok. Tre byen. Bann *Leaders* in dakor dan zot rol *leadership*, ki le de soz, mon a pas laparol avek-

HON SEBASTIEN PILLAY

Non Mr Speaker, i pa en kestyon *curtail debate* li. Nou bezwen- Nou, nou pe rezonnab. Nou rezonnab akoz Mr Valentin Dr Valentin i prezant son lekor dan Lasanble Nasyonal. In akit son lekor avek son bann kestyon ki nou'n demann li. Dr Valentin i en dimoun ki annan konpetans dan sa domenn, i kapab travay dan sa domenn. I sorti dan en fanmir tre *humble* e i byen ki ozordi in ariv -

(Off-Mic)

MR SPEAKER

Carry on.

HON SEBASTIEN PILLAY

Mersi Mr Speaker. Mon konnen lot kote latab i *get use* et dan Gouvernman e zis bat lanmen lo latab e zis *rubber stamp*. Mon pe ed zot pou zot pa vin parey konmsi! Pou zot kapab konpran. Me i a vini ek letan Mr Speaker.

MR SPEAKER

Carry on Onorab Pillay.

HON SEBASTIEN PILLAY

I a vini. I a vini. Sa ki enportan Mr Speaker sa ki enportan, sa ki enportan-

(Interruption)

MR SPEAKER

Silvouple, trankil. Wi?

HON SEBASTIEN PILLAY

Wi Mr Speaker, sa ki enportan la devan nou, i se ki nou'n ganny en dimoun ki'n montre son kapasite devan Lasanble, e ou pa kapab *deny* kapasite en dimoun, kalifikasyon en dimoun. In reponn son bann kestyon, e prezan nou a donn li sa loportinite, pou li al travay dan sa Minister ki pe ganny propoze pou li fer. E si i fer byen, i ava en loner pou pei. Si i mal fer mon *hope*, si i mal fer mon *hope*, ki 25 lo lot kote i ava dir poudir ou'n mal fer la, la sa, *ok?*

So sa ki mwan mon pe *hope* mwan. E mwan mon pou la pou fer sir poudir keksoz i mars byen, *ok?* mersi Mr Speaker. E mon vwar Onorab Andre pe fer sir konmsi zis stanpe, mon pa krwar zot pe al zis stanpe. Non.

MR SPEAKER

Les Onorab Andre. Mon a pas laparol avek Onorab Georges.

HON BERNARD GEORGES

Mersi Mr Speaker. Mon pou egalman bref. Mon bezwen deklar en lentere. Mr Valentin i en i ti mon *Boss* ler mon ti en *lecturer* Liniversite Sesel, i ti mon *Dean* annefe. Sa fakilte ki mon ti pe ki mon ti *teach* ladan. E set en dimoun ki mon'n toultan annan en tre bon lantant avek. E mon'n admir son kapasite. Nou'n vwar ozordi ki mannyer, e mon kontan sa parol Onorab *Leader* Lopozisyon, ki'n akit son lekor tre byen. Annefe in akit son lekor tre byen bomaten. In reponn briyevman. In reponn lo pwen e in fer li dan en fason, dan en fason avek briyans.

Donk mon napa okenn gran keksoz pou azoute. Mon ti a kontan kekfwa zis sizer en pti keksoz la, aköz mon'n ekoute en pe konsern lo tou le de kote latab, ki nou anvi eksplor en pe plis kapasite sa bann Manm.

E mon pe demande, mon pa pe - mon pe fer kekfwa en sizesyon ki enn fwa ki *Cabinet* in, in formen e ki bann Minis in pran plas dan zot Minister respektif, kekfwa zot ti ava kapab vin devan nou Lasanble enn par enn, enn kekfwa tou le semenn, e reponn nou kestyon lo lafason ki zot vwar sityasyon dan zot Minister, e ki manner zot ti a kontan devlop zot Minister plis dan lefitir.

E sa donk i ava donn nou sa loportinite, al afon lo sa bann size ki bokou nou, nou anvi demande la. Me ki letan i kont nou. Mon pe fer en sizesyon ki kekfwa i ava ganny i ava ganny pran. Avek sa detrwa mo Mr Speaker, mon krwar nou'n pare pou pran en vot lo sa Mosyon. Mersi.

MR SPEAKER

Mersi bokou. Nou a pran en vot lo apwentman Dr Justin Valentin e mon a lir Mosyon: *In accordance with Articles 63(1) and 69(2) of the Constitution, this Assembly approves the proposed appointment by the President of the Republic of Mr Justin Davis Valentin to the office of Minister.* Tou bann ki 'pour' lev lanmen silvouple? Wi Madanm Clerk. E tou bann ki kont? Mersi. Madanm Clerk ou a met bann ki *abstain*. Mersi.

Alor Mosyon pou aprouv apwentman Mr Valentin konman Minis in ganny aprouve par 28 vot pour, 0 vot kont e 5 in *abstain*. Mersi bokou.

(APPLAUSE)

MR SPEAKER

Ok. Alor mon pe annou regard program ki pe vini. Nou annan *ABC meeting* ki'n ganny programmen. I ti pou ler en kar nou pa pou kapab *make* li la. Eski mon pa tro konn byen koutim Lasanble, mon ti a kontan ganny gide lo la, eski nou kapab propoz *meeting ABC 1.45* e Lasanble i konmans 2er edmi? I rezonnab sa? Rezonnab. *Ok*, la i la 1.45 *ABC*, e 2er edmi nou a rebran Lasanble. Avek sa mon krwar nou'n pare pou *adjourn*.

(BREAK)

MR DEPUTY SPEAKER

Mon a dir bonn apre midi tou Manm Onorab e tou piblik, sirtou bann Seselwa ki pe swiv deliberasyon Lasanble Nasyonal isi ou ayer.

Donk pou apre midi nou pou kontiny nou *process interview*. Bann *prospective* kandida pou pozisyon

ministeryel dan nouvo
ladministrasyon Mr
Ramkalawan.

E avan ki nou kriy
prosen kandida mon ti ava
envit *Leader of Government
Business*, Onorab Bernard
Georges pou prezant Mosyon
silvouple.

HON BERNARD GEORGES

Mersi Mr Speaker. Bonn
apre midi Mr Speaker, bonn
apre midi tou bann Manm e
tou bann dimoun ki pe swiv
nou.

Nou premye Mosyon
apre midi i lir koumsa Mr
Speaker.

*In accordance with
Articles 63(1) and 69(2) of the
Constitution, this Assembly
approves the proposed
appointment by the President
of the Republic of Mr Flavien
Philomel Joubert to the office
of Minister.* Mersi Mr.

MR DEPUTY SPEAKER

Mersi Onorab Georges. E
antretan ki nou kriy prosen
kandida, mon ti ava demann
Sergeant-at-Arms pou met nou
dan Staz Komite silvouple.
Dabor nou bezwen en
seconded of the Motion.
Onorab Arissol.

HON PHILLIP ARISSOL

Mosyon i ganny segonde Mr
Speaker.

MR DEPUTY SPEAKER

Mersi Onorab Arissol. Onorab
Georges.

HON BERNARD GEORGES

Mersi Mr Chair. Mr
Chair mon pran laparol la, zis
pou *remind* tou bann Manm,
akoz mon konnen nou tou
nou'n fer sa *mistake* dan sa
dernyen zour edmi.

Ler nou dan, sirtou bann
nouvo Manm, ler nou dan Staz
Komite, nou adres ou *as* Mr
Chair oubyen Mr Chairman. E
non pa *as* Mr Speaker. Mersi.

MR DEPUTY SPEAKER

Byenveni dan Lasanble
Nasyonal Mr Joubert. E avan
ki mon demann ou pou
komans avek en pti
prezantasyon lo ou menm, pa
plis ki detrwa minit.

Mon ti ava *remind* tou
Manm Onorab pou *etre*
konsyan kestasyon letan. Nou
fer nou kestasyon kourt.

E si nou pa bezwen
demann sa kestasyon, nou pou
ganny loportinite pli tar, nou
ava fer li. E kestasyon deba nou
pe al byen ziska prezan. Tou
bann prezantasyon in tre bref.

Donk *let us be mindful of
this*. Alor mon ava envit Mr
Joubert pou fer son
prezantasyon.

MR FLAVIEN JOUBERT

Mersi Mr Speaker. Bonn
apre midi e bonn apre midi

bann Manm e osi bann dimoun ki pe ekoute ozordi apre midi.

Mon non Flavien Joubert. Mon'n ne, grandi Anse Etoile. Mon annan 48an. Mon dezyenm parmi 5 zanfan e mon osi paran 2 zanfan ozordi.

E aktyelman mon rezidan Pointe Larue. Mon parkour mon'n lekol Anse Etoile ziska P9. Mon'n al NYS 89, *sorry* 87, Politeknik.

E apre 1992 mon'n al etidye Langleter pou mon ganny en *HND* dan *Environmental Analysis*. Apre mon'n osi fer en Degre dan menm Liniversite.

E mon'n retourn travay avek Minister Lanvironnman an 1996. Kot mon'n okip pozisyon *Project Officer*.

Mon'n la kot Minister Lanvironnman, mon'n fer diferan rol. E an 2001, mon'n ganny, mon ti ganny en labours Kanadyen. Mon'n al pou 2an kot en Liniversite Toranto.

E mon'n osi fer en *Master's Degree* dan *Environmental Studies*. E mon'n retournen mon'n travay kot Minister Lanvironnman ziskan 2003.

E apre sa mon'n okip bann pozisyon dan Minister menm. E an 2015 mon ti ganny apwente, *Chief*

Executive Officer pou *National Parks Authority*.

E resaman an 2018 ziskan ozordi mon'n ganny apwente *Chief Executive Officer* pou *Landscape and Waste Management Agency*.

Apard sa mon annan bann lezot kalifikasyon ek bann keksoz ki mon'n aprann an mezir ki mon'n la kot Minister. An total i fer mon 24an servis dan Gouvernman Mr Chair. Mersi.

MR DEPUTY SPEAKER

Mersi Mr Joubert pou prezantasyon. Donk aprezan mon pou ouver lasal pou kestyon. Nou ava komans dabor, mon rekonnèt Onorab Philip Monthy. Onorab Monthy, mon'n donn ou laparol.

HON PHILIP MONTHY

Mersi Mr Speaker. Bonn apre midi tou Manm Onorab. Mr Chair *sorry*.

Bonn apre midi tou Manm Onorab. Bonn apre midi Mr Joubert. Mon kestyon i koumsa. Ou'n pas plizyer lannen dan domenn lanvironnman.

E ou'n okip plizyer pos parey ou'n mansyonnen. Ki, kwa ki diferaman ki ou pou kapab aport-e koman en Minis pou Lanvironnman isi Sesel?

Konmsi ki diferans ki Mr Flavien Joubert koman en

Minis i pou kapab fer pou Sesel dan domenn lanvironnman, ki petet dan bann pozisyon presedan ou pa'n kapab fer li? Mersi.

MR DEPUTY SPEAKER

Mr Joubert.

MR FLAVIEN JOUBERT

Ok, mersi Mr Speaker. Dan mon parkour Mr Speaker, dan landrwa kot mon'n travay. E letan mon'n dan sa 2 lazans an deor Minister.

Mon'n kapab demontre ki mon kapab fer bokou plis ki mon ti pe fer dan Minister li menm.

Letan mon'n kot *National Park*, mon'n fer en bon pe keksoz pou transform lazans. E mon'n menm tir li kot i ti ete, kot *STC* dan en *warehouse*, nou'n met li Le Chantier Mall, (pa Le Chantier Mall), Orion Mall.

E i annan plizyer keksoz ki nou'n fer. Menm bann transformasyon ki zot war ozordi pe aparet.

Par egzanp bann *bord* demarkasyon, bann proze *trail* eksetera, i bann keksoz ki dan mon letan nou ti komanse. Pareyman kot *Landscape and Waste Management Agency*.

Enn bann keksoz ki mwan mon'n fer letan mon'n vini, enn nou bann bi ase enportan. Se pou sanz en pe zimaz sa lazans.

Akoz letan mon ti pe al laba, mon ti ganny kantite komanter ki sa lazans i tel fason, tel fason, i ti plito negativ.

E alor mwan pou mon, mon krwar ki mon en dimoun ki aktyelman fer keksoz ganny fer. sa ki bezwen ganny fer fodre fer li ganny fer olye ki zis asize koz lo la. Mon pa fer bokou keksoz pou piblisite.

Petet mon'n aparet dan medya, dan diferan laform pou ganny diferan, pou donn lenformasyon lo diferan size.

Me mon pa fer keksoz lo, pou piblisite. Mon plito raport avek piblik, letan nou'n arive fer serten keksoz. E mwan pou mwan, sa ki mon kapab fer diferan ozordi.

Se ed sa Minister pou li sanz en pe son fason fonksyonnen, lo lafason ki i delivre. Akoz mwan ki mon konstate se ki Minister Lanvironnman i annan en kantite potansyel, e i annan en kantite lyen avek en kantite lorganizasyon an deor.

I annan en kantite bann proze, bann diferan travay ki bezwen ganny fer. Me selman konpare avek kantite resours ki pe vin dan son direksyon e kantite aktyelman rezilta ki pe prodwir, i annan en gran diferans.

I annan en gran debalans. Alor nou bezwen asire ki nou pe met resours

dan sa sekter, en bon pe in pas atraver sa Minister. Be nou pe war bokou *output* ki pe sorti an term bann diferans lo teren, bann diferans vre. Ki nou pe war ater, nou kapab mezire e nou kapab konpran egzakteman ki pe arive.

Olye ki nou fer bokou, me nou pa war bokou rezilta. Alors se sa mon lapros mwan. Se konpran ki direksyon pou nou ale, e aktyelman fer li ganny fer dan en letan ki rezonnab. Mersi.

MR DEPUTY SPEAKER

Mersi pou ou larepons. E petet mon ti ava zis demann Mr Joubert, tan ki ou kapab fer ou larepons en pe pli kourt. Be solman pwentiy-e parey nou dir, i ti ava, nou ti ava apresye pou kestyon letan.

E pou bann Manm zis an pasan mon ava zis *remind* zot, get *Standing Orders*, nouvo *Standing Orders* ki nou ti gannyen dan Gazet Ofisyel, limero 75, lo *order 36 this content of questions* i ava kapab diriz nou en pti pe lo fason ki nou pou demann kestyon, ki alor nou pa pou ganny difikilte avek mwan dan Chair. Mersi pou sa. Mon ava aprezan pas laparol avek Onorab Egbert Aglae.

HON EGBERT AGLAE

Mersi Mr Chair. Bonn apre midi Mr Joubert. Mr

Joubert nou'n ganny sans dan mon parkour travay antretyen avek ou dan mon distrik.

Mon premye kestyon pou *comme* swivan; Angiz ki in annan bann defi ki'n bezwen fer fas avek swivan ou pozisyon ki ou ti pe *hold* avan ou'n ganny nominen koman Minis. E vi ki la ou Minis, ou pou vin en Minis, nou pou aprouv ou koman en Minis. Eski ou pare koman sa zonm pou fer fas ek sa bann defi e an menm tan pou fer ki sa bann defi lepase dan serten desizyon pa ganny repete? Sa i enn. Dezyenmman ou pou annan en portfolyo.

Si zot pe donn ou kot, dan Lanvironnman. Ou pa pou travay ou tousel koman en lazans. Byensir dan planifikasyon devlopman pei ki enportan.

Eski ou pou pare pou met ou lipye ater. Sirtou kot i konsern planifikasyon. Kot in annan bokou konsern avek bann lenplimantasyon serten bann gro, gro proze kapital. Eski ou koman sa zonm, ou pou pare pou met lipye ater, pou dir non. Kan i nesese pou dir non, ki pa dan reviz lanvironnman e pei. E pou dir wi osi kot ou war i annan benefis potansyel pou pei? Mersi.

MR FLAVIEN JOUBERT

Ok, mersi Onorab Aglae pou ou kestyon. Kot i konsern eski mon pou kapab fer fas avek sa bann *challenge* lepase. Wi in annan bann *challenge* ki mon osi mon'n la mon'n temwannyen letan mon'n la kot Minister Lanvironnman. Diferan personnalite ki'n la in fer zot desizyon. E mon pa pou reouver en diskisyon lo la, i pa mon bi pou mwan fer sa. Me selman mwan ki mon krwar mon kapab anmennen dan tousala, se ki dan tou ka, preski dan tou ka dan mon lavi e dan mon letan travay ki mon'n fer fas avek diferan *challenge*. Mon'n kapab aktyelman fer fas avek sa bann *challenge* e non pa get en kote. Dan plizyer ka i annan bann gro ka ki'n pase dan lepase.

Mon pa'n taye, mon pa'n fer krwar mon pa konnen. Mon'n donn tou sa ki mon kapab fer pou kapab rezourd sa bann problem. I annan bann gro ka ki'n pase. I annan delo La Misère. I annan plizyer bann *case* ki vreman nou'n fer fas avek.

E mwan mon krwar senserman, ki letan en *case* i vin devan ou, letan ou fer fas avek sa bann problem, ou bezwen get li drwat dan son lizye parey zot dir. E fer tou posib pou ou kapab dil avek e non pa zwe avek. Par egzanp pas *file*, ouswa fer krwar nou

pe al fer, me selman nou pa zanmen fer. E i dormi la, petet en lot dimoun i a vini i a pran. Mon pa tro krwar ladan. Get - petet ou a get mon rikord resan ou ava vwar.

Lo sa kote, lo kote planifikasyon e devlopman, i annan bann proze kapital, parey ou pe dir, ki pe vini. Eski mon pou pare pou pran bann desizyon ki desiziv. Mon krwar wi.

Akoz bann desizyon letan i ganny pran, i baze lo, en bon pe fwa lo sa ki meyer pou pei, dapre bann evalyasyon ki ganny fer.

E osi en bon pe ka. Parey, mon a donn ou en legzanp dan ka Port Glaud, ti annan proze *Emirates*. E dapre lavolonte popilasyon. E mon pa pou per pou mon pran en desizyon si par deryer mwan mon konnen mon pe fer lavolonte lapopilasyon e pei.

Alor mon napa okenn problem pou mwan pran sa bann desizyon. E mon krwar i pou bann keksoz ki mon pou kapab fer fasilman. Mersi.

MR DEPUTY SPEAKER

Mon ava pas laparol avek Onorab Audrey Vidot.

HON AUDREY VIDOT

Mersi Mr Chair. Bonn apre midi ankor enn fwa tou dimoun. Mr Joubert dan ou parkour profesyon,

espesyalman ler ou'n Sef Egzekitiv kot LWMA. Ou'n rankontre serten defi, ki ziska prezan pa neseserman sa bann keksoz in ganny adrese.

E ozordi ou pe ganny nominen pou pran en responsabilite pli *demanding* avek bokou plis responsabilite pe enport ou pa ankor konnen ki portfolyo ou pou al ansarz, eski ou kapab asir pep Seselwa ki ou pou kapab delivre. Petet pli byen ki kot ou ti ete avan. E *meet* a lekspektasyon Prezidan Ramkalawan.

Prenon kont ki in fer resorti ki baze lo pozisyon kot ou, ou ti pe okipe avan, in fer sorti serten pwen byen for. E si ou, ou ganny atase avek, petet sa portfolyo kot ou ti ete, ou pou kapab *meet* sa ekspektasyon? Mersi.

MR FLAVIEN JOUBERT

Mersi Onorab pou ou kestyon. Wi in annan defi kot lazans depi ler mon laba. Me selman i annan serten keksoz ki mon kapab garanti ou ki mon'n arive fer en progre lo la. I annan serten keksoz ki nou pa ankor fini fer. Me selman nou pa'n met li a kote. E i annan serten keksoz petet nou pa ankor *update* Lasanble.

Akoz i annan serten, i ti pou annan en posibilite pou nou *update* Lasanble la an Novanm, si tou bann keksoz ti

mars byen lo kote Bidze. E nou ti pou donn zot en nouvo lenformasyon lo kot nou'n arive avek bann keksoz ki ti ganny leve. Par egzanp dan diskisyon lannen pase.

Be i annan en bon pe, nou'n fer en bon pe progre lo la. Par egzanp kontrakter, en kantite bann keksoz parey. E alor mwan mon konfidan ki mon pou kapab fer fas avek sa bann kalite defi letan i vin devan mwan.

E si sa portfolyo ki mon ganny donner koman mon responsabilite, i parey sa lazans ki mon'n dil avek, ouswa bann landrwa kot mon'n travay lo kote Minister, mon napa okenn lafreyer. I pa en kestyon enkonfortab. Me plito mon konfidan ki mon kapab adres sa bann pwen, lo en nivo ki pou satisfezan pou la mazorite dimoun, ouswa tou dimoun dan pei. Mersi.

MR DEPUTY SPEAKER

Mersi Mr Joubert. Zis mon ava kosyonn bann Manm, mon vwar poudir i annan bann kandida kot letan zot in vini, nou konnen ki domenn zot ti ladan. Ki swa dan zot domenn ledikasyon, swa travay. Prezan nou bann kestyon i *focus* lo sa *area*.

E parey nou pe zis rapel zot, poudir nou pe apwent en dimoun ki pou vin Minis, son portfolyo pa ankor

determinen. Si vreman nou anvi kestyonn son kapabilite pou li deservi dan sa pos ministeryel, annou pa, koman en Lasanble limit nou bann kestyon dan sa *field*.

Me *challenge* lo bann lezot *area* petet. Pou nou kapab vreman teste si i *fit for ministerial position*. Donk mon pou donn laparol aprezan Onorab Conrad Gabriel.

HON CONRAD GABRIEL

Mersi Mr Chair. Bonn apre midi Mr Joubert. Koman Manm elekte pou distrik Pointe Larue, mon oule premyerman felisit ou pou ou nominasyon koman Minis.

Ou enn bann prodwir *US*, alors koman en zenn profesyonnel, zis asir nou ki ou langazman pou pep Seselwa dan sa nouvo Gouvernman. Akoz nou rekonnet ki i pa pou en louvraz fasil. Parey ou'n dir i annan keksoz ki ou'n komanse. Pe enport portfolyo ou tonm ladan. Nou ti a kontan plis briyevman zis dir nou ou *real* langazman pou sa pep. Mersi.

MR FLAVIEN JOUBERT

Ok, mersi Onorab Gabriel. Mon langazman ki'n swiv mon toultan, se ki mon krwar ki mon devret pe travay dir toultan.

Mon travay kot en *public servant*, e mon pe ganny

peye par, sorti dan kof Leta. E mon toultan krwar dan travay dir e donn le meyer ki mon kapab.

Mon'n osi krwar toultan, dan travay, dan en fason zis. E osi toultan travay avek en determinasyon pou ki mon kapab vreman montre. Konmsi nenport ki moman en dimoun demen bomaten i pe demann mon ki ou ti pe fer yer, ki ou ti pe fer semenn pase.

Mon bezwen kapab, toultan kapab satisfere mon lekor. Ki a okenn moman mon'n fer le meyer ki mon ti kapab. E si mon ganny demande kestyon, mon konnen poudir mon'n donn sa ki mon kapab. Me sa i en keksoz ki toultan in avek mwan partou.

E mwan mon krwar dan sa bann keksoz parey. E dan lazistis e travay dir. E tret tou dimoun, i byen ou'n rapel mwan lo kote kot mon ti pe travay avan, ladministrasyon diferan. La en nouvo ladministrasyon. Me selman mwan dan mon parkour, mon pa konnen, petet i annan en dimoun an deor i ava dir mon'n fer en keksoz mal.

Be selman mon pa'n, mon pa krwar ki mon'n fer en keksoz ki pou ganny konsidere koman, swa mon'n *bias*, swa mon'n penaliz dimoun e mon'n soz.

Mon'n sey tret tou dimoun dan en fason zis. E mon'n sey fer tou le meyer pou dimoun ki'n vin devan mwan. Byensir avek leksperyans ou kapab fer pli byen pou diferan dimoun.

Letan mon ti ankor pli zenn, mon pa ti kapab fer parey. Me selman mwan, mon ankor krwar dan sa bann prensip. E mon krwar, se sa mon langazman avek pei, avek Lepep Seselwa, se ki mwan mon pare pou travay, pou donn tou mon posibilite. E osi travay dan en fason drwat. E donn tou dimoun en latansyon egal.

MR DEPUTY SPEAKER

Mersi Mr Joubert. Mon'n aprann en keksoz nouvo ozordi. I annan en parti politik ki prodwir, ki prodwir, i annan en faktori mon krwar. Mon pou pas laparol avek Onorab Clifford Andre.

HON CLIFFORD ANDRE

Mersi Mr Chair. Bonn apre midi tou Manm Onorab. Bonn apre midi tou dimoun.

MR DEPUTY SPEAKER

Continue Onorab Clifford Andre.

HON CLIFFORD ANDRE

Bonn apre midi tou dimoun a lekout.

(Off-Mic)

MR DEPUTY SPEAKER

Onorab Pillay.

(Interruption)

HON CLIFFORD ANDRE

Msye, msye ...

MR DEPUTY SPEAKER

Onorab Pillay mon demann ou *to refrain*, mon pe demann ou *to refrain from using, from abusing your position as Leader of Opposition*, pou zis koze nenport ler ki ou krwar ki ou kapab koze.

So far nou deba pe al byen. Mr Joubert pe reponn tre byen. *Areas of question* tre byen. Mon pe pas laparol avek Onorab Clifford Andre. *Proceed.*

HON CLIFFORD ANDRE

Mersi Mr Chair. Bonn apre midi Mr Joubert. Anvi ki bann Minister i *allocate* bann proze avek bann kontrakter apre ki in annan en nesesite pou annan proze.

E vi ki ou pa konnen ki Minister ki ou pou ale pou le moman. Ou kapab dir nou ki ou pou fer, oubyen ki bann mekanizm ou pou met an plas, pou travay lo bann proze ki dan *Drawing Board* pou bokou lannen?

I annan ki plis ki 10an, me i annan ki bokou lannen. Mon pa pou dir en Minister. Akoz dan tou Minister i annan sa problem. So ki ou pou fer pou fer sir ki sa bann proze alafen i ganny materyalize. I annan ki annan 4an, kot nou'n konstaman pe dir dan Bidze dan Leta la Nasyon pou sa bann proze ganny fer.

Dezyenm kestyon Mr Joubert. I annan bann larivyè, bann laplenn foutbol, bann lezot landrwa tel ki *playground*. Ki nou remarke si pa *MNA* ki kriye en kou apre ki dimoun in sey bonbard nou. Apre ki dimoun in sey bonbard nou, nou al kot bann Minister pou dir, be fer netwayaz sa bann landrwa, oubyen aranze, tel ki lalimyèr osi.

Ki ou dan ou kad koman Minis, pou ou *instill* dan ou bann dimoun dan ou Minister, pou zot pa bezwen esper demann pou fer sa bann keksoz, me pou zot desarz zot responsabilite, parey zot sipoze desarze?

Mon dernyen kestyon Mr Chair. Se nou annan bann kontra pou diferan kalite proze, netway semen, netway bin, netway lans, ki aparaman in ganny donner dan en fason ki pa ekitab si ou oule, ou koman en nouvo Minis ki ou pe met ou, ou'n ganny nominen par Prezidan Ramkalawan.

E ki ou karakter koman en Minis, *personal character* ki nou pe teste la? Ou pou fer ki i ava annan en distribisyon ekitab ki tou Seselwa, parey nou moto in dir, Sesel pour tou son zanfan, ki tou son zanfan i ava kapab manz parey, oubyen manz sa ki zot sipoze manze. Mersi.

MR FLAVIEN JOUBERT

Ok, mersi Onorab Andre pou ou kestyon. Kot i konsern bann proze parey ou dir, bann ki'n ganny planifye, me selman zanfan in materyalize. Mon krwar lenportans pou mwan se pou *set* bann *goal* ki realistik. E ki ou konnen poudir dan sa peryod ki ou annan pou delivre li e dapre sa bann resours ki ou annan pou fer, ou aktyelman kapab delivre li.

Akoz mwan ki mon'n war, se ki nou annan bokou plis plan ki kapasite pou delivre lo sa bann plan. E en bon pe i montre ou poudir i pa realistik. Alor pou mwan se swazir ansanm avek tou bann parti konsernen. En seri proze ki pou anmenn pli gran diferans dan sa peryod. E atas li avek en Bidze e fer ki i ganny fer dapre en *time table* ki rezonnab.

Kot i konsern sa bout kot bann landrwa pa ganny netwaye, i annan serten landrwa ki an deor kontra ki

pa ganny touse. Par egzanp *playing field, river* eksetera. Mwan mon krwar pou mon lapros, e kot *LWMA* osi, mon fer sa avek bann lenspekter. Se al dan distrik.

Ou bezwen al dan ou distrik, zwenn avek ou *DA* regilyerman. E pas avek li lo bann keksoz ki i annan pou fer dan sa distrik. I ava dir ou bann keksoz ki i annan pou fer dan distrik. I ava dir ou, mon annan 2 bin pe donn problemm. Mon annan tel landrwa ki annan tel *issue*.

E prezan nou kapab retournen, e nou a gete ki mannyer lo kote Bidze byensir, si pou kapab ganny fer par bann kontrakter ki egziste, ouswa ou bezwen rod en nouvo dimoun eksetera, eksetera.

Me selman pou mwan lenportans se al ver sa bann dimoun ki pe ganny afekte, e ki kapab donn nou sa bann lenformasyon. Akoz nou pa kapab toultan reste santral. E lenformasyon pa pou vini kot ou. Lenportans se ou al kot sa bann dimoun ki konnen.

Akoz sa bann *DAs* ek bann dimoun dan distrik zot pe mars partou zot, zot konn tou sa bann zafer. E piblik tou lazournen pe vin kot zot avek bann problemm.

Trwazyenm pwen se pou asire ki kontra i ganny fer dan en fason ekitab. Wi i annan

konplent ki parfwa bann kontra i ganny donnen dan en fason ki pa tro ekitab.

Mwan dapre sa ki mon okouran, bann prosedir ki ganny fer, i ganny fer par en Komite Evalyasyon. E tou bann lenformasyon i sipoze sorti lo en baz piblik. Savedir tou dimoun i kapab *access* bann lenformasyon e war bann desizyon ki mannyer in ganny fer.

Me selman si i annan bann bezwen pou asize, revwar en pe lafason ki prosedir evalyasyon i ganny fer. Ouswa revi kriter. Akoz i annan serten dimoun par egzanp pe konplent lo kote kriter la aktyelman. Par egzanp dan en *household* nou kapab annan 2 dimoun oubyen 3 dimoun ki ganny kontra.

Me sa bann dimoun zot pa *ineligible* zot. Zot senpleman, akoz sistenm mannyer i ete la aktyelman, ek bann kriter mannyer aktyelman i pa anpes zot annan. So i annan bann kriter ki ou bezwen regete. Byensir ou bezwen fer sir ki ou pe respekte tou drwa tou dimoun.

Me selman si i nesese ou pou bezwen reviz kriter e *hand down* parey nou'n ganny donnen dan lepase sorti *Cabinet*. *Hand down* en nouvo direksyon lo kote bann kriter

ek lo kote bann konsiderasyon ki ou bezwen pran letan ou pe donn kontra.

Bokou dimoun i konplent ki par egzanp leksperyans pa ganny pran kont, zis pri avek sa ki ou pe ofer, leksperyans pa ganny pran an kont. Be petet si desizyon ki pou vin devan la, se ki leksperyans osi i bezwen antre koman en kriter.

Then nou bezwen egzekit li. E mwan parey mon'n dir, mwan mon la pou mon donn le meyer ki mon kapab. E swiv bann direksyon ki sipoze aplike la sa moman la. E si bann kriter i sanze, *then* mon pou bezwen osi aplik li. Mersi.

MR DEPUTY SPEAKER

Nou pe fer tre byen an term *time management* la pou demann kestyon. Zis pou mon fer sir mon pa'n mank personn avan mon *proceed* en. I reste mwan, 4 Manm pou demann kestyon lo mon lalis. I annan 3 lo kote *US* avek 1 *LDS*. I korek sa?

Napa dimoun ki mon'n manke savedir? *Ok, very good. So* nou kontinyen. Mon ava pas laparol avek Onorab Chantal Ghislain.

HON CHANTAL GHISLAIN

Bonn apre midi Mr Speaker, Mr Chair. *And* bonn apre midi tou dimoun. Bonn apre midi Mr Joubert.

Mr Joubert letan mon pe regard ou kalifikasyon. Anfet mon ti konn en pti pe parske nou'n fer en kantite program lo lanvironnman, sa lepok ki mon ti pe travay *SBC*.

And ziska ozordi i ankor pe pase, menm 20an, 10an apre ki mon'n kite i ankor pe pase lo *SBC* preski toulezour. Mon konnen ou forte i dan lanvironnman.

E ou kapab site pou fer keksoz. Mon kestyon i koumsa. Mr Joubert letan ou pou sermante pou vin Minis, definitivman ou pou vin en politisyen. Mon ti anvi konnen, ou'n lwayote dezormen avek ki i pou ete, si ou pou avek Prezidan e ou *Leader* ki'n swazir ou pou vin Minis.

Ouswa i pou avek lentere Nasyonal? Mon dezyenm kestyon i an se ki konsern, ou ti *CEO Waste, Landscape and Waste Management*. Mon anvi konn en kestyon osi lo la. E ki kantite *involve* ou ti *involve* avek bann, donn bann nouvo kontra, bann pti, bann kontrakter ki pe netway semen. Ou konnen bann pti, pti kontrakter ti pe sa.

Akoz in annan en kantite konplent lo la. I annan i santi poudir in ganny defavorize aköz i siport en serten parti politik, menm si in la pou serten letan, in *build* son biznes, in aste en kantite

lekipman. *And* i vwar li in ganny defavorize, i pa'n ganny sa bann kontra. Tandis ki bann lezot dimoun ki pa neserman siport en parti, zot siport en lot parti. Se zot ki'n vin devan pou gannyen. Menm si zot fek komanse, zot fek aste zot bann lekipman.

Mon ti anvi konnen ki kantite *involve* ou'n *involve* dan sa bann zafer kontra? Mersi Mr Speaker, Mr Chair.

MR FLAVIEN JOUBERT

Mersi Onorab Ghislain pou sa 2 kestyon. Politik, definitivman letan ou pran en pozisyon *senior*, pa zis la aktyelman sa nominasyon pou vin Minis, me osi dan administrasyon Mr Faure, mon ti'n, mon'n okip 2 pozisyon *CEO*.

E mon'n bezwen aplik bann politik ek bann Polisi sorti kot sa *Cabinet* ki ti la. E la prezan mon'n ganny apwente, mon'n ganny nominen, mon'n ganny nominen pou en lot pozisyon dan servis piblik ankor. E mon pou bezwen aplik sa ki sa *Cabinet* ek sa *manifesto* i dir mwan, mon bezwen aplike.

Me selman, mwan parey mon'n dir, mwan mon krwar dan tret tou dimoun dan en fason zis. Mon en *public servant* mwan.

Mon travay ek piblik mwan, mon pe ganny peye par

piblik. Alor sa bann Polisi i dan lentere pei. E i ganny mete la pou benefis pei e tou sa bann dimoun ki viv dan sa pei.

E mwan mon louvraz se aplik zot le meyer fason ki mon kapab, pou ki tou dimoun i benefisyen anba sa bann politik.

E i difisil pou evite sa bout politik letan ou vin adilt, e ou swiv en karyer, ou bezwen pran en pozisyon *senior* en zour. E pou mwan, mon'n ganny nominen e mon pa'n refize sa nominasyon. Akoz pou mwan i en lot fason, kot mon kapab eksprim mon lekor dapre bann konesans ki mon annan, ek bann *training* ki mon'n fer dan lefase.

Mon kapab reponn dezyenm? *Ok*. Dezyenm kestyon kot i konsern kontra, eski mon'n *involve* dan donn kontra? Non Onorab. Kontra i ganny deside lo baz en Komite Evalyasyon ki endepandan avek lazans. E sa zafer ou ti en parti, ou pa ti en parti, i difisil pou mwan dir si i annan laverite ladan oubyen non.

Me selman ti a byen si bann dimoun ki pe konplent, lo sa kote zot, pran sa bann dokiman ki relye avek bann evalyasyon ki ganny fer. Akoz bann dokiman i piblik sa, pran sa bann dokiman, e verifye, e gete ladan si ou asir

konmkwa serten dimoun in ganny selekte dapre zot afilyasyon. Mersi.

MR DEPUTY SPEAKER

Ou annan en siplemanter Onorab Ghislain, mon ava les pase sa voyaz. Me mon demann bann Manm pou nou konsyan limitasyon letan ki nou ti annan, nou sey evit siplemanter. Be selman *proceed* Onorab.

HON CHANTAL GHISLAIN

Mon sa pti bout leklersisman, kot ou'n dir mon poudir ou lwayote i pou anver sa Polisi e sa Gouvernman ki'n la, menm dan lepase in koumsa. Eski *by* sa ou pe dir nou poudir, lefet ki ou, ou en teknisyen, *and* ou konnen poudir bann keksoz ki ganny fer pou lanvironnman i pou lentere Nasyonal. Eski ou pe dir nou ozordi Mr Flavien Joubert se ki tou bann Polisi ki'n mete depi avan, in dan lentere Nasyonal e sanmenm sa ki ou'n siporte? Mersi.

MR FLAVIEN JOUBERT

Onorab mon'n travay dan sekter, mersi pou kestyon siplemanter. Mon'n travay dan Sekter Lanvironnman pou 24an. Mon'n kontribye dan sa bann travay ki'n ganny fer. E mon krwar dan sa bann travay ki'n ganny fer. Akoz i bann keksoz ki ganny fer pou pei. E

pou mwan, nou bezwen kontinyen travay lo sa bann size.

E pou mwan i zis en lot letap dan en long laliny devlopman, ouswa ladministrasyon Lanvironnman ki nou ti a voudre annan Sesel. I bann letap ki pou arive dan lefitir, pou annan lot dimoun ki vin apre mwan, i pou osi kontinyen sa letap.

E mwan mon krwar i en kestyon kontinyasyon. E osi pran serten keksoz petet ki pa ti pe ganny fer. Repran li, remet li avek nouvo lenerzi, nouvo dimoun, nouvo laranzman. E al dan bann direksyon pou ki demen letan mwan mon nepli dan sa pozisyon ouswa mon nepli travay, en lot dimoun i pran e i kontinyen. So i zis en kontinyasyon pou mwan. Mersi.

MR DEPUTY SPEAKER

Lot kestyon pou Onorab Churchill Gill.

HON CHURCHILL GILL

Mersi Mr Chair. Bonn apre midi Mr Joubert. Mr Joubert an regardan ou CV, i difisil pou en dimoun pa demann ou kestyon lo lanvironnman. Menm si nou pa konn ou portfolyo ki ou pou al pran. Mon'n vwar ki ou

involve osi dan *pollution control*.

E an menm tan ou ti osi ansarz bann *marine park*. E mon asire, en konsern ki nou pe fer fas avek in vin dan ou latansyon, sa se bann *bareboat* e apre bann lakonpannyen ki fer *yachting*. E menm si nou pa konnen si ou pou al dan Minister Lanvironnman, me selman i kler ki ou pou lo *Cabinet*. E mon mazine ki bann konsern ki annan dan sa *area*, i en keksoz ki ou pou kapab anmenn devan pou ed nou.

Akoz parey ou konnen, nou *champion* lanvironnman, e i enportan nou kontinyen mentenir nivo *cleanliness* dan nou lanvironnman. So, alors mon kestyon, eski ou pou pare pou *share* ou leksperyans dan ou *Cabinet*. Menm si zot pa met ou lo kote lanvironnman? Sa i enn.

Apre dezyenm. Ozordi ou reprezante lo serten *Board*. Par egzanp *SIF*, *Botanical Garden Foundation*. Eski ler ou ganny apwente Minis ou pou demann ou siperyer, ki otomatikman pou ou sorti, *relinquish* sa bann pozisyon lo sa bann *Board*? Mersi.

MR FLAVIEN JOUBERT

Ok, mersi Onorab Gill pou ou 2 kestyon. Kot i konsern *Boards*, mon a reponn sa enn premye avan.

Mon pa lo okenn *Board* aktyelman. Mon zis lo *Board LWMA as CEO*, larestan i bann keksoz ki mon ti'n deza fer avan. Me selman mon nepli form parti okenn sa bann *Board*.

Akoz parey mon'n dir, mon krwar dan koz laverite mwan. Mon pa kapab *CEO*, me osi mon pe pran larzan lo diferan *Board*. Mon pa war li normal. So sa i en keksoz ki mon'n deside mwan osi, ki mon pa devret asosye mon lekor dan sa bann kalite *practice*.

Lot keksoz se bann size polisyon, *bareboat charter* eksetera. Mwan en keksoz ki mon'n oule reflesir lo la lo kote Sekter Lanvironnman e ki mon'n deza komans travay lo la. Me selman apre i pa'n ganny met an plas. Se ki Sesel nou bezwen annan nou en seri *environment quality objectives*. En seri target pou kalite lanvironnman. E nou pa'n zanmen met sa an plas.

Me i en keksoz ki devret antre pou ki nou kapab mezir nou performans dapre en standar. Si nou dir kalite ler i devret dan tel fason, *then* nou bezwen annan en keksoz ki dir ki sa, ki kalite ler ki nou anvi dan sa pei. Pran en legzanp, en senp legzanp par egzanp loder.

Letan mon'n vin kot *LWMA*, Providence *landfill*

nou'n arive *achieve* nou target pou loder. Me ou annan lezot landrwa an mezir ki ou desann dan direksyon lavil, kot ou pou santi loder ki ankor la. Alor pou mwan, pou *set* bann target, ou mezir ou lekor kont sa bann target. E ou servi sa pou *improve* ou lekor toultan. Ou resikle e ou teste ou resikle.

E la i anmenn lenportans par egzanp kot, ou bezwen annan en program *monitoring*. Ou bezwen annan tou sa bann keksoz ki vin avek. E mwan mon met lanfaz lo sa bann keksoz parey. E mwan mon krwar, mon dan en pozisyon pou mon kapab kontribye pozitivman, pou anmenn sa bann konsern devan e fer ki i ganny entegre dan bann gran plan. Pou ki Sesel an antye nou war sa progresyon.

Akoz nou'n ariv en staz kot nou bezwen bouz lo sa lot nivo, lo kote kalite lanvironnman, e lo kote konesans e raport osi lo sa ki nou pe eksperyanse. Olye ki nou zis dir poudir lanvironnman i bon. Mon'n war bann lartik dan zournal, ki dir kalite lanvironnman Sesel i bon. Nou bezwen kapab vin avek limero ek *figures* ki dir i sa nivo. Ouswa in ariv la, me i pe ariv la pli tar. So se sa ki enportan. Mersi.

MR DEPUTY SPEAKER

Mon ava pas laparol aprezan avek Onorab Norbert Loizeau.

HON NORBERT LOIZEAU

Mersi Mr Chair. Felisitasyon ozordi mon war ou dan sa *Chair*. E mon napa dout ki ou pa pou fer en travay ekselan.

MR DEPUTY SPEAKER

Mersi.

HON NORBERT LOIZEAU

Zis ou demaraz in demontre. Mr Chair mon anvi avan mon demann mon kestasyon, mon anvi dir ek Mr Joubert. Dernyen fwa ki nou ti zwenn mon ti pe konpany Pointe Larue, ou rapel? Nou ti ganny en zoli dyalog, diferan keksoz nou ti diskite. E ler mon ti sorti, mon ti dir menn, bougla i serye. E ozordi ou la devan nou. Prezan kestasyon.

Mr Joubert, i annan bokou *ex-travayer* Lanvironnman profesyonnel kalifye ki ti pe travay kot Lanvironnman ki'n ganny met deor, ouswa ti bezwen ale pou serten rezon ki an deor zot kontrol. Me zot anvi lanvironnman o bor zot, i dan zot leker, zot anvi rann sa servis. Eski si i annan sa posibilite, ou pou aksepte zot pou donn en koudmen?

Dezyennman, ler mon'n get ou CV, mwan mon pa pou

anbet mon lekor, se ou ki pe vin Minis Lanvironnman, ler mon get sa CV. E i annan sa laspe lagrikiltir osi ki mon pa pe tann bokou nou pe koz lo la. E lagrikiltir i en pe pre o bor lanvironnman menm li osi. Si i arive ki Lagrikiltir i ganny mete anba ou portfolyo, eski ou santi ki ou pou kapab devlop sa Sekter Lagrikiltir?

Akoz nou konnen ziske dan Lagrikiltir anba Gouvernman sortan, in plonz dan en presipis ki pou en pe difisil. Eski ou sa profesyonnel dan Lanvironnman ou pou kapab redres nou lagrikiltir e met li lo son lipye? Mersi.

MR FLAVIEN JOUBERT

Ok, mersi Onorab Loizeau pou ou keston. Kot i konsern *ex-workers*, ex bann travayer Lanvironnman ki'n kite e ki ti a kontan retournen, mon krwar zot larepons i wi. Pou mwan i enportan ki nou ganny dimoun ki kapab fer sa bann loubraz. Me osi i enportan dan serten ka pou renouvle lekip. Alor ou ganny dimoun kalifye. Me osi ou entrodwir nouvo dimoun ki ede met nouvo dinamiz dan ou lekip.

Kot i konsern lagrikiltir, mon pa en gran eksper lo lagrikiltir. Me selman, sa ki mon kapab reasir ou se ki mon'n travay dan pozisyon responsab. Mon konpran. Par

egzanp *National Park* letan mon ti ale, mon pa'n tro dan konservasyon ek *National Park* mon. Mon ti plito polisyon, bann size parey ek *EIA*.

Me selman avan mon'n ale, mon'n gete ki mannyer keksoz in ganny fer, e mon'n kapab fer en bon pe sanzman laba. E mon'n fer keksoz bouze. Lagrikiltir, i parey pou mwan, en size ganny mete devan mwan, menm si i pa mon pwen for. Mon bezwen konpran egzaktaman ki pe arive. Me parey mon'n dir, mwan mon krwar dan fer sa ki nou kapab fer dan en letan rezonnab.

Alor pou mwan lagrikiltir mon krwar, aköz mon'n swiv en pe bann komanter ki'n ganny fer. Mon krwar i annan serten keksoz ki kapab ganny fer. I annan serten keksoz ki kapab ganny fer dan en letan rezonnab. E pou mwan, se atak sa bann keksoz ki kapab ganny fer dan en letan rezonnab, e komans montre rezilta. Sirtou bann rezilta ki pou tous bann dimoun, ki pli bezwen sa servis.

Par egzanp, bann pti fermye ek bann dimoun ki depan lo lagrikiltir pou zot dipen toulezour. Alor pou mwan se sa mwan. Se atak sa bann problem ki dimoun pe konplent lo la toultan. Me selman ki ou kapab vreman

donn en rezilta dan en letan kourt.

Me selman apre byensir mon pou bezwen pran plis letan pou antre dan bann pli gran plan, pli gran lapros. Be selman deswit mon krwar i annan serten keksoz ki kapab ganny fer pou fer keksoz bouze. Mersi.

MR DEPUTY SPEAKER

Nou dernyen entervenans ki lo lalis pou demann keston, se Onorab *Leader* Lopoziyon. Onorab Pillay.

HON SEBASTIEN PILLAY

Mersi Mr Chairman. Mr Chairman mon pou bezwen zis servi sa loportinite ki la, akoz.

MR DEPUTY SPEAKER

Non, mon ti ava apresye ou al lo ou keston Onorab Pillay.

HON SEBASTIEN PILLAY

Non, be mon oule *raise en point of order 8 to Standing Orders* Mr Chairman. Anba *order 8(3)*, e demann ou ki mannyer en Lasanble, ler en Manm i koze, ou koman Speaker ki sipoze pe deservi *decorum*, ou *admonish* sa Manm lo sa ki in dir. E ou pa oule mwan koman son *Leader step in* pou defann li? E ou anpes mwan, ou oule *deny* mon sa *right* pou mon defann mon Manm?

E ou menm montre mon ledwa. Ou dir mwan, mon ki pe abiz mon privez *Leader* Lopoziyon, kan ou ler mon Manm in koze, ou sipoze *impartial in the Chair*. E ou ki'n pas atraver sa ki mon Manm in pas ladan, ou devret konpran pli byen. Ou pe les sa pouvwar sa Sez ki'n donn ou pou al *admonish* sa Manm.

MR DEPUTY SPEAKER

Onorab Pillay.

HON SEBASTIEN PILLAY

Mr Chairman mwan mon krwar ou devret get byen *order 8*. *Order 8* nou *Standing Orders*. E dezyenmman, ou'n lir nou *order 36*, *order 36* i pou bann keston ki ganny met lo *Order Paper*. I pa pou sa proses ki nou pe fer la.

MR DEPUTY SPEAKER

Non.

HON SEBASTIEN PILLAY

E trwazyenmman, trwazyenmman Mr Chairman, mon pou met sa devan ou. E mwan mon konnen, mon konn ou, ou en dimoun ki'n dan medya. E fotespere mon kapab tous ou ek sa ki mon pe al dir ou. Lartik nou Konstitisyon i garanti *freedom of speech*, e sa ki ou'n fer avek Onorab Conrad Gabriel koman sa dimoun ki dan Chair, i pa zoli.

En lot Manm lo ou latab ti ava'n fer li, ti ava *ok*. E ou, ou ti ava arbitre, ou ti ava fer tou sa ki i annan pou ou fer. E mwan koman son *Leader* i mon devwar, i mon devwar pou protez mon Manm, kont bann sityasyon koumsa. Mon ti ava enplor ou Mr Chairman, mon ti ava enplor ou.

Mon'n partisipe dan sa proses, malgre ki kote *LDS* ti oule mon fer sa dan 1 zour, ki nou pa'n kapab, zis pou nou fer sir nou tret sa *process* parey i devret ganny trete.

E Lepep Seselwa i ganny en *Cabinet* ki nou tret li. So silvouple mon enplor ou, mon enplor ou Mr Chairman. Mon a *move to* mon kestyon. Me selman *let's not have a repeat of this. Bear with me.*

MR DEPUTY SPEAKER

Non, avan ou *move* ou kestyon. Avan ou *move* ou kestyon, ou'n fini? Sa ki mon anvi dir ou.

HON SEBASTIEN PILLAY

Ale.

MR DEPUTY SPEAKER

Mwan avek ou nou'n vin la apre midi nou'n komans sa *process* byen. E mon'n *remind* ou pa abiz ou drwa koze koman *Leader* Lopozisyon pou ou al en pe tro pwen. Sa bann pwen ki ou'n fer, nou tou ki la nou dan en *process* kot nou pe

apwann ansanm. E mon ava dir ou en keksoz. Sa Lasanble la anndan nou pa bezwen rizid, en pti limour par isi, en pti limour par laba ...

HON SEBASTIEN PILLAY

Non. Pa dan *Chair*, pa *from the Chair*.

MR DEPUTY SPEAKER

... Ki depi letan nou'n vini, depi lepok Onorab Pillay koman Speaker, i *ok* sa pou nou fer. Nou pa bezwen konmsi tro rizid avek tou keksoz.

HON SEBASTIEN PILLAY

Wi. Mr Chairman.

MR DEPUTY SPEAKER

E se pou sa rezon ki mon'n ekout la letan ou'n vin avek ou 3 pwen. Mon'n ekout ou, mon'n reste kalm. I pa en kestyon mon pou les ou entimid mwan. Ouswa mon krwar, selman mon ti pe zis kosyonn ou. Pa tro servi, pa tro abiz ou privez koman *Leader* Lopozisyon, pou zis koz nenport kwa, nenport moman.

So prezan *proceed* avek ou kestyon, e mon ensiste ki ou pa fer okenn lezot komanter lo sa size. Annou *move on*, nou ti pe al byen ziska prezan. Mersi, *proceed*.

HON SEBASTIEN PILLAY

Non, Mr Chairman. Si ou pou komans dan *Chair* e ensiste ki mwan koman en *Leader* Lopozisyon ...

MR DEPUTY SPEAKER

Onorab Pillay silvouple *proceed* avek ou kestyon.

HON SEBASTIEN PILLAY

Mr Chairman, si ou pou ensiste ki mwan koman en *Leader* Lopozisyon, mon zis fer sa ki ou fer, sa ki ou dir mwan fer. *Then* ou pa oule en Lopozisyon!

MR DEPUTY SPEAKER

Onorab tou keksoz pe al byen ziska prezan, a leksepsyon ou ...

HON SEBASTIEN PILLAY

A leksepsyon mwan?

MR DEPUTY SPEAKER

... ki pe *interrupt* nou *process*.

HON SEBASTIEN PILLAY

A leksepsyon ou ki'n mank respe pou enn mon Manm.

MR DEPUTY SPEAKER

Proceed avek ou kestyon, silvouple.

HON SEBASTIEN PILLAY

Ou'n mank respe pou enn mon Manm, mon bezwen dir ou.

MR DEPUTY SPEAKER

Mon ensiste, ou *proceed* avek ou kestyon *or I will call you to order!*

HON SEBASTIEN PILLAY

Ou'n mank respe pou enn mon Manm mon bezwen dir ou.

MR DEPUTY SPEAKER

Onorab Pillay silvouple. Onorab Pillay silvouple *proceed* avek ou kestyon.

HON SEBASTIEN PILLAY

Mr Chairman, mon pou *proceed* ek mon kestyon, me mon bezwen fer kler.

MR DEPUTY SPEAKER

Onorab Pillay, silvouple, silvouple, mon'n ekout ou, ou'n fer 3 pwen. E mon respe sa 3 pwen ki ou'n fer. Mon'n dir ou nou tou nou dan en *process* nou pe aprann ansanm. I byen sa bann komanter ki ou'n fer, tre byen, mersi. Prezan silvouple, silvouple *proceed* avek ou kestyon. Mersi.

HON SEBASTIEN PILLAY

Mr Chairman mon pou *proceed* ek mon kestyon, kot mon pou demann Mr Joubert en kestyon tre senp. E kestyon ki mon pou demann li se ki, admeton ki ou ganny en portfolyo parey Lanvironnman. Admeton ki ou ganny sa portfolyo.

E dan sa Minister i annan bokou lezot dimoun. I enn bann landrwa ki annan plis dimoun, ki annan bann Degre sa domenn. Ki mannyer ou avek, ou sa en dimoun ki annan sa Degre anba en Degre dan sa domenn, ou pou kapab anmenn sa bann dimoun pou travay ansanm?

Prenon kont ki dan lepase sa ki nou'n vwar oubyen sa ki nou'n tande i annan parfwa difikilte ant zot. Sirtou akoz zot bann dimoun ki tre doue dan zot domenn. E mon konnen ki ou en dimoun ki tre doue dan ou domenn. E ou pa'n zanmen en dimoun ki dan mon lopinyon in montre mon okenn parsyalite politik.

Ou'n toultan fer ou louvraz byen. So eski ou en dimoun ki pou pare pou ou kapab travay ek tou sa bann dimoun? E an dernyen mo, mon pou *remind* ou Mr Chairman. Ki mwan osi mon pa pou les mon ganny entimide par ou. E ki a tou moman ki ou servi ou sez pou ou entimid mon Manm, mon pou dir ou! Mersi Mr Chairman.

MR DEPUTY SPEAKER

Onorab, ou *out of order*. Akoz nou'n fini *move on*, e ankor mon *remind* ou. Silvouple koman *Leader* Lopozisyon, wi ou ganny en bann privez pou ou koze. Me

silvouple pa abiz sa privez an tro. Nou pe note sa Mr Joubert silvouple *proceed* ek ou larepons. Mersi.

MR FLAVIEN JOUBERT

Mersi Mr Speaker, Mr Speaker. Ki mannyer mon pou travay avek bann dimoun ki osi kalifye dan sa domenn?

Mon krwar kot Lanvironnman, lenportans se ki bann dimoun, pa zis kot Lanvironnman, me dan en lorganizasyon. I enportan ki sak dimoun i konn son rol ki i sipoze zwe. Nou bezwen kler lo nou *purpose* ki nou la. Pou ki rezon ki nou pe okip sa pozisyon dan sa Minister.

E ki nou, nou sipoze fer pou fer avanse sa louvraz. Mon krwar parfwa sa bann konfli, petet ki nou'n koz lo la dan lepase, i annan ki leve, akoz dimoun i melanz zot responsabilite avek pou lezot. E nou tou lede nou menm nivo, alor nou annan konfli.

Me pou mwan enn bann keksoz ki enportan se etabli, nou direksyon lo komansman. Akoz nou bezwen konnen ki direksyon nou pe ale, e kote nou anvi arive dan en serten peryod letan. E osi konnen ki sak dimoun i sipoze annan, ki sa dimoun i annan pou ofer dan sa lorganizasyon.

E mon pa tro krwar si pou annan mars lo lipye, si vremen sak dimoun i konpran

vreman kote i *fit* dan sa lorganizasyon. Me zis pou reasir ou osi, se ki mwan mon travay avek sa bann dimoun lo kote Minister Lanvironnman en kantite. Zot bann koleg ki mon'n la ek zot en kantite lannen. E mon napa konfli avek okenn parmi zot. Enkli Onorab, ozordi Onorab Mr Cosgrow ki ti mon Minis avan detrwa semenn pase.

Me mon napa okenn konfli ek sa bann dimoun. Mon napa okenn konfli ek okenn sa bann dimoun. E mon'n travay byen avek zot dan lepase. E mon pa tro krwar ki mon pou ganny okenn problem, pou nou kapab travay ansanm pou fer keksoz bouze.

E bokou sa bann dimoun i annan plizyer ki'n anvoy mon bann pti mesaz felisitasyon. E mon pe ekspekte ki mon pou kapab ganny en bon relasyon travay avek zot. Mersi Mr Chairman.

MR DEPUTY SPEAKER

Mersi Mr Joubert. E mon pe get *order* 8 ki Onorab Pillay in refer mon avek. So, selman les li, nou pou *move on*. Akoz nou oule fini byen parey nou ti komanse. Mr Joubert mon annan en kestyon. Akoz malgre mon dan Chair, mon reste koman *MNA* Mont Buxton e koman en Manm Lasanble mon krwar mon

annan drwa demann en kestyon.

Kestyon ki mon oule demann ou, se ki lefe ki ou'n *involve* avek *LWMA*, e *LWMA* i en antite ki manz en kantite dan Bidze li.

Par egzanp an 2019 zot ti ganny en Bidze 238milyon e an 2020 sa lannen ki nou ladan, sa Bidze in mont par 3milyon ki'n ariv apepre 242milyon. E sa bann konponan bidzeter i annan gran keksoz pou fer avek konponan anmas salte, netway larivyer, lav *bin site*, *bus stop*.

E Prezidan Larepublik dan son Diskour Linogirasyon in koz lo gard Sesel prop. En nesesite ki nou tou koman Seselwa nou bezwen fer. Me an menm tan mon konsyan dan sa gran sonm larzan i annan en kantite kontra. E letan i annan kontra, toultan i annan bann keksoz ki pa neseserman mars 100poursan drwat.

Mon anvi alor demann ou, ki ou pou servi dan ou leksperyans pou anmenn dan *Cabinet* pou sey fer en pe lekonomi finansyel, dan sa kantite larzan ki nou depanse pou gard pei prop? Vizavi sa sityasyon *COVID* ki nou ladan, kot ekonomikman nou pei pou dan gran difikilte an 2021. Alor ki kalite kontribisyon ki ou pou anmennen, pou nou

kapab fer en pe *saving* koman en pei dan zesyon salte? Mersi.

MR FLAVIEN JOUBERT

Mersi Mr Speaker pou ou kestyon. Ou kestyon se ki mon pou kapab, ki mon pou, ki mon kontribisyon kot i konsern depans, sirtou lo kote salte.

Mon krwar Mr Chair, i annan en keksoz ou bezwen note. Se ki sa kantite kontra ki'n ganny met an plas e osi nesosite ki nou annan la aktyelman pou siport bann dimoun ki pe sa, ki pe sorti dan sistenm kontra dapre ou bann rezilta *tender* pe, an mezir ki bann rezilta *tender* pe sorti.

I fer ki demann lo Bidze i bokou. Akoz i annan en kantite zot. E osi akoz i annan sa nesosite pou donn bann lezot pti morso kontra, pou siport bann dimoun ki pe sorti.

Mon krwar enn bann keksoz ki nou pou bezwen get byen, se lakantite kontra ki ganny donner. I en topik ki demann en kantite refleksyon. E en topik ki demann en kantite diskisyon lo la. Me selman nou bezwen ariv lo en pwen kot nou tonm dakor ki kantite kontra ki pou kapab ganny donner?

Ki kalite kontra ki pou ganny donner, e ki bann

lespas ki zot pou kouver. Pou ki nou pa war nou dan en sityasyon kot kontra i kontinyen milipliye e nou kontinyen annan demann toultan.

Akoz se sa ki'n arive dan lepase. Si ou a realize, dan 2018 nou'n sorti dan bann 250 kontra. E la nou pe sot 300 nou pe ale. Alor nou bezwen mazine ki kalite kontra ki nou pou donner.

Me selman lo kote anmas salte parey ou'n dir, anmas salte, lavantaz ki nou annan, e enn fwa ki kontra pou *landfill* osi i ganny etabli, si nou pou annan stabilite pou en peryod letan. Savedir ou pou konnen egzaktaman pou sa prosen 6an, kote ou pou ete avek sa bann kontrakter ki pe tir salte, kontrakter ki pou lo *landfill* eksetera.

I pou napa gran varyasyon dan sa bann kontra. Ki fer ki ou a kapab prezan *focus* lo kontrol bann lezot landrwa, kot i annan depans. E osi enn bann keksoz osi ki nou bezwen mazin byen, se ki kontra osi i sanze, akoz parfwa bann *scope* i sanze lo kote kontra.

Par egzanp ou annan de ka kot i annan plis bezwen pou tir gomom par egzanp, lo serten lans. Akoz i vin en lans ki enportan lo nivo touristik. Me aktyelman la, nou napa sa kantite touris. I annan *room*

pou nou kapab *save* lo sa konponan. Me selman nou bezwen fer sir nou kit lans *at least* dan en fason rezonnab pou ki piblik i kapab servi.

Alor mon krwar lo kote *saving*, lo kote kontrol Bidze, i annan posibilite pou stabiliz Bidze. I annan posibilite pou anmenn serten pti rediksyon dan Bidze pou anpes li kontinyen agrandi. Me selman i annan serten diskisyon, ki bezwen ganny fer pli an detay lo filozofi otour sa size donn kontra. E son lenpak ki i annan lo Bidze. Akoz nou konnen poudir pli kontra i gro, pli ou fer *saving* an term *economies of scale*, konpare avek letan ou annan en kantite pti kontra. Mersi Mr Chair.

MR DEPUTY SPEAKER

Mersi. Donk nou'n ariv *a la fin* nou seri kestyon avek Mr Joubert. Mon ava remersi li pou son letan avek nou. E nou ti ava envit li pou eskiz nou. Koumsa nou pou aprezan pas lo nou staz deba.

Mon ti ava envit *Sergeant-at-Arms* pou retourn Lasanble koman, dan Staz Lasanble *from Committee*. *Ok*, nou pou al dan Staz deba lo performans Mr Joubert. Mon panse *LGB* nou al *straight* dan deba. Me avan sa, so mon pou donn laparol Onorab Loze

premye. Akoz mon war li in lev son lanmen pou en komanter.

HON JOHAN LOZE

Mr Speaker mon ti zis anvi get avek *LGB*, si i kapab silvouple *ensure* ki tou sa bann *CVs* ki devan nou *they are updated*. Akoz msye, *the Honorable Minister* in dir nou ki i nepli lo sa bann *Board*. Be zot *feature* lo son *CV*. E mon krwar se *from* son *CV* ki Onorab Gill in poz li sa kestyon. *So if* tou bann *CVs* ki devan nou i kapab dan *latest version*. Apre si ou kapab met mon lo lalis pou dir en pti mo apre *please*.

MR DEPUTY SPEAKER

Ok. Donk, mon ti dir zot lo komansman poudir nou'n fer tre byen lo deba ziska prezan. Nou'n *very short*. So mon ti ava kontan ki nou fer parey. E mon ti ava apresye si nou ti kapab keep it *under 1 hour*.

I pa pareyman nou pou fer si nou oule fer 1 *hour* pou zot 1, 2, 2, 4, 5 dimoun ki lo lalis. Fodre zot fini dan 10 minit. Saverdir sakenn i kapab koz 2 minit, ok? Nou a komans avek Onorab Pillay.

HON SEBASTIEN PILLAY

Mersi Mr Chairman. Mr Chairman dan konteks Mr Joubert, *right?* Mon pe prezimen ki vi ki son, nou pa

pe vwar gran *issue* avek son lapwentman. I annan konbyen Manm lo mon kote, ki'n sizere pou zot koze?

MR DEPUTY SPEAKER

Ziska prezan lo kote *LDS* i annan 2 Manm *LDS* ki'n lev lanmen. Lot kote kot Lopoziyon avek ou i fer 4 Manm anfet kot zot.

HON SEBASTIEN PILLAY

Non. Sa 3 Manm ki pe koze *regarding* Mr Joubert, *and then* mwan mon ava rezerv mon drwa pou mon fer en komanter final, *ok?*

MR DEPUTY SPEAKER

So kot ou i pou annan 4?

HON SEBASTIEN PILLAY

Pou annan 4 wi.

MR DEPUTY SPEAKER

Isi i pou annan 2. Solman la ler ki nou ti komanse, *exactly* 10 minit, mon ti oule *wrap* sa dan 1erdtan. Eski nou kapab koz 2 minit sakenn? *We can do that. Ok?* Mon a komans avek Onorab Loze.

HON JOHAN LOZE

Mersi Mr Speaker. Mr Speaker kandida pou pozisyon ministeryel ki'n vin devan nou ozordi, i enn ki mon asire nou tou nou tre konfortab avek. *Not only* i en teknisyen ki,

ankor mon ava servi sa parol ki mon'n servi yer, ki Onorab Georges in kontan, *near perfect for the post.*

Be osi letan ou pe get lo son *CV* ou vwar poudir *he is an outdoor person* e i *perfectly suited* pou sa portfolyo. *Let us not kid ourselves* e fer krwar kanmarad pe aplik pti lespri. Me Lanvironnman, wi i pe al Minis Lanvironnman, i kler pou tou dimoun. *He's perfectly suited for it.*

Be sa ki nou'n dekouver dan deba, dan sesyon kestyon, se ki i osi en dimoun onnet. I en dimoun tre onnet ki eksprim son lekor avek en serten fransiz. I koz fran, i koz kler, i servi langaz senp. *And* i paret *a very likeable person*, ki'n sezi tou loportinite ki sa sistenm gouvènmantal ki'n la pandan sa bann dernyen lannen in met an plas, e a son dispozisyon. In devlop son lekor lo son kouraz, son lentelizans avek son prop savwar pou li ariv kot i ete.

Alors mon pou mwan, mon vreman kontan pou vwar en kandida parey li i travers devan nou Lasanble ozordi. *Regardless* lekel Gouvernman ki'n propoz li, e mon krwar *he deserves a shot at* ede *push the boat further along.* E ed nou pei dan son devlopman.

Si mon kapab *paraphrase* en parol ki Onorab Ramkalawan ti dir dan nou

Lasanble, se ki sa Prezidan Ramkalawan, mersi pou koriz mwan, sa *process* ki devan nou i tro enportan pou nou tay avek. Sa mon krwar zot ava rapel.

Se Prezidan Ramkalawan letan i ti *Leader* Lopoziyon ki ti dir i tro enportan pou nou *rush*. I tro enportan pou nou tay avek.

Ozordi *we seem to have lost focus completely* lo bann keksoz ki nou ti'n agree lo la, konsernan bann keksoz ki enportan pou pei.

Nou oule zis *rush*, nou oule zis tay avek. E si nou *rush*, nou tay avek, nou pa dekouver sa kote onnet, sa kote fran ki Mr Joubert i annan. Nou pa ti pou'n trouve sa dan li. Sa legren pa ti pou'n sorti. Pou nou realize, be vwala, en zonm vreman onnet, en zonm fran, i koz senp, i koz sek. Nou pa ti pou'n trouve sa. Akoz nou oule *rush*, i menm annan ki dir wi nou bezwen *rubberstamp* akoz sa en nouvo Gouvernman.

Be selman *let us pay heed* pou sa ki nou pe fer e nou fer li byen. Mersi Mr Speaker.

MR DEPUTY SPEAKER

Mersi Onorab Loze. Ou'n fer byen avek *time keeping*. Onorab Egbert Aglae *can you keep the standard* ki in fer? *Short and*, ou ti'n lev lanmen

ou, ou non? *Ok?* Onorab Woodcock.

HON WAVEL WOODCOCK

Mersi Mr Chair. Mr Chair ler mon pe get CV, a Mr Speaker ler mon pe get CV Mr Flavien Joubert. Mon vwar poudir i en dimoun ki tre konpetans. I tou kot i konsern *field* lanvironnman. Annefe son *study*, son *Bachelor* ek son *Master* si ou oule, i dan *Environmental Studies*. E en keksoz ki nou Prezidan in met lanfaz bokou lo la, se ki nou bezwen sorti lo sa depandans karbiran, *fossil fuel* pou nou bouz lo *renewable energy*, *hydro energy* e *solar energy* lo lenerzi renouvlab. En keksoz resaman ki nou fek vwar Mr Speaker, se nou *landfill* ki resaman ti pe brile.

E ler ou mazine ki fason ki nou kapab *manage* nou *landfill*, en keksoz en Minis apwente anba Gouvernman LDS i kapab *venture* ladan se *waste to energy*. I kapab redwir en pe nou bann depans ki nou pe fer lo karbiran.

Annefe Mr Speaker, mon bezwen dir poudir anba Gouvernman US, ti annan bokou bann defayans ki'n arive anba sa Minister. Zisteman mon pe mazin kot i konsern Vallée De Mai. Larzan ki Vallée De Mai pe anmase, reveni ki Vallée De Mai pe kolekte, ou vwar ki

napa okenn retonbe ki pe benefisye zabitan Praslin. E la nou'n vwar ozordi ki Fond Ferdinand osi pe ganny transfer anba *SIF*. Sa menm organizasyon ki pe *run* Vallée De Mai. E sa in ganny fer *without* ...

MR DEPUTY SPEAKER

Onorab Woodcock.

HON WAVEL WOODCOCK

Ok, ale Mr Speaker. Mon ava *wrap-up*.

MR DEPUTY SPEAKER

Wi, silvouple.

HON WAVEL WOODCOCK

... san konsiltasyon publik. Menm si nou ti annan en Minister avan, ki en Gouvernman avan, ki pa neserman fer keksoz dapre ti'n ganny agree, e dapre bann konsiltasyon ki ti'n ganny fer dan lepase.

Mwan Mr Speaker mon pe prezimen, e mon krwar poudir sa Minis ki pe vini, nouvo Minis, *subjected to* laprouvasyon Lasanble Nasyonal, i pou tir en pe bann defayans ki nou al lo zesyon salte. Nou'n war dan lepase kot i konsern kontra semen, netway semen, lans avek semen tir salte, kot in annan bokou lenterferans politik. Kot menm i annan plizyer dimoun ki'n ganny *awarded*

bann kontra, ki zot pa'n *deliver*.

E ou'n war lenterferans Minister, kot i annan bann dimoun ki'n ganny soutire menm si zot pa'n *deliver* lo zot travay. E mwan mon pe dir ki nou bezwen tir lenterferans politik. E mon krwar ki sa Minis i en Minis ki pou travay dan en fason drwat, en fason ki onnet. E pou tir tou sa bann *polemic* ki'n egziste dan zesyon salte Sesel.

Finalman Mr Speaker, en defi ki sa Minister, Minis pou bezwen pran kont, se ki defi sanzman klima. Ki ozordi akoz lerozyon plizyer bann lakot pe ganny afekte. Ki menm si sa Gouvernman avan ti'n vin avek en *master plan*, nanryen pa'n ganny fer pou dil avek sa defi lerozyon lakot.

Ki mon santi anba en, avek en *Cabinet LDS*, anba en Gouvernman ki pe ganny *lead* par nou Prezidan, Prezidan Wavel Ramkalawan, mon santi poudir keksoz pou bouz at en *pace*, avek plis irzans. Ki pou benefisye tou sitwayen Seselwa. Mersi bokou.

MR DEPUTY SPEAKER

Mersi pou ou lentervansyon. Donk mon ava pas laparol aprezan avek Onorab Cosgrow.

HON WALLACE COSGROW

Mersi Mr Speaker. Mr Speaker mon pa'n entervenir dan bann sesyon keston. Zisteman akoz, si i annan en dimoun la anndan ki konn, la anndan mon pe dir, ki konn Mr Joubert ase byen son konpetans, son kalifikasyon, son abilite, se mwan. Akoz mwan mon'n ansarz li pou apepre 2an edmi. E mon konn son kapasite. Mon konn son kapabilite. Mon pou dir ki mon pa pou ezite pou donn li en sans pou li prouv son lekor, pou li montre kwa ki i kapab fer.

An dizan sa Mr Speaker mon ti a kontan dir ki Mr Joubert, i pou erit en Minister, si i al dan Minister Lanvironnman, i pou erit en Minister parey Onorab *Leader* Lopoziyon in dir, avek bokou profesyonnel, bokou dimoun ki'n kapab delivre dan sa Minister.

I annan en kantite dimoun. E ki pou fer son louvraz en pti pe pli fasil. E i pou osi erit en bann Polisi, ki'n ganny met an plas pou kapab ed li deservi son travay.

Bann Polisi ki'n ganny met an plas, bann Polisi ki tre probab, ki pou pran, ki pou vin fri dan en tre prosenn dele. So mon war li, mon pa pou dir son louvraz pou fasil. Me selman mon pou dir ki son louvraz pa pou osi difisil.

Akoz lankadremman bann dimoun ki ti la avan. Menm avan mwan, in mete pou donn li sa posibilite pou li kapab deservi son portfolyo avek lefikasite.

So sanmenm sa mon'n dir mon pou donn li sa sipor. E mon anvi ki i *succeed*. Akoz Lanvironnman i en domenn tre enportan. E mon asire bann profesyonnel lanvironnman ozordi ki pe ekout mwan, mon krwar zot pe bat lanmen, zot konnen. Zot konnen ki kantite Gouvernman avan, lenportans Gouvernman avan ti mete dan sa domenn.

E pou *wrap-up* Mr Speaker mon pa oule al sot plis ki 2 minit. Mon pou sipor li e mon pou donn li tou le meyer ve pou li kapab fer sa louvraz byen. Mersi bokou Mr Speaker.

MR DEPUTY SPEAKER

Mersi Onorab Cosgrow. Pangar mon'n mank okenn dimoun, i reste mon zis 2 entervenans, enn lo sak kote.

Avan ki loter Mosyon pou *wrap-up*, mon korek, mon pa'n mank person. Donk mon pou donn laparol Onorab Clifford Andre.

HON CLIFFORD ANDRE

Mersi Mr Chair. Mr Chair in annan en komantr ki'n fer, ki mon krwar ki i

enportan ki nou adrese letan nou pe tap lo sa size.

Prezidan Ramkalawan letan i ti *Leader* Lopozisyon, i ti dir serten keksoz dan sa konteks. Ozordi nou vwar nou avek en pei ki napa en *Cabinet*. Se sa rezon akoz i nesese e i enportan pou nou tou ganny en *Cabinet* kot nou kapab fer serten komunikasyon.

E sa Departman, sa Minister i ava pe fonksyonnen. So i pa ki nou, nou pe *rush* avek keksoz. Me i annan en nesese ozordi ki diferan ek letan ou annan en *Cabinet* kot ou pe aprouv ankor 2 Minis ki vin dan sa *Cabinet*.

So i enportan ki nou met sa konteks kler devan pep Seselwa. Pou ki napa mal enterpretasyon sa ki nou a pe sey fer. Nou tou nou a pe travay avek kontrent letan. Prezidan Ramkalawan i oule bouze avek en *Cabinet*. Alors nou annan sa kontrent letan.

Prezidan Faure i bezwen fer son *handing over*. I bezwen la pou li *witness* serten keksoz. Alors li osi i bezwen arete dan sa fonksyon, oubyen dan sa prosesis tranzisyon ki i annan pou fer. I enportan ki nou ganny sa kler, ki pep Seselwa i ganny sa kler, nou pa les nou ganny *mislead* lo bann keksoz ki pe pase.

Letan nou get Mr Joubert, son repons ki in

donnen devan sa Lasanble, i kler ki poudir dan nenport ki domenn, dan nenport ki Minister ki ganny anvoye, kot i annan kontra, kot i annan bann proze ki'n ganny mete depi avan ki pa pe ganny fer, Mr Joubert pou delivre. I pa en kestyon lo sa ki egziste ozordi. Akoz sirman si i annan en nesese pou aranze, pou amande, pou amelyore, Mr Joubert pou fer li.

So dan tou pei i annan en lankadremman ki ganny mete. E sa dimoun i vini i vwar ki mannyer sa i pou adapte avek sa vizyon ki sa zonn, ki sa latet. E sa i se Prezidan Ramkalawan. Son vizyon pou fer sir ki sa Minister pou perform a laoter ki sa Prezidan i oule. E definitivman i pou deservi Konstitisyon Sesel.

Avek sa 2 pti mo, dan limit, mon pou donn mon sipor enkondisyonnel sa nominasyon Mr Joubert. Mon ti a kontan remersye ou Mr Chair. Mersi.

MR DEPUTY SPEAKER

Mersi Onorab Andre. Mon a pas laparol avek Onorab *Leader* Lopozisyon.

HON SEBASTIEN PILLAY

Mersi Mr Chairman. Mr Chairman premyerman mon oule dir ki Mr Joubert in koz lo son *background*. E mon konnen i sorti dan en fanmir

tre *humble*. E i en dimoun ki'n travay tre dir pou li ariv kot in arive. E mwan malgre *whatever* ki i arive dan Lasanble an se ki konsern prosedir. Sak endividi ki'n prezant son lekor devan, mon pou ziz li lo son merit.

E pou mwan son merit i *stand*, aköz i en dimoun ki'n montre son abilite. Parkont dan lepase nou'n vwar ki ler dimoun ki'n asiz dan sa Sez in ankoler, zot in leve, zot in *walk out*.

But that's, sa i en lot size ankor an deor sa. E mon pa pou retourn ladan en, *ok?* Wi. En keksoz ki reste, en keksoz ki reste fondamantalman enportan, sa prosesis ki nou'n fer, e mon oule kosyonn enterven an avan mwan, ki ti en partisipan aktiv. Enterven an avan mwan ti en partisipan tre, tre aktiv dan sa prosesis li. Ler i ti dan, asiz lo sa kote latab. E ozordi kan i asiz lo lot kote latab, i pareyman son nivo aktivite, son nivo lenerzi i komans desann.

So mon ti ava re demann li, pou li pa perdi sa nouvo lenerzi ki i ti annan ler i ti lo sa kote. Aköz sa prosesis in permet dimoun ki pa ti konn Mr Joubert, konn li en pe pli byen. Aköz parey in dir ou, i pa en dimoun ki kontan *limelight*. I pa en dimoun ki kontan devan televizyon. Mon

krwar pandan sa bann letan si pou donn en *interview*, donn en *interview* ki relye spesifikman avek son domenn.

Mwan mon napa okenn ezitasyon pou mon donn sipor Mr Joubert. Mon byen apresye ki in ganny sa pozisyon. E fotespere ler i ganny sa pozisyon i reste *humble*, i reste parey i ete.

E i kontinyen fer son louvraz avek tou devosyon ki in fer toultan. E parey mon krwar mon'n war li fer, anfen, dan mon lizye mon pa'n zanmen war li montre son enparsyalite. Son parsyalite in toultan reste enparsyal. I difisil pou ou konnen ki Mr Joubert i siporte, swa son pozisyon politik. Me i en dimoun ki konn byen son travay.

So, mon swet li tou le meyer. E mwan personnelman i en zanfan Sesel. I en dimoun ki kapab delivre. E mon pou donn li sa sans pou li fer sa travay. Zis parey nou Lasanble in donn ou sa sans pou mon felisit ou pou ariv dan sa Sez.

E mon kontan lo komansman nou'n nobou etablir ki nou tou nou annan en *boundary* e nou pa depas sa bann *boundaries* en? Mersi Mr Chairman.

MR DEPUTY SPEAKER

Mersi pou ou lentervansyon Onorab *Leader* Lopozisyon. Mon pou pas laparol avek *mover* Mosyon pou son *summing-up*.

HON BERNARD GEORGES

Mersi Mr Speaker. Mr Speaker mon'n ekout sa dimoun ki'n koz avan mwan, sa lot Manm Onorab, sa *Leader* ki'n koz avan mwan.

E mon'n remarke ki dan son lentervansyon in pran apepre lanmwatye son letan pou koz lo keksoz *other than* sa kandida ki ti devan nou.

Mon pa krwar i annan okenn keksoz ki nou devret azoute. Mr Joubert i en dimoun eksepsyonnel. In apre midi in fer en parkour san fot devan nou. E in pas, mon mazine son legzanmen avek *flying colors*. Mon ti a zis kontan solman pran sa moman pou mwan dir ki mannyer ofir ki sa bann kandida pe vin devan nou, nou vwar sa levantay dimoun ki pou servi dan sa Gouvernman. Mon pa pe dir ki dan bann Gouvernman avan ti napa menm levantay.

Me sa ki enteresan safwasi se ki nou vwar bann, nou pou vwar bann dimoun ki nou konn zot tandans politik. Nou pou vwar bann dimoun ki parey sa enn ki fek vini la, ki napa en lide, ofe, sertennman mwan mon napa en lide ki

parti i siporte. Si i siport en parti.

E nou'n vwar en seri laz, en seri konpetans eksetera. E mon vwar ki avek Mr Joubert sa levantay dimoun ki pou servi dan sa ladministrasyon ki vini i enn ki fer mwan e ki enpresyon mwan, e ki soulaz mwan.

Akoz mon konnen ki ofir amezir ki nou pou vwar bann lezot ki vini. Nou pou *end up* avek en ladministrasyon ki pou reprezant lanasyon Seselwa. I pou reprezant tou bann, mon mazine kouler politik e ot Seselwa.

E i pou demontre ki sa Gouvernman, ki Mr Ramkalawan pou *lead*, i pou vremen en Gouvernman ki pou tou son zanf. Mersi Mr Speaker.

MR DEPUTY SPEAKER

Mersi *LGB* pou ou lentervansyon. Avan ki nou *call for a vote* lo propozisyon lapwentman Mr Joubert, mon ava pas lo *the Motion*;

In accordance with Articles 63(1) and 69(2) of the Constitution, this Assembly approves the proposed appointment by the President of the Republic of Mr Flavien Philomel Joubert to the office of Minister.

Donk mon ava demann tou Manm ki an faver pou endike? Okenn Manm ki

kont? Donk konsernan lapwentman Mr Flavien Philomel Joubert, 31 Manm in vot an faver, personn pa'n vot kont.

E selman 1 Manm ki'n abstenir. Donk son nominasyon i ganny aprouve. Ler i 6 minit apre 4er. Eski nou, nou annan konsansis nou pran en lot avan ki nou pran en *break*? Donk mon ava envit *Leader of Government Business* pou prezant lot Mosyon.

HON BERNARD GEORGES

Mersi Mr Speaker. Mr Speaker prosen Mosyon i lir;

In accordance with Articles 63(1) and 69(2) of the Constitution, this Assembly approves the proposed appointment by the President of the Republic of Mr Anthony Gerard Derjacques to the office of Minister. Mersi Mr Speaker.

MR DEPUTY SPEAKER

Eski sa Mosyon i ganny segonde? Onorab Romain.

HON GEORGES ROMAIN

Mr Speaker mon segonn Mosyon. Mersi.

MR DEPUTY SPEAKER

Donk Mosyon i ganny segonde. E antretan ki nou ava demande ki Mr Derjacques i ganny kriye, *Sergeant-at-Arms* nou a

demann li pou *move Mace* ki nou bouz dan Staz Komite. Ki alor Mr Derjacques i kapab koz avek nou dan Lasanble. Donk mon rapel bann Manm ankor, ki nou'n fer byen taler.

Donk nou kit nou bann kestyon presi. E koumsa nou kapab al ase vit. E si napa nesosite demann en kestyon i *ok*, nou kapab tenir sa kestyon pou pli tar. Bon nou ava dir bonn apre midi Mr Derjacques e byenveni parmi nou. *Welcome back to Lasanble Nasyonal*, kot ou'n deservi dan lepase koman en Manm.

E nou pou demann ou dabor pou komans avek en pti prezantasyon lo ou menm. Pa plis ki 2, 3 minit, avan ki bann Manm Onorab i ganny loportinite kestyonn ou. E donk mon ava envit ou pou fer ou prezantasyon.

MR ANTHONY DERJACQUES

Mersi Mr Speaker. Bonn apre midi *Leader of Government Business and Leader of the Opposition* e tou bann Onorab.

Bonzour tou manm piblik. Mon'n ne i annan 58an pase. Mon'n ne Sesel. Mon'n fer mon premye 9an Uganda, *Kilembe Mines*.

Ler mon'n tourn Sesel mon'n al lekol primer kot Kolez. Mon profesyon mon'n etidye Lalwa Langleter. E mon

en *Attorney at Law, a Barrister at Law*.

Mon'n osi ganny tit Noter avek Prezidan a sa lepok. Mon'n pratik koman en Avoka, premyerman kot Biro *Attorney Zeneral* pou 3 lannen ki mon'n kite koman *Senior State Counsel*.

E la mon annan en *private practice*, i fer preski 28an. Mon'n travay en kantite pou, mon'n ganny de 100enn kliyan. Mon krwar mon'n ed zot. E mon'n konsantre dernyerman en kantite dan *Constitutional Court*. Mon'n osi en Manm Lasanble. Mon ti vin isi an 2008/2009. E mon ti osi Manm Lasanble, '98. Ansanm avek Prezidan ek Mr Ferrari. Mersi bokou.

MR DEPUTY SPEAKER

Mersi pou ou lentervansyon Mr Derjacques. E nou pe ensiste avek bann envite ki'n vini, bann *prospective candidate* pou pozisyon ministeryel, *to keep their answer short and precise*.

E ou en dimoun ki mon'n *interview* en kantite fwa. Enn bann dimoun mon'n pli kontan. Akoz *you speak in grab* parey nou dir dan medya. *You're short and sweet* avek ou bann larepons.

Me tre presi. Donk fer sanmenm sa la apre midi. Mon konmans rekonnèt bann dimoun ki pe lev lanmen.

Premye dimoun, *Chief Whip LDS*, Onorab Arissol.

HON SANDY ARISSOL

Mersi Mr Chairman. Bonn apre midi Mr Derjacques. An vi ki Mr Chair in dir poudir ou *sweet*, ou kourt, dan ou larepons. Mon ti a kontan demann ou, an relasyon, letan mon pe get ou CV, mon'n vwar poudir, ou'n en Avoka pou 28an, parey ou'n dir.

E letan ou en Avoka, mon get dan ou lofis, ou annan forse 2 *staff* oubyen 3 *staff* maksimonm. Ou al Ankour ou koz avek en Ziz, kekfwa ou annan en kliyan.

So mon kestyon lo la, se kwa ki pou fer mwan krwar, oubyen Lasanble krwar pou nou vot pou ou, pou dir ou pou kapab dil avek en Minister. Parske tou ou lavi ou'n dil avek 2 *staff*, 3 *staff*.

Ou'n koz avek en kliyan, ou'n al Ankour ou'n koz avek en Ziz. So kwa ki pou donn mwan konfyans, poudir Mr Derjacques i devan nou Lasanble ozordi. Nou kapab vot pou li pou vin en Minis, pou li kapab dil avek en Minister? Minister i annan bokou plis dimoun. Sa i mon premye kestyon.

Mon dezyenm kestyon mon ti a kontan demann ou, se i an relasyon avek ou travay koman Avoka. Eski, kote ou

travay i antre pou enteronp Mr Derjacques, si nou vot pou li pou vin en Minis? Eski letan nou pe rod ou pou asize *Cabinet*, ou, ou bizi pe dil en *case* laba ki ou pa ankor fini, akoz sa kliyan pe rod ou, in pey ou? Alor i Ankour devan Sef Ziz, alor ou pe ganny problemn.

So kote i antre ou louvraz ki ou pe fer la koman en Avoka, ki pa pou enteronp letan nou'n vot ou koman Minis, pou desarz sa responsabilite ki nou pe ekspekte avek Mr Derjacques? Mersi bokou Mr Chair.

MR ANTHONY DERJACQUES

Mersi Onorab Arissol. En Minis dan *Cabinet* i *advise* Prezidan. E Prezidan i apwent en Minis pou desarz responsabilite atraver en portfolyo. E sa i vin avek en Minister. Koman en Avoka, pandan 28 a 29an, mon'n dil ek en kantite *issues*. Mon'n ganny en kantite leksperyans. Koman *Chairman Bar* mon'n osi ede *manage* en lasosyasyon avek apepre 45 Avoka.

Mon krwar ki mon annan konfyans ki sa ki'n *nominate* mwan, in vwar ki mon kapab annan *leadership skills*. E petet mon kapab *manage*. Solman si mon kapab fer bann dimoun ki pou tonm dan mon Minister travay bokou pli

byen. Donn zot sa *leadership*. Anmenn Polisi Gouvernman kot zot. Motiv zot.

E fer zot anmenn devan Minis zot bann lide pou grandi e pou reponn pli byen a bezwen Seselwa. Mon krwar mon kapab reponn a sa demann par Prezidan, pou vin enn son bann Minis. Savedir pou vin en Minis i annan plizyer keksoz ki li in vwar petet dan mwan. E mon a sey tou mon mye pou mwan reponn. E fer byen pou pep Seselwa.

An sa ki konsern mon *practice*. Mon pa pou pran, e mon pa pou *enjoy* okenn *right of audience* devan Lakour. Mon pe transform mon *Chambers* e pe negosye avek en lot *Senior Counsel*, (pa *Senior Counsel*). Me i en *Counsel* avek plis bokou leksperyans, pou *takeover* mon *practice*.

E pandan bann ler travay koman Minis, ou pa pou war mwan vreman pe fer okenn *practice*. Si i annan en pti kontra, ouswa en pti testaman pou sinyen pou mon bann kliyan, ki ankor kontan vin demann en pti *advice* avek mwan. Tousala i ava dan mon bann ler prive. Alor mon krwar mon fer sir napa okenn *ethical conflict*. Okenn konfli lentere, okenn keksoz ki *interrupt* mon travay. Si zot

aprouve koman en Minis, sa mon pou fer sir.

MR DEPUTY SPEAKER

Mersi pou ou larepons. Mon oule zis averti bann Manm ki nou lalis dimoun ki oule demann keston i bokou plis ki taler.

E nou merit pe amelyore olye nou degrengole lo *time management*. Donk nou *proceed*. Mon pas laparol avek Onorab Clifford Andre.

HON CLIFFORD ANDRE

Mersi Mr Chair. Bonn apre midi tou Manm Onorab, tou dimoun a lekout. Bonn apre midi Mr Derjacques. Mon annan 2 keston ki pertinan. Ou'n komans reponn lo enn, e sa i konsern konfli lentere. Eski ou kapab enform sa Lasanble, si ou annan, akoz 28an, bokou lannen ou'n dan *practice*.

E biznes i vin, lapeti i vin an manzan parey nou dir. So biznes i vin ofir amezir. Eski i annan okenn biznes ki ou ladan? Akoz letan mon pe gete, mon pa vwar ou'n met, *unless*, anr ou'n mete, *Director International Offshore Company, 2008 a 2012*. Donn nou garanti ki napa okenn biznes, ki pou annan konfli avek ou pozisyon ministeryel?

Dezyenman, letan mon pe get ou kalifikasyon, an'93 ou ti fer *University of Rabat*

Morocco. E ladan i annan en *Diploma, International Law of the Sea*. Ki mannyer si ou ganny en portfolyo ki dil avek delimitasyon *zone maritime* Sesel, ki ankor en *issue* devan *UN*.

Napa en *issue* definitif ki'n ganny fer. I ankor annan bann *trilateral negotiations* ki pe pase ant bann pei dan larezyon. So ki mannyer ou pou *tackle* sa, si ou ganny en Minister ki pe dil avek sa? Nou pe sey pa pas spesifikman al lo en Minister ki nou krwar sa dimoun pou gannyen.

Me sey en get en pwen levantay keston ki konsern *ministerial position*. So sa i mon 2 keston. Mersi.

MR ANTHONY DERJACQUES

Mersi Onorab Andre. Apard ki Lalwa, mon annan en lentere ek *shares* dan en lakonpanyen ki dil avek *real estate*. Mon krwar se tou kot. E mon asir ou napa okenn konfli. Mon pou fer sir ki nenport keksoz ki mon fer, i pou'n ganny deklare *first of all* anba nouvo Lalwa.

(2) Mon pou fer sir napa okenn konfli ki kapab vin en konsern. Mon asire i annan en kantite lenstitisyon ki'n ganny kree osi, isi Sesel anba Lalwa parey *Anti-Corruption, Human Rights, Lakour* bokou pli endepandan e *accessible*.

I annan kantite bann lenstitisyon ki veye e ki fer sir. E sa i enkli *The Press*. I enkli Lasanble Nasyonal, ki elimin sa ouswa minimiz sa konsern an sa ki konsern pa zis Minis, me bann *public servants*, bann Manm Lasanble nou menm. E nou'n note ki i annan en kantite dan Lasanble ki annan biznes e ki annan *shares*. E zis nou fer sir parey mon ti fer sir depi avan.

Akoz mon'n isi 2 fwa dan Lasanble Nasyonal. Ki napa sa bann konfli. E dan lepase zanmen in deza annan, ler mon ti travay dan lentere piblik dan Lasanble Nasyonal. E mon pou fer sir ki napa e i pa vin en konsern ditou. An sa ki konsern *Law of the Sea*, mon ti tre zenn ler mon ti fer sa *course*.

Akoz mon dan sekter prive mon pa'n *keep up* bokou avek bann dernyen norm ek Lalwa lo *Law of the Sea*. E mon krwar sa pou dan Biro *Attorney Zeneral* plis. Ek bann *experts* an deor. Ki enn bann *experts* i mon bon zanmi. Selman si Prezidan i swazir mwan en landrwa kot mon annan kontak avek *Law of the Sea*. Mon pou parey tou Avoka, *brush up on the Law*. Bann norm, bann negosyasyon. Mon *aware* koman en *layperson*, ki Gouvernman in antre dan bann negosyasyon.

Espesyalman avek *Maurice*. I si i vin dan mwan *area* kot mon pou bezwen osi *involve*, mon a fer sir ki mon al kot bann *experts* legal e mon *update* e mon lekor. Mon pa pou kapab dir ou en keksoz ki pa la, ki mon pa pe fer. Mon, ou pou zis fer sir ki si i arive mon pou aprann e *brush up*. Sa ki nou annan koman bann Avoka ek nou leksperyans e sa abilite pou fer resers e aprann. Mersi Mr Speaker.

MR DEPUTY SPEAKER

Mon ava aprezan pas laparol avek Onorab Cosgrow.

HON WALLACE COSGROW

Mr Speaker, mersi. Sorry Mr Chair. Mersi Mr Chair. Bonn apre midi Mr Derjacques. Mr Derjacques, mon war ou *CV* i tre bref. E napa okenn, apard Lalwa, napa lezot *area* spesifik ki pe ganny demontre lo *CV*. Petet an term ou leksperyans, an term ou kantite letan ki ou'n travay.

Most of the time sekter prive. Eski ou pare pou al pran okenn pozisyon ki ganny donnen avek ou, dan okenn Minister? E eski ou krwar baze lo ou kalifikasyon, ou pou kapab deservi en Minister Teknik, par egzanp Lasante or en Minister Teknik, par egzanp Lagrikiltir?

So eski ou krwar sa bagaz ki ou annan, i kapab permet ou pou ou deservi en Minister Teknik? Sa premye.

Dezyenm, koman en endividi, eski, ki mannyer mon kapab met sa. Eski ou en dimoun ki sosyab, eski ou en dimoun ki kontan zwenn avek bann lezot dimoun, eski ou en dimoun ki kapab enterakte avek bann lezot dimoun an zeneral? Mersi bokou Mr Speaker.

MR ANTHONY DERJACQUES

Mersi Onorab. An sa ki konsern bann Minister ki Teknik, wi Prezidan i annan sa drwa ek diskresyon, pou li a nenport moman plas en Minis kot li i decide i anvi donn sa portfolyo.

Si Prezidan i anvoy mwan, par egzanp sa 2 Minister ki ou'n dir, mon pare pou fer li. Ki mon krwar mon annan, se sa abilite ek sa *intellect* ek pou adapte e pou *lead*. E pou fer sir ki tou dimoun i donn zot mye. Sa in vin atraver sa ki mon fer.

Mon a donn en legzanp, en Avoka, sak fwa i annan en ka i al *brush up*, i al fer en kantite resers e i aprann en *area*. En Avoka bomaten i kapab pran en ka lo en avyon ki bezwen ganny aste. Demen en bato ki'n koule. Apre midi en dimoun ki'n ganny tyonbo avek *drug trafficking*. E aswar

en lakonpanyen ki'n *bankrupt*. Ki i fer, i fer *over some time time*, i fer ou aprann e *master* sa size.

E se nou ki par egzanp, ki anmenn bann dimoun ki teknik pou demann keston. Pou ganny laverite lo tou ka. E sa i ganny zize par en Ziz. E li finalman i fer en determinasyon.

Pou ou kapab fer sa, fodre ou en dimoun ki kapab *pick up*, aprann, resers e konnen. Partou dan lemond, espesyalman bann *Leaders*, bann Prezidan, en kantite zot ti bann Avoka.

E sa i en lavantaz e si i fer byen, i en don ki ou gannyen. Sa abilite pou aprann adapte ek pou fer sa resers e pou konnen. Tout fason dan tou sa bann Minister Teknik, i annan bann teknisyen, i annan bann konsiltan, i annan bann dimoun ki pou ede.

E dan en Gouvernman Prezidan Ramkalawan, pou annan sa demann pou bann ki annan lide pou vin devan pou donn zot lide. E pa reste zis e reponn zis ler Minis i demann ou. E Mini si vin avek en lide. Vin avek pou zot, espesyalman bann zenn. Donn zot lide, *push forward* bann keksoz ki nouvo.

Modernize bann Minister, vin devan. Mon krwar avek sa *freedom of*

expression ki nou annan, sa liberte, sa *good governance* ek demokrasi ki pe ganny kree, pou napa sa *streamlining* ek sa *rigidity*.

Alor en Minis ki travay konmsa pou annan en kantite resours deryer li. E mon krwar finalman *of course*, i pou bezwen deside kwa ki pou anmenn dan en keksoz mazer, en Polisi mazer lo *Cabinet*. La ankor i ganny diskite. Akoz finalman i annan responsabilite *Cabinet*, e finalman Prezidan.

Alor mon pou fer sir ki tou dimoun i kontribye. E tou resers i ganny fer. Ki sa Minister i anmenn bann bon Polisi devan, pou mon bann koleg lo *Cabinet* si zot aprouv mwan, i ganny en bon *Policy decision*. Alor mon larepons se wi.

Dezyenmman si mon kapab, si mon en dimoun sosyal, mon krwar wi. Akoz mon sosyalize, mon annan en kantite zanmi ek koleg. Mon travay ek mon bann lentere, espesyalman dan politik. I fer mwan zwenn en kantite dimoun.

E mon travay koman en Avoka, toulezour mon pe zwenn kliyan, ki dimoun ki nou koze, nou zwenn. Alors larepons i wi. Toulezour mon zwenn manm piblik, mon pa frenmen dan en *Chambers* mon tousel. Annefe ant midi

avek 1er edmi, toulezour eksepte dan wikenn, mon zwenn manm piblik. Mon krwar se tou. Mersi.

MR DEPUTY SPEAKER

Nou ava pas lo lot kestyon, par laparol pou Onorab John Hoareau.

HON JOHN HOAREAU

Mersi Mr Chair. Bonn apre midi Mr Chair. Bonn apre midi e *welcome* Mr Derjacques. Antan ki en zanfan Beau Vallon, mon byen apresye mon'n vwar ou la devan mwan.

Bon mon kestyon i konmsa. Koman en ansyen Manm Lasanble dan Lopozisyon, ou'n en dimoun ki'n pous bokou ki *the rule of law* i ganny mentenir dan Sesel.

Dan ou nouvo rol koman en Minis ler ou pou ganny sermante, kwa ki ou pou, ki ou annan lentansyon fer pou ede pouse ki bann lenzistis ki in annan dan lepase. Antan ki Minis, sa bann lenzistis i ganny korize. E sa bann dimoun i vwar serten lazistis pou zot *sore*.

E dezyenmman, si ou vin en Minis ou pou en *head of Civil Service* dan en serten Departman, nenport ki portfolyo ki ou pou pran. Ki fason ou pou ede motiv bann *civil servants*, ki'n demotive

par lenterferans politik e bann *Scheme of Service* ki par baze lo meritokrasi e *competency-based*? Mersi.

MR ANTHONY DERJACQUES

Mersi Mr Chair. Mersi Onorab pou ou kestasyon. Lo *rule of law* mon krwar nou'n fer bokou. E Prezidan li menm li in dir ki sa i enn son bann pilye pou fer sir ki sa i antre. E i *reinforce* isi Sesel. Se atraver bann lenstitisyon kot ou kapab aplik direktman *the rule of law*. E ou fer sir ki Lakour i reste endepandan. Ek obzektif dan son bann desizyon. Ki i ganny lendepandans administrativ avek finansyer. Ou osi fer sir ki tou bann lot lenstitisyon parey *Human Rights Commission* avek *Ombudsman*, i *fully funded*.

Si i annan bann regilasyon ouswa bann Lalwa ki bezwen ganny amande pou fer zot bokou pli efektiv, sa i ganny fer. Savedir nou bezwen fer en *analysis* total lo tou sa bann lenstitisyon ki asire ki i annan *rule of law*.

Solman si Polisi Gouvernman i toultan mentenir ki Sesel i reste en pei demokratik, avek tolerans e avek *the rule of law*. E tou son bann Minister, ek tou son bann lenstitisyon ki li i konmans *Head of State*, i ranpli zot rol dan en fason

konplet. E dimoun i aprann e konn tou zot drwa. Si tousala i *meet* e i fonksyonnen, ki mon asire nou pe ariv sa *step* kot nou pe *normalize* demokrasi isi Sesel. E sa i enkli *rule of law*.

Mon krwar ki sa i pou arive isi Sesel. Mon krwar ki nou'n *take care of sa super structure*, ki nou'n etabli sa bann lenstitisyon. E pep Seselwa in vote an gran norm pou sa retourn Sesel, avek tolerans ek drwa imen.

Mon krwar sa pou ganny mentenir. E mwan si mon lo *Cabinet*, avek mon lizye legal ki mon get lo tou bann desizyon Gouvernman e Polisi Gouvernman, sa pou en lavantaz.

Mon dernyen ka dan *Constitutional Court* lo *vertical integration* avek ki mannyer Polisi pa kapab afekte ou bann drwa imen, i en legzanp kot toultan mon'n montre sa konsern atraver *Constitutional Court* pou *the rule of law*.

E la mon pou annan sa lavantaz kot mon pou kapab ede e *advise* Prezidan ek bann lot Minis, ler mon war ki i annan en dezavantaz e napa okenn respe pou Lalwa par bann Minister.

Mon osi pran kont ki *Ombudsman* dan son bann rapor in fer en kantite referans. E li i get bann desizyon ki Gouvernman i

pran dan en fason administrativ. E i annan en kantite konsern. Menm Ziz Reneau lo *Human Rights Commission*, lo *press*, in koz en kantite ki annan bann departman, espesyalman bann Departman Disipliner ki ankor pe kas bann drwa imen.

Alor mwan mon annan sa krwayans, sa *belief*, sa *dedication* pandan dernyen 28an pou fer sir ki la demokrasi, *the rule of law* e *constitutionalism* i reste e i grandi isi Sesel.

An sa ki konsern *public sector* i vre ki nou annan bann lide ki bann, i devret permanan. I sa *issue of contracts, specific contracts* pou bann *top civil servants* i apre 2an i bezwen ganny *renew*. Ouswa ou pou ale, kekfwa i devret ganny ranplase par *permanent public service*. Sa i donn garanti ki bann *public servants* i reste.

Lo promosyon, i devret wi, parey ou'n dir Onorab, *meritocracy*. Savedir fodre ou travay dir. E mon'n note, Prezidan in dir, i oule en Gouvernman ki travay e ki delivre.

Alor nou bezwen fer sir ki nou retir politik viktimizasyon. Ouswa *partisanship* dan bann desizyon *public servants*. Zot en *permanent service*. E zot aprann. Kekfwa i ava annan en *college* pou bann *civil*

servants ki oule vin *civil servants*. Pou konn bann norm, bann kondwir ek bann regilasyon ek *PSO* par egzanp.

E finalman bann promosyon ek bann deside i depan lo merit e ou *deliverance* lo sa ki ou delivre. Mersi Onorab.

MR DEPUTY SPEAKER

Mon pe *remind* bann Manm *to be mindful of time management*. Donk nou pou pas lo nou lot enterven an aprezan, Onorab Johan Loze.

MR DEPUTY SPEAKER

Mon pe *remind* bann Manm *to be mindful of time management*. Donk nou pou pas lo nou lot enterven an aprezan, Onorab Johan Loze.

HON JOHAN LOZE

Mersi Mr Chair. *Welcome* Mr Derjaques, en zanmi depi lontan. *Happy for you to be with us today in the House*. Mr Derjaques, mon pa konnen si ou pou oule note, akoz mon annan mwan 4 kestyon, mon pou poz zot ase vit pou pa gaspiy letan, so, dan lentera *expediency* parey nou pe ganny dir.

Mr Derjaques, eski an se moman i annan okenn *active criminal cases* kont ou, swa devan Zidisyer ouswa dan

lanmen *Attorney Zeneral*? Sa i mon premye kestyon. Mon dezyenm kestyon Mr Derjaques. Ou'n dir nou la poudir en Minis i *advise* Prezidan. Mon premye kestyon dan sa konteks se, si ou pe asiz dan *Cabinet* e Prezidan i demann ou, ou *advise* lo bann *cases of money laundering* ki devan Lapolis, kan mannyer eski nou *deal* avek, sa bann *rather complex cases* ki pe komans vin *rather rampant* dan nou epi.

Mon trwazyenm kestyon ki mon annan, bann lakonpanyen *offshore* ki'n komet frod, *how do we proceed with them?* Ankor si Prezidan Ramkalawan i demann ou, ou *advise* lo sa sityasyon. *How do we proceed* avek bann lakonpanyen *offshore* ki komet frod dan sa pei? Deza i annan.

Mon dernyen kestyon Sir, se nou annan en problemm alkolizm dan sa pei. Si ou ganny demande en kestyon lo ki mannyer sa Gouvernman i *handle alcoholism* dan nou pei, akoz deza nou annan problemm kot dimoun, prodiktivite pe bese. I annan dimoun zot kliyan pa ganny servi byen senpleman akoz *the problem of alcoholism*. *Thank you*, Mr Derjaques.

MR ANTHONY DERJAQUES

Mersi Onorab Loze pou ou kestyon. Lo si i annan okenn *criminal case actual* ouswa *pending?* Non napa. E mon pa konn okenn ka ki i ava annan. E dezyenm, se ki mon pou *advise* Gouvernman lo *money laundering*. *Money laundering* i annan en kantite devlopman ek bann regilasyon ki'n modernize, ki in ganny pase par Lasanble. I annan 2 *unit FIU* e avek dan *CID* i annan en *special agency for White-collar crime* ki'n *set up*. I annan bann *experts* ek bann Avoka ki *involve*.

Ki mon pou dir avek Prezidan lo la, mon pou dir li ki wi, sa i en *issue* ki devret ganny *tackle*. E sa i annan gran konsern an sa ki konsern *money laundering* isi Sesel, par bann *partners* enternasyonal osi. E mon krwar ki Gouvernman i bezwen ranforsi son lyen avek bann *agencies*, *upgrade* nou bann sistenm.

Lalwa mon konnen in fini ganny *upgrade* e i *the latest*. E nou bezwen osi al kot tou bann *stakeholders* e bann *reporting entities* ki pe ganny fer, akoz 2 semenn pase mwan osi mon'n ganny let sorti kot *Central Bank* ek *FIU*, pou dir si nou *internally* dan nou *firm* koman en *reporting entity*;- si nou'n *upgrade* nou bann *reporting* ek nou bann *information systems*. Alors sa

pe ganny fer aktyel. Alors lo *money laundering* fodre nou zis *upgrade* e fer sir ki nou annan dernyen *data*, dernyen *Legislation* e nou anfersi nou bann Lalwa.

An sa ki konsern frod par bann *offshore*. Mon vwar en kantite *case* ki vin Ankour osi lo *monitoring of offshore companies*. Akoz osi mon sit e mon annan en lyen avek *FSA* akoz lo son *Appeals Board*. Mon vwar ki *FSA* osi koman en *reporting and regulating authority* i konsernen avek frod e an sa ki konsern *offshore companies*.

Lasanble li menm li in *upgrade* Lalwa *POCA lo Proceeds of Crime, (Civil Confiscation)* e sa Lalwa dernyen i 2017. Alor i annan sa mekaniz legal ki la e i annan bann lenstitisyon ki la. Son sel keksoz ki nou bezwen sey fer se *upgrade* e fer sir i annan *human resources* e i annan osi resours finansyer pou fer sir ki tousala i ganny *tackle*. Mon krwar mon'n reponn tou-

MR DEPUTY SPEAKER

Son dernyen kestyon lo kestyon *alcoholism*, ki mannyer ladministrasyon pou *tackle*.

MR ANTHONY DERJAQUES

Enn, nou bezwen annan disiplin parmi nou pep, e nou

bezwen fer sir ki bann paran osi i anmenn disiplin pou zot bann zanfan e donn bon legzanp. Savedir nou bezwen annan *self-discipline*, pou nou konnen kan pou arete e konbyen pou pran. Mon konsyan ki en larz poursantaz nou popilasyon i annan sa adiksyon, e sa i annan en reperkisyon limedya lo nou *labour force* ek nou *productivity*.

An sa ki konsern bann ki pe vann, mon krwar kekfw e sa i en pwennvi personnel, nou devre restrikte *sales*. Kekfw nou devret annan bann laboutik ki bokou pli spesyalize parey Langleter. E mon krwar i en konsern pou nou tou.

Manufacturing of alcohol dan Sesel, i osi en konsern akoz sa i en *growth* enorm, e sa i ankouraz konsonpsyon lalkol. E *advertising* osi partou. Mon krwar ki ler ou antre dan en laboutik e zis deryer kontwar kot tou dimoun i peye enkli zanfan, nek ou vwar zis bann *advertisement* lo *alcohol*. E pli ale dan bann *advertisement*, ou vwar ki i en keksoz *trendy* e modern pou ou bwar. Mon krwar nou devret re get sa, akoz i annan plizyer adiksyon ki annan isi Sesel, ki nou tonm dan premye 5 dan lemonn. E mon krwar sa i pa enn bann keksoz ki nou oule koman *best*

in the world. Savedir alcohol consumption.

Wi mon dakor ek ou konsern ki i annan tro bokou *alcohol consumption* isi, par nou bann zabitan. E mon krwar ki vre ou konsern i bon, ki sa i annan en lenpak direk lo *labour force* e lo *productivity*.

MR DEPUTY SPEAKER

Onorab Loze, en siplemanter.

HON JOHAN LOZE

Thank you, Mr Speaker. Mon ti annan zis en very brief follow-up pou Mr Derjaques. Sorry mon ti pe al dir ou Onorab Derjaques. Mr Derjaques, ou'n mansyonn SFA the regulator letan ou ti pe reponn mon trwazyenm kestyon lo konsernan offshore companies and fraud. Mon anv i zis prob ou en moman la. Eski ou, ou santi ki SFA i annan sa konpetans dan li menm right now, pou li vremen azir koman sa antite ki deal avek frod dan bann offshore companies? Thank you very much, Mr Speaker.

MR ANTHONY DERJAQUES

SFA is a regulating authority, selman i pa, si mon byen, investigative authority. Sa i ganny fer par FIU ek nou Lapolis. E li i annan en unit spesyalize. FSA i fer sir ki i annan due diligence par bann incorporating bodies ki fer

bann, kree bann offshore. Ki sa bann entities zot fer sir ki zot up-to-date lo bann lenformasyon, ki zot gard bann lalis par egzanp bann beneficial owners. Ki zot fer sir par egzanp bann directors i perform byen zot duties anba Lalwa, ki zot sipoze konn en bon pe plis konmela ki oparavan lo ki bann lakonpanyen pe fer financial wise.

E a nenport moman zot bezwen tir en *entity parey commission of taxes*, ouswa Lakour i demande, bann *corporate service providers* i bezwen donn sa lenformasyon.

Sa lenformasyon si i annan lenpak sa *regulating authority*, SFA a nenport moman i kapab suspend en *license* ouswa *deny* en *license*. La sa bann *offshore companies* ek sa bann *shareholders* zot *appeal* kot sa *body*, ki si zot *approve* mon vin Minis byento mon pou bezwen *step down*. Ki sa bann *appeals* i vin kot nou. E nou, nou fer zizman baze lo sa aksyon ki SFA in fer. Si vre ti annan en mankman, anver Lalwa ek bann *best international norms*, par sa *cooperate service provider*, e sa bann lakonpanyen zot menm, zot Direkter ek bann *members*. Mersi.

MR DEPUTY SPEAKER

Nou ava pas lo lot entervenans, Onorab Audrey Vidot.

HON AUDREY VIDOT

Mersi Mr Chair. Bonn apre midi Mr Derjaques. Mr Derjaques, ou pe ganny nominen dan pozisyon koman Minis, eski ou kapab klarifye si ou'n deza ganny pourswiv pou *money laundering* devan Lakour Sesel? Eski ou ankor pe donn konsey ACA? E koman en Avoka ki pou ganny aprouve koman pozisyon Minis, eski ou pou reziste tantasyon pou pran rol AG, letan ou pou ganny demann konsey par ou Prezidan? Mersi.

MR ANTHONY DERJAQUES

Mersi Onorab. Mersi pou ou bann keston. Non, zanmen mon'n deza ganny menm *investigate*, sarze, ouswa pourswiv kriminel ouswa sivil pou *money laundering*. Annefe pou premye fwa mon tande mon non, an koneksyon avek okenn keksoz ki'n kapab arive avek *money laundering*. E koman en (Ziz) *in bracket* lo *Appeals Board FSA*, Lotorite ek Minis Finans in *vet* mwan, in fer *due diligence*. E mon asire zot pa ti pou permet ki mwan mon asiz lo *final appeals body* kot SFA.

Dezyenman, wi. Ziska ler desizyon i ganny pran, e si mon ganny *swear in* par

Prezidan apre e si zot *approve* mwan koman Minis, mon pou bezwen imedyatman *resign* koman *Legal Adviser* e mon *retainer* avek CAA, *Constitutional Appointments Authority* i pou arete.

An sa ki konsern *Attorney Zeneral*, non. Mon pa anvi tourn Ankour. Mon krwar mon'n fer 30an Ankour e parey mon'n dir, mon pe *give up* mon *rights of audience* devan Lakour Sesel si mon ganny apwente par Prezidan e *swear in*. E mon pa pou demann ouswa annan okenn lentere pou vin *Attorney General* pei. Mersi Onorab.

MR DEPUTY SPEAKER

Nou ava demann lot entervenans pou aprezan demann son keston. Onorab Richard Labrosse.

HON RICHARD LABROSSE

Ok, bonn apre midi tou nou bann koleg Manm. Bonn apre midi tou sa ki pe ekoute, zabitan Plaisance. Mr Derjaques, nou'n ganny sans travay ansanm pandan sa bann dernyen semenn. Mwan mon konn ou en pti pe, pa bokou. Me selman ozordi la mon ti a kontan ou reponn dan kapasite pou eksplik dimoun Plaisance en pe kalite dimoun ou.

Mon premye keston i al swivan, mon ti a kontan ou

donn nou en pe 3 kalite ki ou santi, ki ou krwar i bon pou ou vin en Minis dan Gouvernman? *Ok* E ler ou donn mwan sa 3 kalite, mon ti a kontan osi ou dir mwan akoz, tre bref.

E dezyenm kestyon, osi dernyen, ler mon'n regard lo ou CV, mon'n regard en pe ou bann parkour travay, mon'n vwar ki sel landrwa dan Gouvernman ki ou'n travay, i kot Minister Lanplwa ek Zafer Sosyal. E mon lot kestyon i pou al en pti pe lo sa anliny. Fer krwar Prezidan i anvoy ou laba, si ou mazine sa bann letan. *Well '86*, sa bann letan mon ti annan selman 2an, mon ti ankor pe met *nappy*, lo tapi. E pou sa rezon mon pa'n anvi al ankor lo tapi. *So*, mon ti a kontan ou dir nou konmsi, si ou pou ganny re met laba, ki bann diferans ou pou anmennen ek sa letan ki ou ti laba? Mersi.

MR ANTHONY DERJAQUES

Mersi Onorab pou ou kestyon. I vreman rar e dimoun pa oule dir ki zot krwar zot kalite i ete, zot esper en lot dimoun dir ki kalite zot rekonnèt dan ou. Si mon demann ou e si mon bezwen reponn, mon ava dir (1). *Loyalty*, ki si mon krwar dan en dimoun e mon krwar dan son prensip, mon pou travay pou son prensip e mon pou reste *loyal* avek li. Akoz

mon rekonnèt sa kalite dan li ek sa bann prensip dan li, ki mwan mon krwar ladan.

(2) *Entegrite*. E mon krwar ki dan en profesyon ki telman piblik, ki tou dimoun i konn ou e ki ou *involve* avek Seselwa ler zot vreman dan bann problem grav, ki mon pa'n vreman dan 30an tann okenn gran keksoz, ki mon'n deza fer ouswa mal fer. Alors mon krwar sa i en rikord ki mon'n gard mon lentegrite, menm koman en dimoun ki'n ekspoz, ki'n vin 2 fwa dan Lasanble Nasyonal. E en dimoun ki toulezour Ankour pe protez e pe fer *case* ki mon pa'n zanmen tann okenn keksoz grav.

Tou bann Avoka i annan bann pti mirmire, akoz ler ou al Ankour, sak fwa ou *win*, ou oponan poudir en keksoz ki '*ah*, ou'n *win* akoz ou byen ek sa *Ziz*.' Se en keksoz koumsa. Sa i normal e sa i arive toultan. Selman okenn keksoz an plis, okenn keksoz grav, non. Alor mon krwar ki mon kapab kekfwa dir, ki lentegrite.

E trwazyenm, determinasyon. Ki ler ou krwar dan en keksoz ou kontinyen, ou travay ziska ler ou *succeed*. Espesyalman si sa determinasyon i pa pou ou *succeed*, me i pou pei ouswa en sistenm *succeed* e ranplas en lot.

Zanmen give up e never let go! Akoz si ou krwar ki ou pe travay pou sa laverite, pou sa prensip, avek sa determinasyon e avek led bann ki'n akonpany ou dan sa semen, ki zot osi zanmen zot in les sa ale, e zot in krwar dan sa prensip, ou pou *succeed*. Alors, mon pou met sa 3 kalite.

An sa ki konsern *Employment and Social Services*, mon ti pe al fer mon *BAR* Langleter, alor pou 9mwan a lan mon'n travay laba. Si ou dir mwan ki mon pou anmennen an plis dan *Employment* avek sa Minister. *Employment* mon vwar ki in ganny *regularize*. I annan en *proper tribunal* pou bann ka. Lo sa kote keksoz pe mars ase *ok*.

An sa ki konsern *monitoring* pou bann *GOP*, pou bann dimoun ki vin travay Sesel, mon krwar kekfwa Gouvernman pa'n ase *strict*, pou fer sir ki Seselwa i ganny priyorite. Apre zot pa'n *supervise* bann etranze, bann travayer ki'n vin isi.

Mon krwar si, e mon vreman krwar ki si Gouvernman i anvoy en tim ki efikas pou fer letour Sesel, ou pou vwar en kantite etranze ki *GOP* in *expire*, e zot devret osi ganny retourn dan zot pei.

Alor mon krwar ki si nou met sa moto ki espesyalman

dan sa peryod kriz, ki Seselwa ki bezwen ganny sa *1st job*, mon krwar ki ansanm avek Imigrasyon, avek komite lo *GOP*, *Employment* i devret *emphasize* ki se Seselwa ki devret ganny lanplwa.

Mon krwar osi ki mon ti pou met sa *emphasis* avek bann lot Minister ki nou bezwen kree nouvo kalite travay, pou bann zenn. Nou bezwen moderniz lendistri. Nou bezwen *diversity* dan nou lekonomi, pou kree plis lanplwa isi Sesel. E gard nou bann *experts* ek nou bann dimoun ki'n ganny Degre, ki'n *migrate, unfortunately*, ki dan nou *diaspora*, pou fer zot retourn Sesel koman bann travayer.

Mon a fini sa bout an dizan, ki mon totalman dakor avek *President* Ramkalawan ler in dir, enn son bann prensip, e enn son bann fondamantal, se nou bezwen travay dir. Alors sa si zot anvoy mwan laba, pou enn mon bann kalite ki mon pou annan, ki mon demann avek travayer Seselwa. Mersi.

MR DEPUTY SPEAKER

Nou pou pas lo lot entervenans, Onorab Churchill Gill.

HON CHURCHILL GILL

Mersi Mr Chair. Bonn apre midi Mr Derjaques. Ou karyer koman en Avoka in

span over 28 years. Ou dir nou 28an, e dan sa 28an sirman i annan bann *case* ki ou'n gannye, e apre i annan bann *case* ki ou'n perdi. E an menm tan ou'n konfirman ki ou afilye ek en parti politik pou en bon pe lannen, e si ou pou ganny konfirman dan ou pos koman Minis, parey nou tou nou konnen, i en pos ki ou bezwen deservi piblik Seselwa. Eski ou kapab konfirm avek bann Seselwa ki pe ekout ou deor, apre bann dimoun ki zot in *win case* ek ou, e bann dimoun ki pa'n siport menm parti politik ek ou, ki ler ou pran pos Minis, si i annan okenn tranzaksyon ki sa bann dimoun i sipoze fer ek ou Minister, ou donn zot garanti ki pou napa okenn diskriminasyon? Mersi.

MR ANTHONY DERJAQUES

Mersi Onorab pou sa loportinite, e sa i en keston vremen enportan. Dan lepase ti annan sa prensip, akoz nou ti ankor an tranzisyon, ki nou'n sorti dan en staz *single party state*, nou'n antre dan en sistenm miltiparti. Akoz Gouvernman ki ti la dan dezyenm repiblik in kontinyen dan trwazyenm repiblik, ti annan bann *remnants*, ti annan bann restan dezyenm repiblik ki gradyelman in ganny adapte ouswa *democratized*, akoz demann

piblik avek presyon *LDS* ek Lopoziyon ek bann lot dimoun dan nou sosyete.

Koman en dimoun ki in travay kot-a-kot, e lo tou Komite Egzekitiv sorti Parti Seselwa, *United Opposition*, *SNP* ek *LDS* avek Prezidan, ek sa bann prensip retourn demokrasi dan *Rule of Law* ek *Constitutionalism* isi Sesel, mon krwar ki i form parti mon lavi. Akoz tou on lavi travay politik mon'n debout pou sa. Ki nou tou nou annan drwa imen, nou tou nou egal anba Lalwa. Fodre nou elimin sa ki dimoun i appel, "Ek nou pa ek nou." Savedir diskriminasyon politik.

Fodre nou tir sa *partisanship* politik dan desizyon, tou dimoun i annan drwa krwar sa ki zot annan. Me ler zot vin travay, zot kit zot politik parti an deor laport. E ler zot rann en servis, zot rann en servis lo bezwen sa dimoun, lo merit ek anba strikteman donn servis a tou dimoun san konnen e san mazine, ki parti politik i ti servi.

Mon krwar mon rikord lo la, i enn ki ou kapab kont lo la. E imen apre 30an pa sanze en sel kou. Akoz sa in fini antre, in form parti mon lavi e mannyer mon panse. Alors mon kapab dir ou avek konfyans, ki okenn konsiderasyon parti politik ouswa politik, pa pou antre

dan okenn desizyon ki mon pran. E ki mon *advise avek Cabinet* parmi *Cabinet*, e avek Prezidan. Sa ou kapab kont lo la. Mersi.

MR DEPUTY SPEAKER

Dernyen entervenans lo mon lalis kekyon, se Onorab *Leader* Lopozisyon.

HON SEBASTIEN PILLAY

Mersi Mr Chairman. Bonn apre midi Mr Derjaques. Felisitasyon ou osi pou ou nominasyon koman en *prospective Minister* dan Gouvernman *LDS*. Mon krwar ou en dimoun ki annan en nivo ledikasyon, en nivo entelektyel ki ou *CV* i montre klerman. Me selman ti annan en kekyon mon ti a kontan demann ou, vizavi en pozisyon ki ou'n pran tre fermeman dan lepase. Ou konnen Chair i dir ou *short and sweet*, me selman Chair pa'n antisipe ki ou osi en Avoka e ou en politisyen, ou'n en ansyen Manm Lasanble, ou kontan koze.

E ou'n fer bokou letour lo bokou larepons, akòz mon konnen ou'n anvè eksprim ou lekor *as much as possible*. E ou kontan sa *forum* kot ou été. E mon pa krwar ki annan kekyon ki fer ou per. Me i annan en kekyon ki mon oule demann ou.

Dan lepase ou ti annan en *view* e mon konnen ou'n eksprim sa *view* tre fermeman dan Lasanble, koman en ansyen Onorab, sete ki ou pa krwar en politisyen i devret form par en *Cabinet of Ministers*. E i en *view* ki'n osi ganny eksprimen par Prezidan Ramkalawan, e en lot politisyen *senior* dan zot parti.

Mon kekyon pou ou alors, i lefe ki ou pe prezant ou lekor koman en *nominee* pou en Minister ozordi, kwa ki'n fer ou sanze ozordi, akòz ou menm ou, ou en politisyen *through and through*, e nou *make no mistake* la deor. Ou'n lo tou bann Komite Egzekitiv. Mon'n swiv parkour Lopozisyon. Ou'n la dan zot bann *case* konstitisyonnel. Ou'n la, reprezant zot lo bann *meeting* avek Komisyon Eleksyon, so kwa esansyelman ki'n sanze? Ki fer ou krwar ozordi ki koman en politisyen ou pou fer en pli bon Minis, ki si nou ti'n pran par egzansp en, sa term ki ou ti devlope Mr Derjaques, ou konn tre byen, si nou ti'n pran en *technocrate*? Mersi, Mr Chairman.

MR ANTHONY DERJAQUES

Mersi *Leader* Lopozisyon, Onorab. En kekyon vreman enteresan ankor. Prezidan Ramkalawan ler i ti koz lo son *Cabinet*, mon krwar *TéléSesel*

ti demann li sa kestyon dernyerman ler i ti ganny deklare koman *President Elect* kot Orion Mall. I ti dir ki son *Cabinet* pou annan enn de politisyen avek enn de plizyer *technocrate*. E i ti dir sa i ava vin en balans pou li.

Dan lefase, ki nou'n koz lo la, nou'n koz lo nou bezwen retir sa *partisanship* kot nou *discriminate* atraver *Cabinet* ek bann Minis dan zot bann desizyon, kont en seksyon nou popilasyon. Par egzanzp i annan bokou lannen, 30an ki ti annan *security vetting*, pou tou bann *post* dan *public service*. Sa in pous nou, e vre nou'n dir ki nou oule en Gouvernman normal. Toultan da Lasanble nou'n servi sa term. En Gouvernman normal, e retir politik dan Gouvernman. Se sa, sa de *statement* ki mon krwar ou pe refer avek, ki nou'n dir.

Ki nou ti pe dir, ki konsiderasyon ki en Gouvernman i fer lo delivre servis, i pa devret ganny baze lo kouler politik. An menm tan nou ti pe pous pou en konstitisyon miltiparti, ki annan divers lopinyon politik. E sa i en sosyete osi ki pratik la tolerans. Savedir nou adopte *constitutionality* kot tou dimoun i lib pou annan bann lide ki politik ek son bann pwennvi ki li i annan. Solman sa i en sistenm. Sa i

manner Gouvernman i devret annan.

Sa pratik personnel, prive lo sak endividi ki resours Gouvernman pou ganny *enjoy* par serten akoz zot krwayans politik, se sa ki zot pe dir retir politik dan desizyon Gouvernman, e kot nou oule en Gouvernman ki normal. Savedir nou pa oule en Gouvernman ki zis fer desizyon pou en parti avek en seksyon popilasyon, kont en lot seksyon.

I annan tro bokou letan kot en seksyon, e ki ou rekonnet, akoz prezan nou pe adapte. Nou'n ariv en staz kot nou'n ariv en demokrasi. E la nou *next stage* nou bezwen normaliz li. Fodre nou tou nou aksepte ki isi Sesel, in ariv *freedom of expression*, nou bann drwa imen pe ganny proteze, e nou'n vin en sosyete ki toleran avek demokratik.

Alors, mon oule zis re dir, ki nou ti pe lager pou diversite ganny aksepte, e an menm tan *the direct application of resources, work*, avek tou sa ki en Gouvernman i kapab ofer son pep, sa bann desizyon pa politize. Mersi Mr Speaker.

MR DEPUTY SPEAKER

Siplemanter Onorab Pillay.

HON SEBASTIEN PIALLY

Mersi Mr Chairman. So en dernyen pti kestyon. Sa

statement ki ou'n fer, ou'n deza fer li e sa ti gid ou pou fer en *statement* lo televizyon, en fwa kot ou ti dir koz lo konsantrasyon pouvwar. E sa ou ti koz an referans avek balans dan Lasanble. Ozordi nou'n vwar en konsantrasyon pouvwar dan en sel parti.

Eski alors la ki ou pe al en Minis dan en Gouvernman LDS, kot zot annan en mazorite absolli dan Lasanble, ou'n sanz sa *belief* kot ou ti koz lo *rather* annan en konsantrasyon pouvwar en sel landrwa, annan en balans pouvwar. Ki la ou krwar annan en konsantrasyon pouvwar dan en sel landrwa, i meyer solisyon pou Sesel? Anfen, sa ti ou bann prop parol. Mersi Mr Chairman.

MR ANTHONY DERJAQUES

Mersi *Leader of the Opposition*, Onorab. A en lepok ti napa bann lenstitisyon demokratik. A en lepok, nou Zidisyer pa ti endepandan e ti annan e menm dimoun ti apel bann *Government men in gowns*. A sa lepok nou *Human Rights Commission* pa ti efektiv. Nou ti napa en *effective Ombudsman*. Nou ti napa bann lot lenstitisyon parey *free press* pou protez en popilasyon.

E i vre, 1998 dan mon premye 3an, 4an dan Lasanble Nasyonal, mon ti koz en

kantite lo konsantrasyon pouvwar. Dan sa letan nou ti annan en Gouvernman otoriter. Nou ti annan nesans bann lot parti politik, par egzanp avek Mr. Mancham e SNP avek Prezidan Ramkalawan. Ki'n arive atraver bann nouvo lenstitisyon ki'n ganny kree depi 2016, nou'n annan bann lenstitisyon ki'n vin devan. Nou annan bann dimoun obzektif avek lentegrite ki in ganny apwente espesyalman atraver SCCA, pou *head* bann lenstitisyon.

SBC in ganny *lead* e pe ganny *lead* par bann dimoun bokou pli obzektif. *The press* in eksploze. Nou annan bokou plis diversite atraver *social media*. Nou annan bann lot *newspapers*. Bann lot ki ti la avan in grandi. *Regar* avek bann lot in ganny transformen. Nou annan bann lot *newspapers*, nou pe koz en lot lepok dan nou demokrasi, ki pe devlope, ki pe vin en demokrasi bokou pli devlope e modern. E set a nou pou fer li vin bokou pli *mature* ek normal, kot nou tou nou *enjoy*, nou zwir nou demokrasi.

Alors, wi. Oparavan, 15an pase nou ti e ziska 2015, 2016 nou ti pe koz lo konsantrasyon pouvwar, e sa ti en realite. Prezidan Rene, Prezidan Michel ti bokou,

bokou pli an kontrol Leta ek pei, ki sa bann dernyen 5an, 6an koman en Prezidan. Sa konsantrasyon pouvwar in ganny disperse e sakenn pe zwe son rol. Nou annan en *Constitutional Scheme*, kot sakenn sa bann lenstitisyon i annan son rol pou ranpli.

E la nou'n ariv sa staz kot i bokou pli *ok* pou en parti politik *freely* an *fairly campaign*. E pep Seselwa si in decide pou met en parti son *nominee* koman Prezidan, ek son bann kandida an mazorite dan Lasanble, i form parti sa nouvo *landscape* ek sa eleksyon ki'n *free and fair*. E alor nou pe obeir, e nou pe *carry out the will of the people*. Se zot ki'n decide.

E balans Lasanble. Mr St. Ange, ti son *motto* dan sa eleksyon e nou bezwen rekonnet e respe ki pep Seselwa in donn li 1.6poursan vot. E nou bezwen respe pep Seselwa in donn lot parti opozisyon apepre 43 e in donn *LDS 54*, e *20 seat, first pass the post*. Set a nou pou obeir e pou *follow* en *free and fair election process*. Mersi.

MR DEPUTY SPEAKER

Mersi pou ou larepons Mr Derjaques. Nou'n ariv a lafen nou sesyon demann kestyon pou Mr Derjaques koman enn bann kandida ki pe ganny propoze propozisyon Minis.

Donk nou ava eskiz li parmi nou, pou nou kapab rekonstitye nou lekor koman Lasanble e ki alor nou ava annan en pti deba. Nou pa'n fer osi byen avek *time management* ki nou ti fer pou premye sesyon ler nou'n antre. Donk Mr Derjaques nou eskiz ou parmi nou.

(MR ANTHONY DERJAQUES WAS EXCUSED FROM THE HOUSE)

MR DEPUTY SPEAKER

Nou a re konstitye nou lekor koman Lasanble, e zot ava endik mwan lekel zot ki oule partisip dan nou deba. Donk mon annan 2 entervenans lo mon lalis, mon komans avek Onorab Hoareau.

HON JOHN HOAREAU

Mersi Mr Speaker. Mr Speaker, mon pa oule rat sa sans, pou mwan koz en pti pe lo Mr Derjaques, an vi ki i en zanfand Beau Vallon. E mon'n konn li pou en kantite letan deza. Lo son *CV* li menm in *Chairperson BAR Association* ki in ed li pou promouvwar en pe profesyon Avoka. In osi ed li pou annan en lespri ase ouver lo *management* parey in dir, an vi ki in annan apepre 45 Avoka ki anba *BAR Association* e li in *Chair* sa lorganizasyon. Sirman son

metriz lo Lalwa, in ede pou ki'n ganny elekte dan sa plas.

Koman Direkter en *International Offshore Corporate and Consultancy Limited*, i montre ki Mr Derjaques osi i annan sa *leadership ek management skills*. E sa i se bann *skills* ki ede dan okenn ladministrasyon, ki ou pou pran. Alors i montre serten konpetans lo nivo *management*, ki ava ek li pou li kapab *manage* osi en Minister.

Koman en Manm CPA, *Commonwealth Parliament Association*, letan ki i ti en Manm Lasanble, in osi kapab ekspoze oubyen ganny sa ekspoze enternasyonal, kot in kapab zwenn avek bann lezot Parlman dan *Commonwealth* ki'n ed li ouver son lorizon lo la demokrasi. E nou kapab dir poudir Mr Derjaques i en dimoun ki'n ouvertman dan lepase koz lo la demokrasi, e eksprim son dezir pou vwar en Sesel lib e zis.

Alors, san dout sa in ouver son lorizon. E ler mon pe ekout son bann *philosophical statements* ki in donner, dizon lo entegrite, lwayote, *never give up, hard work*, i fer mwan zisteman mazin *speech* Prezidan Ramkalawan. E ler mon pe gete mon vwar poudir i en dimoun ki pou adapte byen

avek sa nouvo Gouvernman. E i pou en dimoun ki san dout pou anmenn en *plus*, dan sa nouvo ladministrasyon, vi ki i pou kapab *advise* Prezidan Ramkalawan lo plizyer size legal, parey in dir nou la, letan in reponn mon kestyon. E fer sir ki la demokrasi ki renye dan nou pei e fer sir ki lazistis i renye. *Rule of Law* i renye e ansuit nou viv en pli bon lavi Sesel. Mersi.

MR DEPUTY SPEAKER

Remersi Onorab Hoareau. Mon ava donn laparol Onorab Johan Loze.

HON JOHAN LOZE

Mersi Mr Speaker. Mr Speaker, sa ki nou'n vwar devan nou ozordi, set en dimoun ki annan bokou metriz dan son prop size. I en zanmi *de longue date*. Nou'n fer bokou konversasyon dan lepase pou koz lo bokou diferan size. Par diferan size mon oule dir nou'n koz lo politik, politik e politik. *But let that be as it may*. Nou'n vwar en dimoun ki annan li en grander lespri e en metriz son size, kot i kapab debout, reponn e eksplike. Menm letan ou poz li *some very tough e challenging questions*. I pa'n reazir dan nou lenpresyon, ki in pran okenn keksoz personnel. In reazir koman en profesyonnel, ki nou tou nou

konnen Mr Derjaques i ete. E i posed ase grandi lespri, pou li rekonnèt diblyen ki'n arive menm si diblyen in ganny fer par son oponan.

In eksplik nou la ozordi bann diferan lenstitisyon e lafason ki bann lenstitisyon in ganny ranforsi. E in konpar era Prezidan Rene ki nou tou nou konnen ti en era, ki ti sorti dan parti inik, avek era Prezidan Michel ki ti ankor still annan bann *holdovers* e bann *leftovers* sistenm oparavan.

E finalman lo letan Prezidan Faure, kot nou'n bouz ver ranforsi bann lenstitisyon e ki kot Prezidan Faure in toultan ensiste lo lenstitisyon e lendependans bann lenstitisyon, e pou ranforsi sa bann lenstitisyon. E se la kot in koz lo sa lepok ki nou, nou vwar nou ozordi, kot i pa parey sa ki i ti ete avan. E nou annan sa liberte konstitisyonnel e nou annan lespas e landrwa pou nou ale.

But having said that, menm si li i pe dir tousala, nou tou nou konnen poudir CAA i ganny kontrole par LDS ozordi, e nou kapab menm dir *same goes for Ombudsman* avek sa lo ki ti atase avek li, ki'n ganny separe, *Human Rights*. Bann medya prive ki in nonmen, i ganny kontrole par bann *sponsors LDS*. So, wi *this is where we are at* ozordi dan pei. Nou, nou annan nou

spin kot nou demokrasi i ete. Mr Derjaques, Onorab Derjaques, *soon to be Minister* Derjaques, in rekonnèt serten keksoz. E koman en zanfan Sesel nou aplodi li pou sa. La nou menm tandè ki zot pe al met Zis Karunakaran Sef Zizi. *But this is where we are at*. Mersi Mr Speaker.

MR DEPUTY SPEAKER

Mersi Onorab Loze. Onorab Leader Lopozisyon.

HON SEBASTIEN PILLAY

Thank you, Mr Chairman. Mr Chairman, mon'n ekout atantivman ekspoze Mr Derjaques. En ekspoze tre elokan. En ekspoze tre entelizan, me en ekspoze tre politik. E in montre nou ki koman en politisyen, in servi bann diferan keksoz ki'n arive ozordi pou li, si ou le mon pou servi sa term, *manufacture*, oubyen envant en demokrasi kot in zistifye ki konsantrasyon pouvwar i ok. Me par deryer sa mirwar ki sa, si ou le sa peizaz ki Mr Derjaques i oule penn nou, si nou zis get par deryer sa miray, nou vwar ki par deryer sa miray i annan en lot keksoz ki pe arive.

Akoz fodre nou konpran, ler ti annan demann pou annan balans pouvwar, bokou bann lenstitisyon ti aktyelman ganny *Chair* par bann dimoun

ki zot afilyasyon politik, swa pa ti'n ganny *known*. Swa zot afilyasyon politik ti avek Lopoziyon dan le pase. Mon kapab dir par egzanp *Ombudsman* i le ka, e menm lo CAA in le ka. E sa i bann lenstitisyon fondamantal ki nesese pou pei kapab fonksyonnen dan en fason demokratik.

E krentif ki mon annan, se ki ler Mr Derjaques i dir mwan ozordi malgre ki Mr St Ange, e Mr Derjaques in fer kler, Mr St Ange ti demann balans Lasanble e sa keston in al devan lepe e Lepep pa'n anvi balans Lasanble dapre Mr Derjaques. Petet Lepep pa'n konpran. Pa'n konpran sa ki ti pe ganny dir. E sa pou mwan i en keksoz ki fer mwan en pti konsernen. Mon konsernen par lefe ki nou pou annan en konsantrasyon pouwar, ki nou pou napa bann lenstitisyon ki pou for pou *deal* avek sa konsantrasyon pouwar, a leksepsyon sa enn ki la. E menm dan sa enn ki la, mon'n bezwen reziste bann *attempt* pou aras mwan sa ki la devan mwan.

So, i pou enportan. I pou enportan e mwan mon enplor mon bann koleg lo lot kote latab, dan nenport desizyon ki nou pran e ler nou regard sa zoli peizaz ki'n ganny penn pou nou par ansyen Onorab

Derjaques, *Maitre Derjaques*, fodre nou fer sir ki nou get par deryer sa miray e fer sir poudir bann keksoz ki nou bezwen aranze, nou kontinyelman aranz li.

Mr Derjaques i en politisyen, i pe al dan Gouvernman, e mon krwar sa ki mon ti a kontan vwar se ki i *walk the talk*, e ki nou pa vwar en Gouvernman ki politize. E ki vin rod en rekour politik *towards* bann solisyon administrative ki devret anmennen, pou bann problem ki dimoun pe fer fas avek.

Mr Speaker, sa i mon kontribisyon vizavi apwentman Mr Derjaques. *LDS* i an mazorite, mon konnen son lapwentman pou pase. Mon pa espekte *otherwise*. E mon zis swete ki ler in ariv ler, pou nou met bann lenstitisyon, pou met bann fren avek Gouvernman zot osi pare pou donn sipor, menm ler i ava annan bann dimoun ki pa sorti dan menm kote politik avek zot. Mersi, Mr Speaker.

MR DEPUTY SPEAKER

Mersi Onorab Pillay e mon ava donn *Right of Reply* loter Mosyon, Onorab Bernard Georges.

HON BERNARD GEORGES

Mersi Mr Deputy Speaker. Mr Speaker, mon annan en madanm dan mon distrik ki vot pou mwan sak eleksyon ki mon'n *stand*. E sa madanm napa okenn rezon pou li siport mwan. Son non, son *background*, son bann zanmi, son fanmir, tousala, son nivo sosyal, tou bann keksoz, tousala i fer ou krwar ler ou regard li ki sa dimoun i devret en voter *at that time SPPF*, apre Parti Lepep, apre US. Me in toultan vot pou mwan.

Alors, mon komans koumsa poudir ki laparans annan defwa ou bezwen met dekote. E sa i aplik pou Mr Derjaques osi ki koman en koleg, set en koleg *at the BAR*, Avoka e osi en koleg politisyen ki mon'n konn li e mon'n travay avek li *de longue date*. I donn nou en pe sa lenpresyon li osi, aköz i sorti Mr Derjaques, son bann zanmi pros ler i ti Liniversite, eksetera, sete tou bann dimoun ki ti siport zot parti, lo lot kote latab. Me Mr Derjaques ti en leksepsyon. Tou keksoz ti devret dir ki avek son bann zanmi, i ti'n devret siport zot parti. Me e la apre midi nou'n tande, i en bon zanmi Onorab Loze.

Me i pa. I en dimoun ki pou son bann rezon in deside, ki son leker ek son lapartenans politik i devret avek nou e non pa avek zot. E

sa se en keksoz ki dan nou konteks isi Sesel, i en zoli keksoz. Aköz mon mazinen, mon sir ki lopoze i osi vre. Me mon dir sa ozordi aköz, se konmsi ler en politisyen pe vin en Minis, i annan en serten mefyans. Non. I annan konteks kot ou bezwen mefyan avek politisyen ki vin dan Gouvernman. Me i normal, i normal ki sa i arive. E mon konnen, mon vwar zot pe sourir. Mon vwar *Leader* Lopozisyon pe sourir, aköz i konnen, anfen i krwar i konnen kot mon pe ale, be anefe i pa konnen.

Sa ki'n deza arive dan sa Lasanble, in ariv pou en rezon spesifik. Ozordi nou pe *vet* Minis potansyel pou en Gouvernman ki'n fek ganny elekte par Lepep Seselwa. I annan en tre gran diferans ant sa kalite Gouvernman, ek en Gouvernman kot en dimoun i pran responsabilite pou diriz en pei *half way through*. E i bezwen a sa moman rod son *Cabinet*. Alors sa ki ganny fer i ganny fer avek lentelizans. I pa ganny fer avek en lespri vid.

Ozordi Mr Ramkalawan, Prezidan Ramkalawan, i bezwen met obor li serten kolaborater ki'n avek li tou dilon son parkour. I pa kapab zis al rod dimoun ki bann dimoun ki pa'n travay avek li. Malgre ki in fer en gro zefor pou montre ki i pa anvizis en

Cabinet avek Onorab Ferrari, Onorab Derjaques ek mwan. I anvi al bokou pli lwen, me i bezwen e tou politisyen, tou Dirizan pei, i bezwen met serten dimoun ki bann kolaborater pros obor li. E sa i en lot bren dan sa levantay ki mon ti koz lo la toutaler.

Mr Derjaques, set en dimoun ki mon'n travay avek dan politik e mon'n travay kont koman en Avoka. Mon krwar pa nou'n deza fer en *case* ansanm, me par kont nou'n fer en kantite *case* kont kanmarad. En bann mon'n gannyen, en bann in gannyen. Me se koumsa ki nou profesyon i ete. Me i en dimoun ki parey nou'n vwar la ozordi, serye, poze avek en tre, tre gran leksperyans ki sa profesyon ki nou egzerse, i donn nou. Akoz parey in eksplike o komansman, sak *case* ki ou fer ou bezwen aprann en nouvo sekter, en nouvo seksyon, en nouvo keksoz.

Onorab *Leader* Lopoziyon in dir en keksoz apre midi, ki mon bezwen dakor avek li. E mon a profite la pou mwan dir en keksoz. E sa se sel lenstitisyon kekfwa, mon pa dakor avek li ki se sel lenstitisyon, me lenstitisyon prensipal ki fer en *contrepoids* kont Gouvernman, se nou. E apre malerezman olye aret la, in al en pti pe pli lwen e in dir

ki menm la akoz nou, nou annan mazorite, kekfwa sa *contrepoids* pa pou osi lour. E la mon krwar nou fer en fot.

Akoz Lasanble Nasyonal i pa zot ki fer *contrepoids* kont nou. Si nou komans avek sa *mindset*, nou pa pou fer nou travay byen. Se pa sa Lasanble Nasyonal. Lasanble Nasyonal se, zot ek nou ansanm ki pou fer *contrepoids* kont Legzekitiv. E mon krwar si nou mazin koumsa, malgre nou, nou annan mazorite isi e zot, zot an minorite, si nou travay ansanm koman en Lasanble, nou ava fer sa travay *oversight* ki nou bezwen e ki nou ganny demande pou fe, pou vin en *counterbalance* avek Gouvernman. E ler nou ava kontinyen pou bann nouvo Manm sirtou, e nou ava antre dan lespri nou Konstitisyon, nou ava vwar ki sa balans pouvwar ant Legzekitiv avek Lasanble, i demann nou zwe sa rol *contrepoids*.

E mon retourn donk Mr Speaker, lo kandida ki devan nou, pou dir ki Mr Derjaques in fer sifizaman dan son karyer legal ek politik pou li *earn* sa nominasyon koman en Minis. E mon krwar ki nou'n vwar li apre midi la, nou konn son konpetans ki larz e ki long. E nou napa okenn dout ki i ava anmenn sa konpetans, i ava anmenn sa leksperyans

dan ladministrasyon Prezidan Ramkalawan. E ki i ava aport son kontribisyon koman en dimoun ki'n en politisyen, me osi en Avoka. E mon koz *from experience*, ki sa se de gran metye si ou anvi, ki donn nou en gran bagaz. I ava anmenn a dan *Cabinet* Prezidan Ramkalawan e i ava fer son kontribisyon. Mon remerisi ou Mr Speaker.

MR DEPUTY SPEAKER

Mersi Onorab Georges pou ou *summing-up*. Alors avan ki nou pas lo vot lo propozisyon pou lapwentman Mr Derjaques, mon ava re lir Mosyon;-

In accordance with Articles 63(1) and 69(2) of the Constitution, this Assembly approves the proposed appointment by the President of the Republic of Mr Anthony Gerald Derjaques to the office of Minister. Donk mon ava demann tou Manm ki an faver pou endike. Okenn Manm ki kont? Rezilta pou vot lo lapwentman Mr Derjaques, 23 Manm an faver, okenn Manm pa'n vot kont e 10 Manm in abstenir.

Donk nominasyon pou lapwentman Mr Derjaques in ganny aprouve par Lasanble Nasyonal. I 5er 28. Nou tonm dakor ki nou pran en *break* e apre nou ava retournen pou pran en lot nominasyon.

Donk si nou retourn 6er mwen 10? 20 minit omwen i sifizan mon krwar pou bwar en tas dite. Donk nou ava *adjourn* pou retournen 6er mwen 10.

(BREAK)

MR SPEAKER

Onorab Georges aprezan. Eski i annan en lot mannyer prezant Mosyon? Mersi nou a pas lo Mosyon swivan. E mon apel Onorab Bernard Georges.

HON BERNARD GEORGES

Mersi Mr Speaker. E *apologies* pou sa pti retar. Mr Speaker, 5enm Mosyon ozordi, i lir;

In accordance with Article 63(1) and 69(2) of the Constitution, this Assembly approves the proposed appointment by the President of the Republic of Mrs Rose-Marie Stella Hoareau to the office of Minister. Mersi Mr Speaker.

MR SPEAKER

Mersi, i annan en *secondment*? Onorab Arissol.

HON SANDY ARISSOL

Mersi Mr Speaker. Bonn apre midi ankor enn fwa a tous. Mon ti a kontan segonn Mosyon anmenn par Onorab Georges. Mersi bokou.

MR SPEAKER

Mersi. Avek sa nou a kapab apel *Rose-Marie Stella Hoareau* pou zwenn nou silvouple. Nou a pas dan *Committee Stage*. Byenveni dan Lasanble Nasyonal Mrs Hoareau. E nou pou komanse par demann ou pou fer en pti lentrodikeyon bref – 2 – 3 minit lo ou menm e ou nominasyon koman Minis. E osi toudswit apre, nou pou swiv par kekeyon sorti kot bann Manm. E lo size kekeyon nou pou demann ou osi ki ou repons i reste bref e direk pou nou kapab osi fer mye avek letan ki nou annan. Mrs Hoareau silvouple, lentrodikeyon.

MRS ROSE-MARIE HOAREAU

Mersi Mr Chair. Bonn apre midi tou dimoun, Mr Chair e tou bann Onorab e tou dimoun ki pe ekoute. Mon apel *Rose-Marie Hoareau*. Mon annan 64an. Mon annan 2 zanfan avek 2 pti zanfan ki mon *cherie* bokou. E mon karyer in komans *as a teacher*. *This is my first qualification*. Mon'n lekol isi, kot *Regina Mundi Convent* e apre mon'n al *further* mon *studies* Langleter kot mon'n *graduate* koman en *teacher* avek en Sertifika Spesyal pour zanfan avek *special needs*. Mon ti retourn

Sesel an 1977, an Septanm 1977 e mon ti komans mon karyer koman en *teacher*.

Mon ti kontan enterakte avek zanfan avek dimoun e lezot koleg. E *teaching* ti komans koman mon premye pasyon. Me apre keksoz in evolye e mon'n war mwan *as one of the* manm fondater, bann travayer fondater, ki ti set up *State Assurance Corporation* ki nou tou nou konn li koman SACOS. E en bo zour ler mon pe travay SACOS, en msye ki ti travay *State House* ti vin fer son lasirans avek mwan e ler i fini, nou fini fer tou bann tranzaksyon lo bann dosye, i dir mwan koumsa,

”Mon krwar ou ti a fer byen dan *tourism*. Avek ou personnalite ki ou annan mon krwar nou bezwen ou dan *tourism*.” E vwala kot mon karyer dan *tourism* ti komanse. E mon krwar zot tou zot in war mon CV. E mon'n travay bokou pou lakonpanyen prive dan diferan fason, dan diferan pozisyon.

What do I bring to the table? Aujourd'hui koman en dimoun ki Prezidan Wavel Ramkalawan in apel mwan e *what I bring to the table aujourd'hui ce que my strong leadership skills. My leadership skills, my management skills; la fason ki*

mon enterakte avek dimoun at all levels; lafason ki mon enterakte avek bann *management* – bann dimoun dan *management* kot mon travay. E bann koleg. And dan tou lakonpanyen kot mon'n travay, mon toultan get on avek tou dimoun.

So I also bring to the table, you are looking at en dimoun ki disiplin; en dimoun ki fair and firm. Mon en dimoun ki annan empathy pou dimoun. Mon en dimoun ki kontan share mon knowledge. Mon pa enn ki konmsi tou sa ki mon konnen mon kit pour mwan menm. E mon very proud ki dan Sesel, dan diferan pozisyon, i annan bann zenn ki'n pas dan mon lanmen e ki ozordi, pe hold managerial post. E sa mon fyer.

E mon osi fyer ki kot mon'n pase, mon'n kapab kit en legacy of good people. Good hardworking people. And this is what I am. I am a hardworking person. E malgre mon laz, mon en dimoun ki evolye as needs be. Mon'n bezwen evolye. Mon'n bezwen keep up with everything. Otherwise you don't stay relevant. Ou bezwen keep up with changes. Ou bezwen kontinyen aprann. You are never too old to learn.

E aprann i vin dekote. Mwan wherever the President

sends me, I will start by learning from the people who are already there. Parske mwan mon kapabilite se sitan avek dimoun. Annou regarde, parske mon krwar i nesese ki nou aksepte, poudir i annan bokou bann bon travay, ki'n ganny fer dan tou Minister par bann travayer of the previous government.

So wherever I'm sent, premye keksoz ki mon pou fer, se asiz ek sa bann dimoun, dan sa bann Minister kot mon ganny mete, regarde avek zot, tou le byen ki egziste, annou konsolid lo la. Ok? Annou konsolid lo la. E si par egzanzp i annan keksoz, ki pa telman alaoter, ansanm nou kapab debate e discuss koman nou pou fer li pli byen. Mon pa krwar dan okenn Minister avek en know-all attitude. Sa se pa mon style.

E mon pou depend a lot lo bann professionals dan sa Minister byensir. E dan staff. E tou staff. Mon krwar ki Prezidan Ramkalawan in war dan mwan en dimoun, ki ler mon commit, mon passionate about what I do. And mon pa pou sanze akoz mon'n ganny en tit Minis.

Pou mwan ler mon Prezidan in call mwan, i ti a kontan mon form part of his Cabinet. Byensir mon ti en pti pe overwhelmed akoz konmsi Minis i en gro tit. But then

when I thought it through, I thought it's just another title. I've held other position. I've managed international companies ki'n trust mwan, isi pou run zot lakonpanyen whilst they were a long way away. So it was down to me to set up a good operation, and to keep up to the standards required.

Alor ler mon'n get over the shock of sa tit Minis, mon'n realize, ki Rose-Marie Hoareau, will always be Rose-Marie Hoareau. Titles come and go, but Rose-Marie is Rose-Marie. So avek sa mersi pour zot latansyon, and thank you for listening.

MR SPEAKER

Mersi Mrs Hoareau. Nou a pas lo kestyon. Parey mon'n eksplike avan, nou pran tou non ansanm, alors ki mon pou fer, mon a pas 2 kestyon kote isi, 2 kestyon kote isi. E mon komans kote isi par Onorab Phillip Arissol.

HON PHILLIP ARISSOL

Mersi Mr Chair. Bonn apre midi. Mrs Hoareau, mon annan en senp pti kestyon, vi ki ou pa ankor konnen, ki Minister ou pou okipe, mon ti a demann ou ki lenportans, ou pou mete lo devlopman bann staff ou Minister a tou nivo? Devlopman ou bann staff.

MRS ROSE-MARIE HOAREAU

Mersi pou ou kestyon Onorab. Mwan mon menm koman zot war atraver - mon CV, mon'n ganny loportinite atraver sa bann lakonpanyen ki mon ti travay avan, pou ganny bokou training, bokou formasyon e mon believe ladan. Parske without that, I wouldn't be en dimoun ki ti pou kapab asize la pou koz ek zot. So mon passionate about sharing my knowledge e mon passionate osi, about motivating the people I would be working with.

Parske mon'n realize, from day one, poudir I cannot do it alone. Mon bezwen sipor bann staff konpetan; bann staff profesyonnel e bann staff ki pare pou travay. Parski parey mon'n dir ou, I am hardworking, so I expect everybody else to be. Me solman mon pou donn zot tou lankourazman. Mon pou donn zot tou motivasyon, e fotespere mon pasyon i rub off lo zot, ki zot osi zot pick up sa pasyon. Thank you.

MR SPEAKER

Mersi Madanm Hoareau. Onorab Gervais Henrie.

HON GERVAIS HENRIE

Mersi Mr Chair. Bonn apre midi tou dimoun. Bonn apre midi Mrs Hoareau. Ou'n dir

nou ki nenport portfolyo ki Prezidan Ramkalawan i konfyè ou, ou pou aksepte, mon 2 kestyon i relye; lekel solman ki dan fon ou leker, ou ti a pli kontan fer? E lekel portfolyo ki menm si ou pou aksepte, me ou pou dir plito i pa ti anvoy mwan laba? Mersi.

MRS ROSE-MARIE HOAREAU

Mersi Onorab pou ou kestyon. Me, *I serve at the pleasure of the President. So I will go where he sends me, and I will do my best there. I hope that I have answered the question.*

MR SPEAKER

Ale, wi.

HON GERVAIS HENRIE

Akoz in ase kourt, solman mon ava demann Mrs Hoareau aköz lefet ki ou en Seselwaz ou'n viv isi, ou'n war Gouvernman performen, lekel solman Minister ki ou santi, ou *leadership skills* i bezwen? Konmsi ou ti ava dir mon al laba mon pou al ...

MRS ROSE-MARIE HOAREAU

Mersi Onorab pou ou kestyon. Me solman mon krwar *it's important to note*, ki *I have not been in government for a long time*. E *well for most of my career, I haven't worked for the government*. Alor mwan,

mon'n toultan dan *private sector*, toultan *busy* dan sa ki mon pe fer, travay pou bann diferan lakonpanyen. *However, obviously* kantmenm ou pa *involve* dan Gouvernman, ou tann bann komantr ki dimoun i dir ou dan sa biro, zot devre en pe pli serye, isi laba. So mon krwar e sa en keksoz ki Prezidan in fer sorti, ki nou bezwen regard en pti pe latitud dan travay. E mon santi mwan avek mon *leadership skills*, mon *management skills*, mon *empathy*, e tou sa ki vin avek, nenport.

Mon krwar tou Minister i bezwen led. *So wherever I go*, mon pou donn sa ki mon kapab donner. *I irrelevant, irrespective of which ministry it is*. So mon pa kapab dir ou mon annan en favori, aköz si ou regard dan mon karyer, mon'n bezwen adapte *to many roles*. *So whatever is offered to me*, mon ava adapte, mon ava aprann, avek mon bann dimoun ki deza la. *And we will share*. Mwan mon a *share* mon leksperyans, zot a *share* zot *knowledge* e ansanm *hopefully it would be a win-win situation*. *So I believe any ministry will* – (kan mannyer mon kapab dir) – *will benefit from my experience*. Mersi.

MR SPEAKER

Mersi Mrs Hoareau. Onorab Loze.

HON JOHAN LOZE

Mersi Mr Speaker. Mrs Hoareau, mon pou tre bref. Mon annan zis en kestyon pou ou, selman dabor mon pe dir ou, sa kestyon mon pe zis aport li de lapar en zenn profesyonnel Seselwa, ki'n anvoy mwan en mesaz. *They're a bit sore right now*, apre serten deba ki'n pase dan Lasanble yer. Me selman ki in dir mwan demann ou li, si ou pou aprann avek bann dimoun an plas, *on the job* avek bann dimoun an plas, akoz pa senpleman promot kelken ki deza an plas?

So akfer eski ladministrasyon Ramkalawan, i santi nesosite *then* pou anvoy ou, ansarz zot ki deza an plas koman Minis? Mersi Mrs Hoareau.

MR SPEAKER

Mrs Hoareau.

MRS ROSE-MARIE HOAREAU

Mersi Onorab pou ou kestyon. Dan mon parkour, dan tou mon bann travay, e dan tou bout mon karyer, mon'n aprann en keksoz. *A good worker, is not necessarily a good leader*. E mon'n war sityasyon dan mon karyer kot en dimoun ki ti travay tre dir,

ti ganny promote pou li vin en *manager*. E mwan mon ti donn mon lopinyon personnel, e dan sa *meeting* mon ti dir *she is a great worker*, me selman, *she doesn't necessarily have the leadership skills*. Zot pa ti tro ekout mwan, mon ti tro zenn, petet mon pa ti osi eksperyanse ki prezan. Me mon ti *still* en dimoun ki ti kapab *read people's character*.

E vreman zot ti promot li e vreman i ti ganny en kantite problem pou *manage* son *team*. So ki mon kapab dir ou *ce que*, i annan dimoun ki travay dir, me selman i mank zot sa *leadership skills*. E mwan ler mon dir mon pou al travay avek sa bann dimoun, mon pe al aprann avek zot. I normal sa. *It would be very arrogant of me*, pou antre dan nenport Minister *and say "Right I'm here*, mwan ki ansarz. Mon ansarz kwa?

Mon bezwen dyalog avek mon bann profesyonnel. Mon bezwen dyalog avek mon *staff*, pou mwan konnen kot zot in arive *so far*. Ki i annan deza lo latab ki nou pe prepare, pou nou *execute*. Get koman sistenm i marse. Parske parey mon dir, mwan mon pou bezwen konpran tou sa bann zafer, avan mon komans enplimant mon fason fer keksoz. Mon pa pou antre dan okenn Minister koman en *know-all*. Non. Mon pou

bezwen travay avek mon bann dimoun.

E parey mon'n dir ou *they know, what they've been doing for years. I will learn from them, whilst they will also learn from me, the leadership and management skills* bezwen, pou nou fer sa Minister e pe pli efikas.

I am not down crying kwa ki'n pase so far. I am simply saying, I will build and consolidate on what is already there.

MR SPEAKER

Mon azour Onorab Vidot. Onorab Loze, mon santi Mrs Hoareau in donn ou, en repons ki *adequate*. Mon realize, mon ti donn Onorab Henrie en 2enm kestyon. Alor *in the name of fairness*, mon pou pas ou laparol. Ale Onorab Loze.

HON JOHAN LOZE

Thank you Mr Speaker. Mrs Hoareau, wi i vre ki ou'n reponn mon kestyon, selman mon ti *lead off* par dir ou, sa i sorti kot en zenn profesyonnel. E ki *they are a bit sore right now*, avek serten *statements*, ki'n ganny fer dan Lasanble yer swar. And ou'n reponn mwan ki en *good worker is not necessarily a good leader*. *Thank you very much.*

MRS ROSE-MARIE HOAREAU

Mon ti a voudre reponn ou, dir ou *at this point*, ki sa i en *statement*, ki *it's a fact*, but also *I would not pass on the opportunity*, pou dir ki mon annan gran respe *for the young professionals*. E atraver sa bann kalite dimoun ki bann dimoun parey mwan, *keep herself updated with the development of this country, and whatever these people are doing*. Mersi Mr Chair.

MR SPEAKER

Mersi Mrs Hoareau. Onorab Romain.

HON GEORGES ROMAIN

Mersi Mr Speaker. Bonswar Mrs Hoareau. Mrs Hoareau i en zabitan Anse Etoile. Mon vremen kontan pou war ozordi la devan nou. Mwan mon'n ganny sans travay ek Mrs Hoareau pou plizyer lannen, e mon konnen ki Mrs Hoareau i en dimoun ki vremen serye, disiplin, efikas. E pou mwan ou *deserve* sa pozisyon. Mon napa okenn *doubt*. Me selman mon annan zis en pti kestyon pou ou. Ki mannyer ou pe pran sa *challenge*?

Akoz mon konnen ou en dimoun ki toultan ler ou'n travay dan bann pozisyon, toultan ou sa dimoun ki pe *lead the way*. Parey ou'n dir, ou annan sa *leadership*. Pou

en pozisyon Minis, definitivman ou pa pou kapab – *ok* ou *delegate*, me selman ou pa pe kapab pe fer tou ou menm. E alors mon ti a voudre konnen, ki mannyer ou pe pran sa *challenge* dan en fason ... Mersi Mr Speaker.

MR SPEAKER

Mersi Onorab. Mrs Hoareau.

MRS ROSE-MARIE HOAREAU

Mersi Mr Chair. Mersi Onorab. *You're right.* Mon pa pou kapab fer tousala mon tousel. *I would have to delegate. And I hope to be delegating to professionals, ki zenn, middle age, of all ages. And, me solman ler ou delegate, pou bezwen delegate avek accountability. The onus still lies with me, as the person in charge.* Me sa i pa solman vedir ki mwan mon krwar mon kapab fer tou keksoz mwan menm.

Me solman sa bann dimoun ki mon pou travay avek, bann profesyonnel, *all team members, all staff,* zot pou bezwen konpran ki ler ou *delegate* en keksoz *to them,* mwan mon *still accountable, and they are also are accountable for delivering. And this is where being* en dimoun ki *monitor,* mon pa zis dir ou al fer sa. Mon *follow you through.* Mon pou donn

ou en *timeframe* pou ou *come back to me. And if you are struggling,* nou a regarde ki mannyer nou a kapab *extend* sa *timeframe.*

Me *at the end of the day, it's a two-way relationship.* Mwan mon pou *delegate, me I would not delegate and walk away. I would delegate and see you through with it.* Mersi Onorab.

MR SPEAKER

Mersi Mrs Hoareau. Onorab Cosgrow.

HON WALLACE COSGROW

Mersi Mr Speaker. Bonn apre midi Mrs Hoareau. Mrs Hoareau, ou CV i montre ki ou annan en long karyer dan Sekter *Tourism,* en? Annefe preski tou landrwa ki ou'n travay se dan Sekter *Tourism,* an vi ki nou pe kestyon en pti pe ou konpetans, ou karakter, ou latitud, mon ti a kontan konnen, petet ki ou pwennvi sirtou la sekter *Tourism* i dan en sityasyon difisil, ki ou pwennvi? Kan mannyer ou krwar sa sekter *Tourism,* i kapab *bounce back?*

Ki bann keksoz ou krwar sa nouvo Gouvernman i devret *bounce back* Sekter *Tourism.* Mon osi war ki pandan ou long karyer, ou'n sanz bokou landrwa. Ki rezon? Eski i annan rezon pou fer avek, latitud, rezon pou fer avek si

ou'n ganny terminasyon? Or kan manner ou'n bouze dan sa bann diferan landrwa?

Aprè 3em en pti kestyon en pe pli senp; mon ti a voudre war nouvo ladministrasyon less lenterè prive. Mon konnen ki ou annan en pasyon. E ou pasyon in *turn into* en pti biznes, ki manner ou pou divors sa pti biznes avèk ou louvraz koman en Minis ler ou vini? Mersi.

MR SPEAKER

Mersi. Mrs Hoareau.

MRS ROSE-MARIE HOAREAU

Mersi Onorab. Mersi Mr Chair. Premyerman pou reponn kestyon lo *Tourism*, ou a war mon ti fer en letan lo en kontra kot *STB as Director of Marketing. That was about 3 years ago*. And ki mon kapab dir ou se, sa *the Marketing Plan for the country of 3 years ago*, avèk *the Marketing Plan for the country today*, should be very different.

I'm not privy to information of ozordi, parske *obviously* mon pa travay laba, me selman mon *common sense* i dir mwan avèk *COVID* e tou sa ki i anmennen, *definitely* mon prezimen Mrs Francis avèk son tim, in bezwen pe fer en lot plan, baze lo ler mwan mon ti sorti, *3 years ago approximately*. Mersi. Me ki

mon kapab dir ou, *simply from experience, is that the way forward*, mon pa pe dir mon konn – mon pe donn lord bann dimoun dan *tourism, in their positions* - non.

Be selman my train of thought lo la, *is this*; nou lekonomi i depan lo *tourism. Right? And I think we should be very proud* ki *we are COVID free*. Mwan mon kapab dir *we are COVID free*, akòz nou bann keksoz i byen *isolated*. Nou bann dimoun i dan zot karantenn kot fodre i ete; Mr Gedeon ek son tim, in met en bon sistenm an plas. *And the control is there*.

Me selman *I believe that I am not privy again*, so *I'm just saying something that may already be happening*, mwan *I will suggest* ki Mr Gedeon ek son tim, i devret petet asiz lo *Marketing Team at the Seychelles Tourism Board*. E ansanm war bann fason pou nou *slowly but surely*, ouver pei, promot *a kind of very responsible tourism, without putting the country at risk*.

Sa i pou senpleman travay Mr Gedeon ek son tim kapab *guide the Tourist Board and the Tourism Board*, i kapab dir ki zot bann konstrent e ki zot, zot ti a kontan war an plas. Pou petet ouver en pti pe plis pei lo – *and start inviting people back*.

After having said that, nou osi bezwen realistik, if si nou regard lo news - international news, nou war poudir nou bann pei prensipal, bann Lerop in annan en lot kriz ankor. All over the place this thing is erupting again.

So mon pa kapab blanm Mr Gedeon and his team for being careful, but I think the two, if they're not already, they should be sitting the Seychelles Tourism Board and Mr Gedeon and son tim, koze, regarde ki mannyer nou kapab go forward, in a commercial and safe way, pou nou kapab rekomans nou lekonomi.

2enm kestyon ti ...?

HON WALLACE COSGROW

(Off-Mic)

MRS ROSE-MARIE HOAREAU

Ok. Well that's an easy one. Pou dir franchement, and I'm being very humble when I say this, but I have to say the truth. I have never really applied for a job. Circumstances have thrown me in jobs. Parey mon'n dir ler mon ti kot Lasirans, en msye ki ti en konsiltan pou State House, Mr Rene, ti mon krwar in al dir Mr Rene, poudir i war mwan pli byen dan tourism. E i ti demann mon transfer.

E at that time, mon ti ankor zenn, mon pa ankor ti tro, tro konpran ki mannyer keksoz ti marse. E ler Mrs Rene, defen Mrs Rene ki ti ansarz SACOS ki ti the founding CEO, SACOS, ti dir mwan, "Rose-Marie I have to transfer you to Seychelles Hotels." Mon ti dir li "Mon pa'n apply en job Seychelles Hotels!" I ti dir mwan, "But the President has asked that you be transferred."

So that's how I started my career in tourism, at request of Mr Prezidan Rene. And then from there, ki ti arive kot Seychelles Hotels, sa in en problemn politik ant bann diferan dimoun of the day. And then I found myself being called to work in another department. Ler mwan prezan, mon ale mon al travay pou Masons Travel.

Then I decided after so many years of Masons Travel, and I had been working since the age of 21, and had never taken time off; konmsi pou en sabbatical ouswa 3mwan ouswa 6 mwan whatever, so, and I was about to give birth to my son, who is now 31.

So I thought I'd treat myself to one year off. Alor I went home, I had my son and I stayed home for about a year. Ler mon dan lakour, mon pti garson ti pres pou al lakres, mon ganny en call, from Travel

Services ki konmela, nou tou nou konn li koman *Creole Travel Services*. *In those days it was Travel Services Seychelles*. Mon ganny en call ki dir mwan, zot ti a kontan mon vin travay pou zot.

E mon garson ti pe al lekòl, ti pe al lakres. *So I decided why not go back to the world of work?* Mon krwar mon ti'n ganny ase konze. *So there I was. I worked at the Travel Services* avek tou mon pasyon. Mon'n reprezant mon pei atraver *Masons Travel ek Travel Services* dan tou kwen pei lemonn.

Mon'n reprezant bote mon pei, tou sa ki i annan pou li ofer, *as a marketing person*. En bo zour, mon pe asiz kot *Travel Services*, par lao dan nor Lorloz laba anler, mon ganny en call ki dir mwan, "Mon ti a kontan ou vin *interview* kot *British Airways*. "E mwan mon dir avek sa dimoun lo telefonn, "*I think you have the wrong number*. "Parske mon pa'n zanmen apply. Mon *very happy* kot mon etc."

E sa dimoun i dir mwan, "*We are headhunting you*." *It was a call from London*. Premye keksoz ki mon fer, mon tay kot mon *Boss*, mon dir li, "*This is a strange phone call. I don't know what to do*." E son larepons *was*, "*Rose-Marie, if you don't go, I will!*

Parske now you have an opportunity to move from a regional company to an international. "

Anfen mon'n al kot *British Airways*. Anba gidans Mrs Vicky Lanza, mon'n debourye, mon'n konpran ki savedir *airline*. Mon ti annan en *very solid team* anba mwan. Mon ti annan en fantastik sekreter, Mrs Celine Rahamjulake – (*God rest her soul*), *who took my hand and showed me the way*, avek sipor Mrs Lanza avek *this wonderful team*, *that I had to work with*. *And I proved myself*.

E *a few years later*, nou run into the *foreign exchange issue*. Nou ti napa larzan. Ti napa *foreign exchange* dan pei. *British Airways* ti war li avek en ta milyon dan Sesel, ki pa ti pe kapab ganny *convert* an Liv Sterlen pou ganny anvoy Langleter, pou ganny repatriye, e la vwala kot en gran diskisyon ti komanse ant le 2 Gouvernman Angle avek Sesel, pou sey *come to an agreement*.

E finalman apre bokou, bokou presyon, negosyasyon, fer konpran tou lede kote, *British Airways* ti ganny son larzan, ti repatriye. *And because* nou ti ankor byen menm dan sa sityasyon *forex*, zot ti deside *pull out*. E vwala ki mon ti war *myself* avek mon

bann travayer, ek mon bann koleg, ki *we were suddenly without a job through no fault of our own*. Me Bondye i bon. En laport ti fermen e an menm tan *Qatar Airways* ti pe antre.

E sa msye ki ti'n vin *recruit pou Qatar Airways* i antre dan mon biro, en zour, i dir mwan – *"I would like you to head Qatar Airways in Seychelles."* E vwala kot mwan e mon bann koleg, nou tou nou'n kapab rebran nou souf. Nou'n al dan en *lot airline*.

And I'm proud to say that both airlines, in montre – in teach nou bokou. Enn i ti *the World favourite airline* – enn i ti en *5 Star airline*. *So we've learnt from them and our standards kept going up*. E malerezman ankor enn fwa, avek bann pti kankan ki ti annan *Qatar Airways*, osi i anmas pake i ale. E ankor enn fwa, nou war nou *redundant*.

So we had to reinvent ourselves. E sa *ce point* la, ki *the then Minister for Tourism* ti ofer mwan en *job*. Mon ti ganny osi ofer plizyer *job* avek lezot konpanyen dan prive, me mon pasyon ti *tourism*, so *I went and worked for the Tourist Board*. E a laz de *60an*, mon ti – *I thought I'd worked hard enough all my life, and I chose to go home*. *And vwala, mon pe enjoy mon retirement barely 3 months,*

que Mr Jackson, the managing Director of MCB i dir mwan, *"Vin donn mwan en koudmen, dan Customer Service dan MCB. You have the experience, you have the knowledge, vin donn mwan en koudmen train mon staff."*

E vwala, *I ended up at MCB, where I'm still am at this moment, on a retainer basis*.

MR SPEAKER

Mersi Mrs Hoareau. Mon krwar sa repons ase detaye. Mon ava al lo Onorab Clifford Andre.

HON CLIFFORD ANDRE

Mersi Mr Chair. Mon pa pou long. An vi ki ou pe ganny apele pou vin en Minis dan en sityasyon kot i annan *COVID-19* e osi bann sityasyon ekonomik, ki mannyer ou santi ou plase - petet ou karakter, pou kapab ede ki Sesel, sa Gouvernman ki la, en Gouvernman *LDS* i ava sorti dan sa sityasyon? Oubyen met Sesel dan en pli bon pozisyon, dan le fitir, gradyelman? Mersi.

MR SPEAKER

Mersi Onorab. Mrs Hoareau wi.

MRS ROSE-MARIE HOAREAU

Mersi Onorab pou ou kestyon. Si mon konpran ou

byen, ou kestyon i similer avek sa enn avan, ki ou pe demann mwan koman nou pou *go forward* avek COVID, is that it?

HON CLIFFORD ANDRE

Ki mon pe dir se ki i annan sityasyon ekonomik dan Sesel, akòz nou pa konnen ki Minister ou pou al okipe. So i kapab en Minister kot i diferan, so ki mannyer ou pou ed Sesel - COVID ki'n met nou dan sa sityasyon ekonomik. *I'm not* - i pa kestyon COVID, i ki mannyer ou pou ed pei, pou sorti dan sa sityasyon ki i ete. Metan ki Minister e ou leksperyans ki ou annan. Mersi.

MRS ROSE-MARIE HOAREAU

Mersi. Mwan kan mannyer mon war mwan pe ed Sesel? *The only thing I can do to help Seychelles is, donn mon leksperyans, donn mon skills ki mon posede, in which ever ministry I go. And I sincerely believe that, I can bring something to help, in the daily workings of a ministry. Again I go back to my leadership skills, and again I go back to my management skills.* E mon krwar atraver sa, definitivman mon kapab kontribye dan nenport Minister. Mersi.

MR SPEAKER

Mersi Mrs Hoareau. Onorab Richard Labrosse.

HON RICHARD LABROSSE

Bonn apre midi ankor enn fwa zot tou. Bonn apre midi Plaisance. Mrs Hoareau, mon'n sivre ou en pe ou bann aktivite, sirtou avek Lasosyasyon Kanser, parske par mon manman ek papa tou le de in perdi avek sa, so ler mon'n ekout ou, ou en dimoun osi ki annan en gran latasman avek servis. So mon kestyon i pou koumsa en - mon ti a kontan si ou donn nou dan ou prop mo, ki mannyer ou'n war servis? Ou'n bezwen al en kou dan bann biro parla dan Gouvernman, *and so on.* So dan ou prop mo, dekrir en pe servis piblik ki ou'n war dan pei dan sa bann dernyen lannen, *please?*

MR SPEAKER

Mersi Onorab. Mrs Hoareau.

MRS ROSE-MARIE HOAREAU

Mersi. Koman mon kapab dir sa byen? Dan tou biro, dan tou departman, ou war poudir i annan dimoun ki donn ou sa bon servis, e i annan dimoun ki pa telman enterese pou donn ou en bon servis. Mon krwar sa i en pti pe partou. *And this is where I'm lucky* ki mon annan sa *training skills*, ki mwan *wherever I am sent*,

mon pou servi tou sa ki mwan mon'n aprann lo *train e coach* dimoun. Akoz *I believe in giving people second chances.*

Si mon antre dan en Minister, kot petet enn ou de manm sa bann *staff*, i tant pou en pti pe – konnen demen, apredmen, pa fer nanryen, fer sa dimoun monte, desann; vin rod en *file* pa war, *this is not acceptable!* Akoz mwan mon santi ki ou pe ganny en saler pou servi en dimoun. *And I think it's high time* nou met lafyerte dan servis!

I have been in the service industry preske all my life, and I am not ashamed. I have served so many different people, from across the board; across the political divide. Me selman mon santi petet annandler, dan serten dimoun, zot santi ki si zot donn ou en servis, konmsi zot pe abes zot lekor. *But that is not the point.*

Ler ou donn en servis, ou lakonpanyen, ou lazans, ou Minister, *gets a good name.* E parfwa bann zistwar ki ou tande, mon demann mon lekor, be oli sa bann dimoun ki ansarz sa bann dimoun ki pe fer sa? *If you are allowed to be lazy, if you are allowed to be unaccountable,* e personn pa pe vey ou, personn pa pe *coach* ou, personn pa pe dir ou poudir sa i mal. Piblik i devret ganny en servis, zot ki pey nou

saler. *So I am just hoping, ki wherever I go, I can bring lafason ki mwan mon panse lo servis, to the people who would be working with me.*

HON RICHARD LABROSSE

Savedir ler dimoun Plaisance pou vin dan ou lofis, zot pou ganny sa bon servis.

MR SPEAKER

Mersi Onorab e mersi Mrs Hoareau. Onorab Aglae.

HON EGBERT AGLAE

Mersi Mr Chair. Bonswar Mrs Hoareau. Mrs Hoareau mon war poudir ou forte, lo ou CV i dan *Sales and Marketing*, mon ti ava kontan premyerman demann ou, dan nenport ki portfolyo Minister ki ou pou ale, ek sa sityasyon ki nou ladan ekonomik, kwa ki ou petet mon ti ava demann ou, pou ou priyorite No.1 pou Sesel? Sa i enn.

Dezyenmman, ou'n fer resorti, ki ou pare pou ou kapab travay avek tou bann *tranche d'age*, dan okenn departman, ouswa Minister, ki mannyer ou pou kalifye ou lekor koman en dimoun ki pou pe *provide leadership?* Pou fer ki tou sa ki tonm anba ou direksyon, ki annan sa lantant, lanmitye li menm li, pou fer ki zot donn zot 100poursan, pou ou kapab reisi dan ou travay?

E dernyerman mon ti avazis kontan demann ou, eski ou en dimoun ki anbisye?

MR SPEAKER

Mersi Onorab. Mrs Hoareau.

MRS ROSE-MARIE HOAREAU

Mersi Onorab. Mon priyorite premyerman, se *whichever ministry* ki mon ganny anvoye, *my priority is to understand what goes on in that ministry*, pou mwan pli kapab byen zer li, avek mon bann dimoun ki pou travay avek mwan.

Ou 2enm bout kestyon *ce que*, mon bann koleg, ki manner mon pou travay avek zot, eksetera. Mon krwar mon rikord i montre, poudir mon'n travay tre byen, avek tou dimoun *at all level*, pandan mon karyer ziska prezan kot mon'n arive. Akoz mon krwar si mon pa ti'n fer sa, mon pa tro krwar, mon ti pou ganny *headhunting* par diferan dimoun, diferan lakonpanyen.

Parski dimoun i ekoute, dimoun i analize, lakonpanyen zot pa zis anploy nenport ki. Zot fer zot *groundwork*. Zot rode bann kalite, bann karakteristik ki zot oule war dan en dimoun, ki pou konplimant, zot biznes ouswa zot Minister. E mwan *I'm very proud* ki Prezidan Ramkalawan in war sa dan

mwan. *And I have his vote of confidence* lo la.

And how do I qualify myself as a good leader? I qualify myself as a good leader, by listening, communicating, understanding. And having clear objectives ki tou dimoun i konpran ki nou sipoze pe fer. Ou pa kapab ekspekte, *any department, or any organisation* succeed byen si tou dimoun i ankor en pti pe bouye, zot pa konnen ki zot sipoze pe fer; enn i dir sa, lot i dir sa. Ozordi enn i dir sa, demen nou dir nou fer en lot manner. *We need to have clear cut objectives.*

E ler nou annan *clear cut objectives, the leader knows where we're going, and the people working for the person also or with the person, also knows where we're going.*

Am I ambitious? Definitely no.

MR SPEAKER

Mersi Mrs Hoareau. Onorab Michel Roucou. Mersi.

HON MICHEL ROUCOU

Mr Chair, mersi. Bonswar Mrs Hoareau. Bonswar tou Onorab. Bonswar tou zabitan Mont Fleuri. Mrs Hoareau, dizon demen, i arive kot Prezidan i donn ou portfolyo, pou Later ek Lakaz, eski ou pou fer sir ki sa Minister, i vin

en Minister kot i annan lazistis? Akoz mon pou dir ou sa, se ki i annan en madanm 82an ki reste Corgat Estate, Mrs Sinon in war tou son vwazen obor li ganny donnen lakaz Corgat Estate, e li, li tousel, in ganny dir poudir i pou al Perseverance akoz son afilyasyon politik. Mersi.

MR SPEAKER

Mersi Onorab. Mrs Hoareau.

MRS ROSE-MARIE HOAREAU

Mersi Onorab pou ou kestyon. Ki mon kapab dir ou, se sa lo mwan. Depi laz 21an mon dan lemonn travay. Ozordi mon annan 64an. E sertenman *throughout my career*, mon'n bezwen travay e rankontre avek dimoun *from all political divides*. Alor mon larepons *ce que*, mwan *at this age*, mon pa pare pou mwan sanz mon prensip *of impartiality and fairness*. I tro tar pou mwan sanze.

Mon 64an, mon annan serten prensip e pou sa mon fyer, ki mon bezwen rekonnet mon defen manman. *She has always instilled in us, "You have to be fair."* Kot i merite, fodre ou fer li byen. Si ou pou fer keksoz, fer li byen."

So I am not about to change my karakter, akoz mon vin en Minis, pou mwan komans *penalise* dimoun, *left,*

right and center. Every case, will be looked at based on its merit. E desizyon byensir pou ganny fer avek bann imput bann profesyonnel. But under my watch, there will be no political victimization.

MR SPEAKER

Mersi Mrs Hoareau. Onorab Terence Mondon.

HON TERENCE MONDON

Mersi Mr Chairman. Mon kestyon pou Mrs Hoareau. Sa nouvo Gouvernman, i met bokou lanfaz lo bon governans, kot resours piblik i konsernen, alor mon le demann ou, ki ou pozisyon lo sa size? Mersi.

MRS ROSE-MARIE HOAREAU

Onorab eskiz mwan, ou kapab redir mwan sa kestyon ankor en pti kou silvouple?

(Interruption)

MR SPEAKER

Onorab Mondon, zis repet ou kestyon pou Mrs Hoareau.

HON TERENCE MONDON

Sa nouvo Gouvernman, i met bokou lanfaz lo bon governans, kot resours piblik i konsernen. E mon anvi konnen ki ou pozisyon lo sa size? Mersi.

MRS ROSE-MARIE HOAREAU

Mersi Onorab. Ou konnen ler ou travay pou en lakonpanyen prive, *you are accountable for every cent that you spend. And this is something ki de toute façon, mwan mon en dimoun ki vey byen mon larzan personnel. Alor ler ou pe travay ek larzan Leta, ouswa ek larzan en lakonpanyen, you have to get accountable. And I am just hoping ki mon kapab devlop, sa mantalite, wherever I go. Nou bezwen account... even dan mon bann travay volonter, koman en manm Soroptimist, even as a charitable group, we have to be accountable.*

Parske se larzan piblik ki nou ganny sponsor, pou nou fer bann *charitable works*. So mwan dan mon lavi antye, mon antoure par *accountability. My own money, public's money, e larzan wherever I am working that belongs to, wherever it's a private company, or a ministry, we have to be accountable.*

MR SPEAKER

Mersi Mrs Hoareau. Onorab Audrey Vidot.

HON AUDREY VIDOT

Mersi Mr Chair. Bonn apre midi tou bann Onorab, tou dimoun ki a lekout. Mrs

Hoareau, an regardan ou CV, mon war ki ou annan sa leksperyans dan sekter prive, e plis dan Sekter *Tourism*, alors avan ki Lasanble, i aprouv ou nominasyon, eski ou kapab partaz avek Lasanble e piblik, nouvo lapros ki ou, ou pou kapab partaz avek *Cabinet of Ministers*? Akoz ou pa ankor konnen ki egzaktaman ki portfolyo ou pou ganny atase avek, ki ou kapab kontribye pou elev Polisi aktyel ki pou kontribye promot, nou Sekter *Tourism* dan sa moman ki pei pe fer fas avek? Mersi.

MR SPEAKER

Mersi Onorab. Mrs Hoareau.

MRS ROSE-MARIE HOAREAU

Mersi Onorab. Mon krwar mon'n reponn sa kestyon en pti pe taler. Mon pa konnen si ou ti a kontan, mon elabor en pti pe plis. Parski parey mon'n dir, mon ti kit *Ministry of Tourism 3 years ago and things have changed*. Ler nou ti annan nou *Acting Plan of 3 years ago*, nou ti konn egzaktaman ki nou pe fer, ki pei nou pou al fer nou promosyon, e tousala in en gran debate. In en gran ... I pa konmsi ou, ou al Langleter, mwan al Lafrans, *whatever. There's a plan that comes behind it*. Be selman pou le

moman la, i en pti pe difisil pou mwan dir ou, ki lentansyon *the ministry*.

MR SPEAKER

Mersi Mrs Hoareau. Onorab Andy Labonte.

HON ANDY LABONTE

Mersi Mr Chairman. Bonswar a tous bann koleg Onorab. Bonswar spesyal Mrs Hoareau se ki la. Koman en dimoun ki mwan, mon konn ou annefe, petet mon 2 kestyon, mon pa vreman bezwen sa larepons, me i enportan pou bann dimoun ki deor. Alor mon ti a kontan ki ou reasir, bann dimoun ki la deor. Mon premye kestyon i vize lo nou profesyonnel.

Akoz i annan en politik ki, mwan mon pou apel sa bann politik sal ki pe deroule, anver profesyonnel. Mon kontan ou'n dir poudir ou senser avek nou Prezidan. Alor nenport ki portfolyo ou pou pran. So ki ou personnelman, ou pou fer, pou fer sir ki nou bann profesyonnel ki sa Gouvernman sortan, pa'n donn zot lankourazman, pou reste Sesel pou travay. Ki ou, koman Minis ou ganny nenport ki portfolyo, pou ankouraz zot pou retourn dan pei, pou revin travay pou nou? Sa i mon premye kestyon.

E mon 2enm kestyon, ankor en keksoz ki vreman dan mon leker, e ki mon krwar nou *share* parey, akoz nou sorti dan *Tourism* sirtou, konsernan *customer service* avek *service delivery*. Mon krwar i en keksoz ki lo nivo Nasyonal i en keksoz ki fodre nou travay lo la. Alor, mon kestyon ki vreman ou koman sa Minis, ki nou pe al donn ou sipor pou antre dan *Cabinet*, ou pou fer, pou fer sir ki i annan en gran amelyorasyon lo sa 2 size? Mersi.

MR SPEAKER

Mersi Onorab. Yes Mrs Hoareau. Wi.

MRS ROSE-MARIE HOAREAU

Mersi Mr Chair. Mersi Onorab. *Returning graduates*. Mwan mon kapab dir ou, mon pwennvi personnel ki *returning graduates*. Me, *we are all very new at this*. Nou ankor dan en *process* kot nou pa tro konnen kot nou pe ale. Ki Minister ki nou pou ganny anvoye, alor *I can just give you my personnel feedback lo returning graduates*.

Mon krwar *returning graduates should be encouraged*. Akoz mwan *once upon a time*, mon ti en *returning graduate*. Akoz mwan mon ti annan en *choix*, retournen ouswa pa

retournen. Parske ler Koudeta ti arive, mon ti Langleter. *So I had a choice of staying in England or coming back. I chose to come back.*

E mon'n travay byen fyer pou mon pei. Alor mon krwar, nou bezwen regard en pti pe - mon pe zis dir mon lopinyon personnel, ki petet pa relevan la, me selman ou'n demann mwan en kestyon mon a sey reponn ou, *I believe, that returning graduates should be given - koman? Sa valer ki zot merite. We should look at their-. Konmsi parfw a i dir ou 'nul n'est prophète en son pei.'*

Nou bezwen komans fer nou bann profet retourn dan nou pei e donn zot sa lenportans, ki zot *deserve. Now again it's not because you're a graduate, ki vedir ou pou zis vini, asize, mwan mon en graduate, wi mon retournen, whatever, big deal. You need to come and work! You need to prove yourself! So returning graduates should be encouraged to come back. But they should also know ki zot bezwen vin travay dir.*

As for customer service, Andy ou konn byen sa se mon pasyon Onorab. Ou konn byen sa se mon pasyon. So kot mon'n pase, I'm proud to say, mon'n lev standar customer service. And even whatever Ministry ki mwan mon ganny anvoye, this is also

going to happen. Mon pa pe dir ou napa déjà, mon pou build lo sa ki annan, pou fer li even better.

E sa i la bonn volonte sa bann *staff*. Mwan mon pa kapab fors zot. Mon kapab *train* zot, mon kapab *coach* zot, mon kapab *mentor* zot. *But it's the attitude. The individual attitude that would play a big role, in how successful we are.* Mersi.

MR SPEAKER

Mersi Mrs Hoareau. Onorab Sebastien Pillay.

HON SEBASTIEN PILLAY

Mersi Mr Chairman. Bonn apre midi. Bonswar tou dimoun. Bonswar Mrs Madanm Hoareau. Byenveni dan Lasanble Nasyonal. Mrs Hoareau dan ou bann larepons, i annan en keksoz ki ou'n dir ki'n si oule ki'n *raise* en pti pe mon konsern. *In every single job that you've had, you've been offered the job. Ou pa'n zanmen seemed to have applied for the job. You've been offered the job. From sa enn State Assurance, somebody from State House. Sales Manager Air Seychelles. The same thing, everywhere (it's) been offered a job, to the one with MCB, offered a job.*

E ou konnen i annan bann dimoun ki ganny ofer en louvraz, i annan bann

dimoun ki bezwen *apply* pou en louvraz. So eski ou, si ou ganny apwente koman en Minis, ou pou pratik en filozofi, *rather than* ofer en dimoun en louvraz, plito *allow* maksimonm dimoun pou *apply* pou en louvraz lo en baz merit, sa dimoun ki meyer pou sa bann louvraz, i ava ganny swazir? Mersi Mr Hoareau.

MR SPEAKER

Mersi Onorab. Mrs Hoareau.

MRS ROSE-MARIE HOAREAU

Mersi Onorab. Mersi Mr Chair. *You know*, mwan mon regard lefe ki *I was headhunted for all these jobs as a big compliment*. Ki vedit, sa bann dimoun ki'n war mwan travay, in anvi mwan dan zot tim. Zot in war mon karakter. Zot in war mon kalite. Zot in war *what I would offer, in what I was doing at the time, and zot ti anvi mwan, be part of their team, to push it even further*. So pour mwan sa i en konpliman. I pa vedit ki konmsi *I was laid back and here I am*. Non. *People saw in me, what I did well and they wanted me to be part of their team*.

Ler prezan mon pe regard li lo parey ou'n dir, lo parey ou'n dir bann dimoun ki pou ganny sans travay, *apply for a*

job or whatever but this is exactly it.

Ou ganny sa ki ou merite. *Alor si ou apply for a job, and over and above your qualifications, you come across as somebody who will be hardworking, who will be responsible pou ou aksyon, who will be accountable, who will help the others around you, then you're a winner*. Alor pou mwan, se sa ki mon rode ler mon pe al anpoy en dimoun.

MR SPEAKER

Mersi Mrs Hoareau.

HON SEBASTIEN PILLAY

(Off-Mic)

MR SPEAKER

Silvouple fer li bref.

HON SEBASTIEN PILLAY

Mon pou fer li tre bref Mr Chairman. Mon krwar Mrs Hoareau pa ti'n vreman sezi mon kestyon. *In one instance*, en dimoun ki ti konn Prezidan Rene, e Prezidan Rene ti –

MRS ROSE-MARIE HOAREAU

(Off-Mic)

HON SEBASTIEN PILLAY

Well ok, that's the thing. Konmsi sa dimoun ti konn sa lot dimoun. *What I'm saying is* ler ou annan en lenstans kot

en departman gouvènmantal - en dimoun ki konn en dimoun dan en departman gouvènmantal, i vini; par egzanp i war Mr Mancienne – Mr Speaker, i dir *Mr Speaker would be perfect for this job.* Me selman sa louvraz in ganny *advertised*, lezot dimoun in *apply* pou sa louvraz. Sa bann lezot dimoun i pou napa sa kontak ki Mr Mancienne i annan. *I hope you understand what I'm saying.*

So la koman sa dimoun ki pou *head sa ministry*, kwa ki pou donn mwan – ki pou met mwan at ease, ki ler par egzanp ou pou pas dan en landrwa, ou war en dimoun pe performen dan en fonksyon ou pou dir *ar he would be very good for my ministry, I'd take you onboard. But at the same time* pou annan dimoun ki pou *apply* pou menm louvraz, ki pou'n *have gone through the interview process*, me ou, ou pou'n swazir sa dimoun.

So sa ki mon pe demann ou pou fer se, eski ou pou pare, pou *apply* en sistenm ki *the best person* i a kapab *apply* pou en louvraz, *as appose to* mon swazir sa enn *because I feel that one-?*

About you Mrs Hoareau, the question wasn't about you. That wasn't you. It was about ki ou, ou pou fer as en dimoun ki pou *lead* en Minister, i en

fonksyon tre enportan. Mersi Mr Chairman.

MR SPEAKER

Mersi Onorab. Mrs Hoareau.

MRS ROSE-MARIE HOAREAU

Mersi Mr Chair. Mersi Onorab. *My apologies for not really understanding, but just a small clarification. The person did not know Mr Rene. The person worked with Mr Rene. He was part of State House. E going forward* dan ou larepons, se sa; ler ou annan en pozisyon, ki ou bezwen *fill the position*, premyerman ki ou fer, ou regard otour ou, si ou napa en dimoun ki konpetan, pou pran sa plas. *Because in al fairness, the priority goes to someone who is capable. Not because you have been there the longest.*

You know, petet ou'n la 30an, ou merit fer li monte. Non. Petet ou'n la 30an, ou'n la 20an, what did you perform? What did you deliver? So ler ou pou al anploy en dimoun, that's the way I do it. Ou regard otour ou premyerman, si ou annan dan ou tim, sa dimoun ki'n prouv son lekor ki i kapab fer sa louvraz. *And you hope there is.*

Parske i annan bokou profesyonnel, dan diferan Minister, be *at the same time,*

ou bezwen *honest with yourself, what is better for the ministry? This is what poaching is all about. Poaching is looking out for people*, ki ou konnen pou vin ed ou tim, fer pli for. Si dan sa departman kot mon ete, i annan sa dimoun ki merit, ki annan sa kriter, ki *obviously*, i pe monte, i pe ganny en promosyon, so i vin en lot *level*. I nepli zis en *team member*, la. La i en dimoun ki pe vin ansarz en keksoz.

So nou rod son kapabilite. Si i mank li en pti bout, pou fer li vin en *complete person*, nou *train* li dan sa pti bout ki i manke. *And then we have someone from within your organisation. But if you don't, what do you do? You have to look outside. E in all fairness, ou fer le procedure. Se tou.*

MR SPEAKER

Mersi Mrs Hoareau. Onorab Philip Monthy.

HON PHILIP MONTHY

Mersi Mr Chairman. Bonswar a tous prezan. E bonswar tou dimoun ki pe swiv sesyon Lasanble. Mrs Hoareau, ler mon'n pas lo ou CV, mon'n war ki ou annan en *vast leksperyans dan airline management ok?* E anv sityasyon aktyel nou *National Airline, Air Seychelles* ki pa prevwar en fitir ase briyan,

donk mwan mon ti a zis kontan ganny ou lopinyon personnel lo *Air Seychelles*. Ki ou pe prevwar a lavenir pou nou *airline?* Si ou annan en lopinyon lo la.

E koman en fitir Minis, eski ou pou aplike dan bann desizyon? Kwa ki ou kapab ki petet i a kontribye, i a ede sov nou *National Airline?* Mersi.

MR SPEAKER

Mersi Onorab Monthy. Mrs Hoareau, wi?

MRS ROSE-MARIE HOAREAU

Mersi Onorab, Mr Chair. *I'd worked for 2 lezot airline, ki napa nanryen pou fer avek Air Seychelles. E sitting where I am today, I really would not like to comment, avek tou respe. Mon pa ti a voudre make any comment about Air Seychelles, because I have never really been involved with Air Seychelles. Me solman si ou pe demann mwan, mon pwen lo en pwennvi marketing, or the country, it's a great plus to have your own National Airline. E sa i part dan nou lafyerte. And I think, napa byen, byen dimoun dan sa lasal, ki pa ti a voudre see the Creole Spirit Flag still flying for a long time. Me other than that, mon pa pou kapab al dan detay Polisi ki nou pou fer pou Air Seychelles. It would be very*

wrong of me to go down that road. I hope you understand.
Mersi.

MR SPEAKER

Mersi Mrs Hoareau.
Mon a pran dernyen kestyon sorti kot Onorab Gill.

HON CHURCHILL GILL

Mersi Mr Chair. Bonn apre midi Mrs Hoareau. Dan sa konzonktir ki kot nou ete ozordi, sa *tourism* ki nou ti konnen, ozordi i pa vreman le la. E sa nou konnen aköz tou nou bann *traditional market*, tousala pe ganny afekte. E i tre difisil la, pou nou pou ankor en pe letan ki vini krwar poudir sa *tourism* ki nou ti konnen, i pou vreman anmenn nou serten benefis. E la dan sa konzonktir, menm si nou annan nou *leadership skills*, nou *management skills*, e tousala i pa kapab ed nou aköz sa fakter i an deor Sesel.

Eski si ou ganny swazir koman Minis Touris, ou pou pare fer ou *Cabinet* konpran pou dir gete sa *tourism* ki nou ti konnen, nou pa kapab *rely* lo li, pour *quite some time to come*. E pour nou komans war ki lot lapros ki nou kapab fer, pou nou kapab pa ganny afekte sa kantite, *knowing that tourism* ozordi i pa parey sa ki nou konnen? Mersi.

MR SPEAKER

Mersi Onorab Mrs Hoareau.

MRS ROSE-MARIE HOAREAU

Mersi Mr Chairman. Mersi Onorab. *I think the way forward*, si mon ganny apwente dan sa Minister, mon ti pou premyerman, *convene* en – *parski remember I've been out or it for 3 years. Ok*, mon swiv li byensir. I toultan mon pasyon me solman mon pa *privy to information*. Me selman, si mon ti pou *definitely* mon pou bezwen *impress lo the Cabinet, that* parey ou'n dir korekteman, i nepli parey. Me selman, koman mwan mon pou kapab fer en desizyon lo la?

Mon pou kapab fer en sizesyon – pa desizyon, me en *proposal, by calling in* nou bann Direkter *overseas, because they are hands-on* lo zot *market*. E set atraver zot *input, e discussion*, deba, zot bezwen *back up* zot bann *argument*. E osi nou bezwen regarde ki lezot zil pe fer. Ki lezot, pei pe fer. Aköz nou, nou pa kapab reste dan en *bubble*. Nou bezwen get en pti pe osi nou bann konpetiter ki zot, zot pe fer. *How are they coping?*

E nou kapab osi pran en pe, bann bon keksoz ki zot pe fer, adapte si i posibil pou nou, *and hopefully* annan en keksoz ki *eventually* kapab larg sa lekonomi en pe. Me

solman an fezan sa, *always remembering* poudir nou bezwen travay avek Dr Gideon ek son tim. *Parce que* nou, nou *passionate* avek *tourism* ek *marketing* vann Sesel, *is one thing, but we need to minimise the risk of the COVID spread here in Seychelles.*

Me selman nou bann dimoun ki pe asiz dan bann biro *overseas, would play a very big role in this discussions. I hope that I have answered your question.* Mersi.

MR SPEAKER

Mersi Mrs Hoareau.

MRS ROSE-MARIE HOAREAU

Mersi.

MR SPEAKER

Nou'n ariv a lafen, sesyon keston. Alor nou a remersi Mrs Hoareau pou son partisipasyon. E nou a envit li pou fer son depar. Mersi.

(MRS ROSE-MARIE HOAREAU WAS EXCUSED FROM THE HOUSE)

MR SPEAKER

Mersi. Bon prezan nou a retourn dan Staz Lasanble. Mersi. Nou ava retourn dan peryod deba. E onorab Georges avek Onorab Pillay, eski nou annan en lantant lo

konbyen dimoun pou koze ki zot pe propoze? Onorab Pillay, ou premye, ki ou'n propoze ki-

HON SEBASTIEN PILLAY

Mr Chairman, mon pa konnen si i annan dimoun ki oule entervenir lo mon kote, me solman mwan mon pou entervenir.

MR SPEAKER

So ou ou a koze.

HON SEBASTIEN PILLAY

Mon pou entervenir, wi.

MR SPEAKER

Ok nou a fer li 3 lo kote isi e 3 kote laba? Ok? Nou a komans avek Onorab Loze.

HON JOHAN LOZE

Mersi Mr Speaker. Mr Speaker mon bezwen komans par remersi Mrs Hoareau ki'n aparet devan nou ozordi. I en madanm avek en fort konpetans. I en bon *Seychelloise* e i plen avek lantouzyazm ek bonte. Sa ki nou'n war i en dimoun onnet, i en dimoun fran, e i kler ki i en dimoun ki pans dibyen pou son pei avek son pep. Sa i kler. Me en keksoz ki egalman kler, i annan en dizonans ozordi dan *LDS*. Depi yer zot pe anvoy dimoun dan nou Lasanble, ki pe dir keksoz ki mon asire i pa entansyonnel, me ki pe tonm mal dan zorey

nou bann profesyonnel Seselwa. Sa i agrave ler bann lezot Manm ki pe asiz isi, i dir keksoz parey, ‘i annan ki pe fer bann politik sal lo bann profesyonnel.’

Be bann sel dimoun ki’n vremen dir bann parol ki kapab ganny pran kont par bann profesyonnel, se zot bann kandida pou pos ministeryel. Pa personn ankor. *So already* letan zot pe dir sa, se zot menm zot pe koz kont zot prop kandida pos ministeryel. *E so far* nou lo sa kote, sel keksoz ki nou esey fer, se ed zot dan sa demars; ed zot pou ganny bann bon Minis. Ed zot pou zot ganny bann bon reprezantan dan *Cabinet* Prezidan Ramkalawan. (Ase tonm kriz Onorab Francois. In tar la, ou a pet en lavenn.)

MR SPEAKER

Silvouple les Onorab koze.

HON JOHAN LOZE

Mr Speaker, i annan en *text* la devan mwan, sorti kot en zenn profesyonnel, apre ki Onorab Reprezantan La Rivière Anglaise, ti’n fer sa komanter politik sal, e sa profesyonnel in anvoy mwan en *text*, i dir mwan “*Forget professionals from overseas. What about* sa bann ki la ater?”

En senp pti *text* tre kourt, ankor ki montre sa dizonans ki annan lo zot kote. Mon pa pe dir sa an mal. Mon pa pe dir sa pou takin zot. Mon pa pe dir sa koman en largiman baton. Mon konnen mon pa pe fer parey mon ti fer, letan zot, zot ti pe asiz lo sa kote latay. Mon pe zis prezant zot avek en senp fe. Mon pe avans konsern devan; en *issue* ki’n leve depi yer swar. E ozordi letan mon’n adres kestyon avek Mrs Hoareau, mon ti pefas mon kestyon avek lefe, ki’n annan *issues* depi yer otour sa bann size.

Mon a lir en lot mesaz ki mon’n gannyen, sorti kot en lot profesyonnel Seselwa, enn ki en bon zanmi avek mwan, e li sa enn ki la, i travay dan Tourizm li. E i anvoy mwan sa, avek en premonisyon ki Mrs Hoareau pe vin son Minis tre byento. E la, la ki li i annan pou dir.

I oule servi *knowledge* e kapasite bann zenn profesyonnel, pou *keep* li *updated in the field*. Me selman, i pa krwar nou annan sa kapasite pou *lead*. Dan sa ka kekfw sa son *knowledge ek experience*, i pa *outdated* pou *lead* dan sa nouvo normal ki nou ladan. Petet nou bezwen en dimoun pli *mentally agile e dynamic*.

Sa la, i pa mon parol sa. I en *text* ki mon’n resevwar, an

reaksyon direk avek sa *interview* ki nou'n fer ozordi avek Mrs Hoareau. E mon pa krwar ki entervansyon Onorab Labonte, in ede eklersi keksoz, ouswa met nou bann profesyonnel la deor, *at ease*. Zot bezwen konpran sa, pir politik batonnen ki ti pe deroule avan la, nou bezwen arete. Nou bezwen evolye, en pe. Nou dan en *process interview* pou bann kandida pos ministeryel. En keksoz enportan.

Bomaten mon'n *remind* zot parol Prezidan Ramkalawan, i tro enportan pou nou *rush* avek. I menm tro enportan pou zot kontribye, anver malez ki'n deza ganny kree, pa entansyonnelman, pa malisyezman, par zot bann prop kandida pou pos ministeryel. Se zot ki'n kree sa sityasyon, se zot ki'n kree sa malez. Se zot ki'n kree sa dizonans. E prezan, zot bann Manm LDS, zot patouy ladan, *and make it worse!*

E oule met nou bann profesyonnel deor *at ease*, ki zot, zot pe vin avek bann kandida ki *suitable*, ki pou *nurturing*, ki pou kree en lanvironnman ki kapab *allow professional growth*, zot patouy ladan, zot *make it worse*.

MR SPEAKER

Onorab Loze, si ou kapab adres konpetans Mrs Hoareau silvouple? Adres konpetans Mrs Hoareau e pa akiz bann lezot Manm lot kote. Mersi.

HON JOHAN LOZE

Mr Speaker, i pa en lakizasyon, se i en fe. Nou tou nou'n trouve. *It goes out on live television*. Tou dimoun i trouv zot. Mersi Mr Speaker.

MR SPEAKER

Mersi Onorab Loze. E mon apel Onorab Andy Labonte.

HON ANDY LABONTE

Mersi Mr Chairman. Bon mon pou al ase bref. Annefe premyer keksoz ki mwan mon pou dir, se ki nou ti ganny elekte wi, mazorite anba LDS, me selman, nou moto was 'Sesel pou tou son zanfan,' ki US ti dir 'Koste Seselwa' e mon krwar poudir nou pe dir tou profesyonnel in ler pou pouse. E mon krwar poudir, ki nou dan LDS, nou, nou ti dir poudir 'Sesel i pou tou son zanfan.'

Alor tou profesyonnel ki Seselwa i annan par ladan. Dan sa ka, okenn rezon nou pa pou kapab dir poudir nou kont profesyonnel, malgre petet i kapab annan bann konversasyon petet i mal ganny enterprete. Me selman *retourn back* lo Mosyon, parey

Mrs Hoareau in vin la. Mrs Hoareau in vin la. Mwan personnelman mon konn li. Mon konn li dan *Tourism* sirtou.

Me selman, i en madanm ki annan bokou. I annan en drive avek li, ki mon konnen i. Mon vremen, vremen konfidan ki i pou kapab *lead* nenport ki lekkip ministeryel. E i pou fer en bon Minis. Alor mon ti ava kontan dir nenport ki portfolyo ki i pou gannyen, bann profesyonnel pou ganny rekonnnet. Akoz in dir la poudir i bezwen zot lekspertiz. Savedir i montre ou poudir i pou *value* zot. Savedir san dout poudir i pe donn valer bann profesyonnel dan bann sekter. Mersi.

(APPLAUSE)

MR SPEAKER

Apard Onorab Pillay, en lot dimoun la ti'n lev lanmen, so Onorab Cosgrow, wi.

HON WALLACE COSGROW

Mersi Mr Speaker. Mr Speaker, mwan osi mon pou et tre bref, akoz letan pe ale. Mr Speaker, mon lentervansyon i baze, lo kestyon ki Onorab Philip Monthly pou Cascade ti demande, konsernan en pti pe stratezi lo kot *Air Seychelles*. An vi ki *Air Seychelles* i *very much linked* avek Sekter

Touris. E mon krwar ti en kestyon byen plase, an vi leksperyans.

Let alone kapasite leksperyans, Mrs Hoareau dan diferan *airline*, me osi lo son CV in mete *Air Seychelles*. In fer 9an *Air Seychelles*. Malgre i en pe letan pase, son leksperyans dan *airline*, e lefe ki *Air Seychelles* i vremen link avek *Tourism*, mon krwar ti ava enportan pou reasir en pti pe bann travayer *Air Seychelles*. E osi bann dimoun ki pe ekoute deor, ki son pwennvi?

Menm si petet i pa vin Minis *Tourism*, solman koman en manm *Cabinet*, *Air Seychelles* i vremen, vremen enportan pou Sesel e pou *Tourism Sector*. Ki son pwennvi lo *Air Seychelles*? E ki mannyer i krwar *Air Seychelles* i devret ganny deal avek *or Air Seychelles* i devret ganny *taken care of*. Si nou kapab met li koumsa.

So mon ti zis anvi *point out*, ki poudir madanm i annan en ase long servis dan *Air Seychelles* baze lo son CV. E mon krwar nou ti devret ganny en pti pe plis *insight*, lo ki son pwennvi lo *Air Seychelles*. Akoz nou – *well plan* ki *Air Seychelles* ki Gouvernman avan ti mete, i enn ki montre, ki vize ver en lavenir pou *Air Seychelles*. So mersi bokou Mr Speaker.

MR SPEAKER

Mersi Onorab. Onorab William.

HON WAVEN WILLIAM

Mersi Mr Speaker. Mr Speaker, mon pe pran laparol, pou mwan siport sa Mosyon, pou nominasyon lapwentman Mrs Hoareau koman Minis. Mr Speaker, dan kad siport sa Mosyon, mon anvi met serten pwen dan konteks. Mr Speaker, le 22, le 23, le 24, e rezilta le 25 ant sa 3 slogan;-'Koste Sesel', 'En sel Sesel', e 'Sesel pou tou son zanfan', pep Seselwa ti fer en swa! E ler pep Seselwa i koze, nou bezwen ekoute e aksepte rezilta eleksyon!

(APPLAUSE)

HON WAVEN WILLIAM

Mr Speaker, letan Seselwa in koze, in swazir en Dirizan, e sa Dirizan dan nenport ki pei, koman Prezidan, i bezwen selekte son bann Minis ki i anvi mete. E mon mazine poudir Prezidan Ramkalawan in bezwen fer en *tour d'horizon* e selekte bann dimoun ki dapre li, i krwar i kapab desarz sa responsabilite koman Minis. Mr Speaker, ou pa ti dan Lasanble, be mon konnen ou'n tann nou dan 6enm Lasanble, tou le de kote latab pe kritik servis piblik, lafason

ki ti pe marse e fonksyonnen. I annan bokou koze lo la.

E mon mazine poudir atraver sa bann legzersis ki 6enm Lasanble in fer, mon panse ki Prezidan Ramkalawan ozordi, in war dan Mrs Hoareau serten konpetans, pou li kapab nomin li koman Minis, pou fer sa travay ki baze lo konplent, ki nou'n gannyen lo tou le de kote latab, dan 6enm Lasanble.

Mr Speaker lefe ki Mrs Hoareau ti annan sa swa li, pou li dir non. Ki i pa vin sa *interview* ozordi. E Mrs Hoareau i en madanm ki for. Mon konn li, mon konn son konpetans. In dir wi e ozordi nou'n fer sa *interview* avek li. Mr Speaker, Mrs Hoareau mon santi ki i annan bann kalite avek li, pou li *lead* en Minister.

E mon konnen ki Mrs Hoareau i osi en dimoun ki valoriz; i respekte konpetans nou bann profesyonnel. E mon krwar poudir i pou fer en bon travay. Mrs Hoareau i en dimoun ki pasyonnen letan in gannye donnen en responsabilite e i anvi atenn lobzektiv.

Mr Speaker, ankor mon ou refer avek 6enm Lasanble, nou'n konplent poudir Gouvernman pe trenn lipye, lo plizyer dosye. E mon santi poudir Mrs Hoareau parmi lezot, en madanm ki nou

kapab met konfyans ladan, pou *lead* en Minister.

Mr Speaker, avek sa 2 pti mo, mon pou aret la, e mon pou donn tou mon sipor total sa lapwentman. Mersi.

MR SPEAKER

Mersi Onorab.

(APPLAUSE)

MR SPEAKER

Onorab Sebastien Pillay, *Leader* Lopozisyon.

HON SEBASTIEN PILLAY

Mersi Mr Chairman. Mr Chairman, nou'n swiv en antretyen enteresan avek en madanm ranpli avek vivasite, e ki'n eksprim son lekor. E personn lo lot kote latab, pa'n atak karakter sa madanm dan okenn fason, dan son personnalite. Kontrerman avek sa entervenans devan nou, i oule fer nou krwar. E mon swete ki entervenans avan nou, i ava santi li lib, parey i ti ete dan 6em Lasanble, pou li eksprim son mekontantman anver bann diferan lazans Gouvernman ler i nesese.

Mon zis swete ki sa i en keksoz ki nou war i arive, aköz ti annan laliberte pou eksprim nou lekor, e nou'n gannnen. E ozordi nou pe eksprim nou lekor ver Gouvernman, so ler Gouvernman pa pe travay,

nou ekspekte entervenans lo lot kote latab, ki fek koze avan mwan, i ava ankor enn fwa demontre poudir i pare pou koze pou dimoun Grand Anse, parey i ti fer ler i ti en Manm US.

Mr Chairman, pou mwan sa lantretyen ki nou'n fer bomaten avek sa enn apre midi, in montre mwan en keksoz. In montre mwan poudir napa personn ki asiz dan sa sez ki pa anvi sa pozisyon ki in gannnen. E tou sa dimoun ki la, in vin defann, zot defann rezon aköz zot vin pran sa pozisyon. E lo mon kote latab, nou pa'n fer li vin lo en keksoz ki *petty*. Nou pa'n fer li vin en keksoz ki personnell. Nou pa'n mansyonn lafanmir sa bann dimoun; nou pa'n mansyonn okenn lezot keksoz. Apard ki sa ki sa bann dimoun in dir, e prezan avek nou lo zot CV.

E pour mwan, se sa ki mon oule *remind* Lepep Seselwa, sa ki nou'n fer. Bann konsern eksprimen par Onorab Loze, i konsern, i bann lekspresyon ki bann dimoun in fer. E i byen ki Onorab Loze i met sa devan Lasanble. Tan byen kou mal, ki Lasanble i pran byen oubyen non, sa i depan lo Lasanble. Aköz sa i prerogativ Lasanble pou li pran li dan lafason ki i war li.

Mon oule fer kler ki ozordi Gouvernman Prezidan

Ramkalawan, pe demann laprouvasyon en *Cabinet* antye, e Onorab Georges taler ti vremen, ti *very quick* pou *remind* nou, ki nou pe fer en prosesis diferan. Me mon krwar Onorab Georges i bliye, ki *Cabinet* Mr Faure ti bezwen fonksyonn avek mon krwar apriyori apre *resignation* bann lezot Minis, avek 7 Minis, ki ti annan 9 Minis ki ti annan plizyer portfolyo double. E ki Gouvernman Mr Faure pa ti kapab fer *reshuffling*, akoz i pa ti posib pou li fer laprouvasyon ankore Minis. So mon bezwen remind Mr Georges, dan tou sa ki in dir, ki ti byen, mon krwar in esap sa pti bout pou li *remind* mwan.

En lot keksoz ki mon krwar i enportan pou nou, mon krwar ki nou bezwen mentenir en nouvo *style* fer keksoz. Nou bezwen adopte en nouvo stil fer keksoz akoz i nesese. E mon krwar ler Onorab Georges i dir ki i pa nou kont zot, swa zot kont nou, me nou ansanm koman Lasanble, mon swete ki son parol i senser, e ki le moman ler in arive pou nou kritik Gouvernman, dan en fason konstruktiv pou nou kapab avan pei pli devan, mon swete e mon espere ki kote mazorite LDS, a pare pou fer li. E mon osi donn mon langazman, ki koman en Lopozisyon, nou pa pou zis kritike, *for the sake of*

kritike, me nou pou anmenn konsern ki dimoun i met devan, akoz i nesese.

Dan ka serten laprouvasyon e dan ka sa enn dernyen, mon dernyen kestyon ki mon oule demann Mrs Hoareau, mon ti le fer Mrs Hoareau eksprim son lekor, lo en pwen enportan. Lefe ki en dimoun i *headhunts* ou - i fer *headhunting* e i pran ou, i byen, me dan *civil service* bokou bann pos i ganny *advertised*, i sipoze ganny *advertised*, e i sipoze ganny pran par bann dimoun ki'n *apply* pour sa bann pos.

E enn bann konplent ki dimoun in eksprimen, e ki bokou Seselwa in eksprimen, e ki LDS in *campaign* bokou lo la, mon'n war zot servi bokou dan zot kanpanny, kot zot in dir poudir napa *fairness* dan bann lenstitisyon *public service*. Napa *fairness* dan lafason ki bann pos i ganny donner, e ki dimoun i bezwen kapab *apply*. E i a baze lo meritokrasi. Dayer, i annan en zennonm ki ti *remind* mwan, ki i ti dan Lapolis e i santi ki i pa'n ganny sa sans. Mon pa ti a kontan ki nou pran en lapros ki nou *hunt* en lot dimoun, kan nou kapab within sa lorganizasyon, *allow* bann dimoun ki konpetan pou *apply* pou sa bann pos.

So mon krwar ki i pou nesese, pou parey mon'n dir

Onorab (Chief Whip Lopozişyon), i enportan ki nou fer sa travay ansanm;- pa –

(laughter)

HON SEBASTIEN PILLAY

Chief Whip Gouvernman, (ou konnen mon bliye) Ou konnen akoz mon bliye Mr Chairman?

MR SPEAKER

Onorab Arissol, silvouple gard en pe lord? Mersi.

HON SEBASTIEN PILLAY

Mersi Mr Chairman. Ou konnen mon bliye Mr Chairman, akoz sitan mon abitye war li sitan pare, avek pasyon pou debout ler i war en keksoz ki mal, ler i fer byen ozordi, ozordi, ozordi-

(Interruption)

MR SPEAKER

Onorab Arissol, ou kapab les -?

HON SANDY ARISSOL

(Off-mic)

MR SPEAKER

Wi les li fini son ladres silvouple. Mersi.

HON SEBASTIEN PILLAY

Mersi Mr Chairman. Mr Chairman i paret poudir, sa mazorite ki zot in gannyen, i pou enportan pou zot kapab negosye ki mannyer zot kapab kritik zot prop Gouvernman. E mwan mon pou kit Lasanble avek sa. Mon pou swet Mrs Hoareau *all the best*. Mon swete e mon enplor li konsern ki mwan mon annan, annou pa pran en lapros, pou nou al fer *headhunting* dan nou bann lorganizasyon, dan nou bann lenstitisyon *public service*, me annou *allow en meritocracy* to devlope, pou devlope. Annou *allow* bann dimoun, ki kapab annan konpetans pou *apply* pou bann promosyon. Si zot kalifye, zot kalifye. Akoz se lafason ki nou oule bouze, *going forward* dan le fitir.

Avek sa mon remerci ou Mr Chairman. Mon remerci Lasanble pou son latansyon. E mon swete ki *going forward*, nou ava kapab vreman travay ansanm parey Onorab Georges in dir. I pa ava nou kont zot, swa zot kont nou, me Lasanble ansanm ki pe pez *le poid* pou fer son travay. Mersi Mr Chairman.

MR SPEAKER

Mersi Onorab. Onorab Georges.

HON BERNARD GEORGES

Mersi Mr Speaker. Mr Speaker, nou'n vin isi apre

midi, pou konsider aprouv kandidatur Mrs Rose-Marie Hoareau koman Minis dan *Cabinet* Prezidan Ramkalawan. E olye fer sa, nou'n pas lanmwatye letan pe koz lo bann zenn profesyonnel. Annefe Onorab Loze depi yer, pe zwe gitar en sel lakord...

(laughter)

HON BERNARD GEORGES

... lo zenn profesyonnel. E mwan mon anvi dir avek Onorab Loze, ki si olye lir *text* profesyonnel ki pe anvoy li, i ti ekout Mrs Hoareau, i ti a'n tann Mrs Hoareau dir, egzakteman ki li i pou al anver sa bann profesyonnel, e demann zot ki mannyer zot, zot krwar sa Minister i devret marse.

Mr Speaker, zenn profesyonnel, *I'm sorry to say*, Gouvernman *SPPF*, Lepep ek *US*, in kit zot ater. E se pour sa rezon ki sa bann zenn profesyonnel pe pas zot letan *text* Onorab Loze ozordi apre midi.

(laughter)

HON BERNARD GEORGES

Mwan Les Mamelles mon konn plizyer zenn profesyonnel ki'n vin isi, enn an partikilye arkitek ki pe rod en bout later, depi 4an, 5an, i

still pa kapab ariv lo lalis later. E se sa fristrasyon e sa fason fer, e sa *zero-in* lo en problem, ki'n fer ki zot in sorti 15/10 e la zot in ariv 20/10. Se sa, se sa fason fer ki'n anmenn zot 20/5. Se sa ki'n anmenn zot pou perdi pouvwar. E mon pou sipliy avek zot, si zot anvi travay ansanm pou nou kapab fer en balans kont Egzekitiv. E pou zot pa disparet, koman en parti politik -

(laughter)

(Off-Mic)

An vwad disparisyon!

HON BERNARD GEORGES

... travay e fer sa bann keksoz ki zot la pou fer. Apre midi lo agenda, se laprobasyon Mrs Rose-Marie Hoareau koman en Minis. Mon konn sa madanm tre byen. Annefe nou ti liniversite Langleter ansanm dan 2 diferan landrwa. Me nou ti zwenn ase souvan aköz nou ti annan en zanmi komen. Nou ti retourn Sesel ansanm an Septanm 1977. Nou ti komans travay ansanm. E ler li i ti move SACOS letan SACOS ti ouver, mon ti avoka SACOS, e mon'n reste avoka SACOS pandan 15an.

Alor, mon konn sa madanm tre byen e mon napa okenn dout lo son konpetans, aköz mon zwenn son karyer

depi sa koman en bon zanmi. Alor Mr Speaker, mon napa okenn dout, parey mon konnen nou tou isi, nou napa okenn dout ki sa zenn profesyonnel, ki apel Mrs Rose-Marie Hoareau i pou ganny aprouve, pou li vin en Minis dan *Cabinet* Prezidan Ramkalawan. Mon remersye ou.

(APPLAUSE)

MR SPEAKER

Mersi. Mon ava remersye tou, bann Manm Onorab loter Mosyon, in ariv le moman pou vote, e mon a relir Mosyon pou pas li pou vote:

In accordance with Articles 63(1) and 69(2) of the Constitution, this Assembly approves the proposed appointment by the President of the Republic of Mrs Rose-Marie Stella Hoareau to the office of Minister. Nou a demann tou bann ki pour, lev lanmen silvouple? Tou bann ki kont? Madanm Clerk ou a donn mwan en kont? Mersi. Mosyon pou aprouv lapwentman Mrs Rose-Marie Stella Hoareau in pase avek 23 vot pour, 0 vot kont, e 10 abstansyon. Alor mon deklare ki sa Mosyon in pase. Mersi.

Alor mon krwar ki nou'n ariv ler pou nou termin lazournen. Onorab Georges, ou ti annan lide anmenn

okenn Mosyon ankor la aswar? Non Onorab Georges i napa lide anmenn okenn Mosyon. Alor nou a termin la e nou a rebran demen 9er bomaten.

(ADJOURNMENT)